



*Chocky Brown tingim Peles ...* Wanpela nambawan musikman bilong pilal piano long PNG, Wiri Yakalpoko i parapim ol pinga bilong em antap long piano bilong Travelodge Hotel long Mosbi. Wiri, planti ol man i save kolim em Chocky Brown bai pilal long Mosbi neks wik bilong bungim mani long helpim ol sik manmeri na pikinini long ples bilong em long Erave long Sauten Hallans provins. Chocky i tok tru em i save amamas long pilal. Tasol em i gat tingting na sorl long ol lain pipel long ples bilong em. Chocky i save stap long Madang Resort Hotel na pilal antap long bot *Melanesian Discoverer*.

## PNG wokbung nau wantaim Saut Afrika

VERONICA HATUTASI i raitim

ASTE kabinet i rausim tambu em i gat long salim na baim ol samting wantaim Saut Afrika.

Dispela i bihainim yet bikipela laik bilong PNG gavman long wokbung wantaim Saut Afrika.

Stat yet long taim PNG i kisim independens long 1975, gavman i bin putim dispela tambu we ol i rausim aste.

Bikos Saut Afrika i bin gat polisi we ol waitman i bosim na rabisim ol blakman. Tupela skin kala i no save sindaun wantaim. Ol waitman i gat skul, haus sik, ples bilong lotu, ples bilong kaikai na dring we ol i tambuim ol blak pipel long go long ol. Na ol blakman i no save vot long makim lida bilong kantri.

Bihain long planti yia bilong stap olsem ol kalabus lain long asples bilong ol dispela lo i senis.

Ol blakman bilong Saut Afrika bai igat rait long makim memba bilong ol long nesanel palamen. Ol bai makim tu bosman bilong kantri long nesanel ileksen bilong neks wik, Epril 27.

Deputi Praim Minista na Minista bilong Foren Afeas, Sir Julius Chan i tok pasin we PNG gavman i mekim long rausim tambu long Saut Afrika na wokbung wantaim em i gutpela. Bikos PNG i gat planti gutpela samting bilong lainim long dispela kantri, moa yet long sait bilong ol saveman long wok maining. Saut Afrika em i papa bilong sampela bikipela maining kampani long wol, Sir Julius i tok.

Long wankain taim tu, kabinet i givim luksave long Palestin olsem ples tru bilong ol Palestin pipel. Luksave i go tu long Palestinien Liberesen Fran (PLO) olsem maus i makim ol pipel.

# NOGAT TAIM BILONG ISI, POKAWIN

PRIMIA bilong Manus, Stephen Pokawin i tokaut strong long ol primia bilong Niugini ailan rijon na ol pipel bilong ol olsem ol i no ken stap na lukluk tasol long ol giaman toktok bilong gavman long bringim ol samting na sevis long ol.

Mista Pokawin i bin mekim dispela toktok i go long ol sumatin bilong Yunivesiti long Trinde nait taim em i givim toktok bilong em

JAMES KILA i raitim

*long, Provinsal Gavman: Tingting bilong ol Niugini ailan.*

Mista Pokawin i tok olsem ol primia bilong Ailan rijon na ol pipel bilong ol i no inap sindaun tasol na pret long ol nesanel lida husat i stap long pawa long rausim dispela pawa bilong ol na giamanim ol pipel olsem ol i laik mekim dispela provin-

sal gavman sistem i kamap gutpela moa.

Em i tok olsem ol primia na ol pipel bilong Niugini Islands bai sutim tok long gavman long wanem ol i no mekim gut wok bilong ol aninit long dispela Organic Lo bilong Provinsal Gavman. Sapos ol nesenel lida na nesanel gavman i mekim wok

bilong ol stret, em bai wankain tasol na ol narapela liklik gavman tu bai bihainim.

"Mi kalap nogut tru long lukim ol memba bilong Konstitusinel komisen i go raun long olgeta hap bilong kantri na karim dispela buk CRISIS IN PARADISE. Ol pikinini bilong Papua Niugini i stap olsem wanem na dai

bilong ol wantaim ol mama em gavman i sutim tok long ol provinsal gavman," Pokawin i tok.

Em i tok tu olsem em i save sore tru long lukim ol nesanel gavman i saspenim ol provinsal gavman long mekim olpaul wok. Na bihain ol yet i no save ronim wok gut long provins ol i saspenim.

Na tu sampela ol wok bilong ol nesanel dipatmen i nogut tru long ol provinsal dipatmen.

Mista Pokawin i tok olsem ol pipel i noken lus tingting olsem dispela gavman nau i stap em i gat bikipela tingting tru long rausim provinsal gavman. Ino PDM, PPP, LNA, PANGU o ol indipen-

den husat i gat tingting long dispela senis long provinsal gavman. Tasol taim Paiaas Wingti i kamap Praim Minista, em i tokaut long tingting bilong em long rausim provinsal gavman long wanem ol i no wok gut na kaikai bikipela mani tumas. Mista Wingti i bin tokaut long dispela i go moa long pes 3



## NAMBAWAN TRAKTA LONG PNG

Massey-Ferguson i gat planti kain kain trakta. I gat liklik MF 1020 i save mekim wok insait long ol gaden na fam. Na i gat planti arapela kain trakta tu i go inap long bikipela trakta tru em MF 390. Dispela MF 390 inap pullim ol kain kain samting o tanim graun insait long fam. Em i gat 83hp ensin.

YU LAIK SAVE MOA LONG OL DISPELA SAMTIN RINIM DISPELA SAVE MAN



MASSEY FERGUSON

GRAHAM FLEMING  
FIELD SALES MANAGER  
PH 421215 FAX 422463  
TELEX NE42432  
PO BOX 3182 LAE.

Ela Motors



Ripot bilong Bogenvil long dispela wik... wantaim VERONICA HATUTASI na ALOYSIUS SAMI

# Kaikai sot long ol kea senta

PROTES mas we ol sief na memba bilong ol Interim Atoriti long Bogenvil i bin tingting long holim long las wik Fraide i no kamap.

Minista bilong Stet na Bogenvil Afeas, Michael Ogio i bin tokim ol sekyuriti fos na plisman long ailan i stapim dispela protes mas. Bikos em i brukim Stet ov Imejensi lo we nesenel gavman i putim long Bogenvil long taim bilong bikpela hevi long 1990. Dispela lo o ekt i stap yet long ailan tude.

Tasol hevi bilong ol sief i no pinis yet. Ol i laikim gavman i lukluk na mekim samting long askim bilong ol.

Nau, ol sief i makim wanpela grup bilong bungim Prais Minista Paais Wingti na toktok wantaim long ol hevi na askim bilong ol. Ol i no tokaut yet husat tru i stap long dispela grup.

Nau yet planti samting long

Bogenvil i no go gut. Long sait bilong ol restoresen program o ol wok bilong stretim ples na sindaun bilong ol pipel, ol wok i no go het. Bikos i nogat mani bilong wok.

Dispela K10 milien we gavman i katim bilong Not Solomons provins long baset bilong dispela yia i no inap tru long kirapim ol wok.

Mani bilong lukautim ol pipel insait long ol kea senta i pinis. Planti taim ol pipel long kea senta i bungim hevi wantaim kaikai, marasin na klos. Gavman i no katim yet mani bilong ol kea senta long dispela yia.

Ol sekyuriti fos tu i sot long kaikai, fiul, ol katres na ol arapela samting bilong pait. Olsem na oi no inap long lukautim gut ol pipel i stap long hap gavman i lukautim nau.

Planti manmeri na pikinini

long ol kea senta na ples i kisim bagarap, bungim taim nogut na dai long han bilong BRA.

Sampela pipel bilong Bogenvil i kam long ples nau tasol na autim ol dispela toktok long samting i kamap long ailan long dispela taim. Ol lain i no laikim nem bilong ol i kamap long niuspepa.

Nau yet BRA i lukim olsem ami tu i sot long ol samting bilong pait. Dispela i givim ol sans long pait na bagarapim ol pipel na samting we gavman i traim long stretim aninit long program bilong stretim ples na sindaun long ailan.

Bikos ol sekyuriti fos i no inap was gut long boda bilong PNG na Solomon Ailans, BRA i wok long kisim ol samting bilong pait i kam long Solomon Ailans.

Olgeta samting i kam aninit long wanpela samting. Nogat mani. Sapos gavman i laik

pinisim hevi long ailan na i laikim yet Bogenvil i stap olsem hap bilong PNG, em i mas tromoi bikpela mani long go hetim ol wok long hap. Na tu lukautim laip bilong ol pipel.

Nau ol pipel i stap wantaim bikpela pret. Sapos nogat sekyuriti fos o plis i stap was long ol, BRA bai bagarapim ol. Bikos ol i sutim tok long ol pipel olsem ol i sapatim gavman bilong PNG na ol sekyuriti fos.

Wanem samting bai i kamap nau? Ol sief, ol interim atoriti lida na ol bikman long ples wantaim tu ol pipel i no amamas long planti samting i kamap long provins.

Las wik ol sief i bin putim 13 askim long nesenel gavman. Ol dispela askim i autim long ples klia ol hevi na samting we ol pipel long Bogenvil no amamas long en.

## 300 pipel long Taurato kea senta pret long BRA

MOA LONG 300 pipel bilong Taurato kea senta i laikim plisman na sekyuriti fos i stap lukautim ol long ailan.

Taurato Ailan i stap aninit long lukaut bilong Buin distrik. Tasol em i stap long boda bilong PNG na Solomon Ailans.

Las wik, wanpela lidaman husat i no laikim nem bilong em i kamap long niuspepa i tokaut olsem ol manmeri na pikinini long Taurato i stap wantaim bikpela pret nau. Nogut ol birua i kam na bagarapim ol taim nogat plisman o ol sekyuriti fos memba i was long ol.

Long dispela taim ol sekyuriti fos i no mekim gut wok. Bikos ol i sot long kaikai na ol arapela samting bilong pait. Ol patrol bot, helikopta na balus i sindaun nating bikos i nogat fiul bilong ronim ol. Dispela asua tasol i mekim na nogat gutpela wok patrol i go het namel long boda bilong PNG na Solomon Ailans.

Bikman ya i tok long mun Januəri bilong dispela yia, sampela man bilong Solomon Ailans i bin kam sua long nambis bilong Kangu long Buin. Wankain gen long mun Februəri na long las mun.

Long tripela taim ol i kam sua, ol lain bilong Solomon ailans i givim ol samting bilong pait long ol BRA memba bilong Buin.

## Sir Paul ripot long Australia grup

OL BIN tokim ol memba bilong Australia palamentari grup husat i pinisim tripela de lukluk raun bilong ol long Bogenvil tude long tokim ol BRA sapota long Australia i pinis long giamanin ol yangpela man long ailan wantaim mauswara toktok olsem Bogenvil bai kamap wanpela kantri em yet.

Man husat i mekim dispela toktok em Sir Paul Lapun. Sir Paul em i wanpela long ol nambawan man long kantri husat kwin i givim bikpela luksave long em long gutpela wok em i mekim olsem memba bilong Bogenvil stat long nambawan palamen long kantri i kirap inap long 1975 taim em i lus long nesenel ileksen.

Long Tunde taim delegesen i kamap long Buka Ailan, Sir Paul i bin tokim delegesen long karim singaut bilong em na ol pipel bilong Bogenvil i go long gavman bilong Australia long ol i skelim na mekim samting kwiktaim. Bikos em i tok, helpim na giaman toktok we ol sapota olsem Rosemarie Gillespie, Mike Forster, Moses Havini na Martin Miriori i givim long ol BRA i

Paulim tingting bilong planti yangpela long ailan. Olsem na ol i wok long bagarapim nating laip na sindaun bilong pipel bilong ol yet.

Em tokim delegesen tu olsem Misis Gillespie i strongim ol lain BRA long pait strong. Bikos long pawa bilong em, Bogenvil ailan bai i kisim independens. Olsem na Sir Paul i laikim delegesen long tokim gavman bilong Australia i stapim Gillespie na lain bilong em long noken yusim ol hevi long Bogenvil long apim nem bilong ol.

Sir Paul i singaut strong long ol Bogenvil pipel yet i wok bung wantaim na painim rot long pinisim ol hevi long ailan.

Tude grup i lusim Buka na kam bek long Mosbi bihain long tripela de lukluk long Not Solomons provins. Seneta Stephen Loosely i go pas long grup ya husat bai i wokim wanpela ripot long ol samting i kamap long Bogenvil nau na long taim bilong bikpela hevi. Ol bai givim dispela ripot bilong ol long gavman bilong Australia i glasim na skelim. Ol narapela memba em Seneta Vicki Bourne na Paul Calvert, Ian Sinclair na Peter Knott.

## Lida egens kompensesen mani

WANPELA lida bilong Buin husat i no laikim nem bilong em i kamap long niuspepa i askim deputi Prais Minista na Minista bilong Foren Afeas na Tred, Sir Julius Chan long tingting gut long baim kompensesen mani i go long ol manmeri na pikinini bilong Bogenvil husat i bin dai long han bilong ol Bogenvil Revoluseneri Ami.


Bikman ya i tokim *Wantok Niuspepa* olsem long Mas 13 bilong dispela yia, PNG gavman i bin baim K450,000 long gavman bilong Solomon Ailans olsem kompensesen mani long tripela pipel husat i bin dai long ples Kamaleai insait long Sotlen Ailans long mun Desemba 1992.

## PTC lusim narapela teknisen gen

JOSTER Pakop em i wanpela wokman na Telikom teknisen. Em i no bin dai taim helikopta i bagarap na tripela wanwok bilong em wantaim pailot i dai long Buka long las mun. Em bin kisim bikpela bagarap long bodi na ol kisim em go

long Taunsvil jenerel hausik long Australia long kisim marasin.

Tasol long Fraide las wik, Mista Pakop i dai long haus sik long Australia. Pos na Telikom kampani i sore tru long lusim wanpela gutpela wokman olsem Mista Pakop.



LAE: Plis long Lae i mekim wok painimaut long indai bilong wanpela man Okapa las wiken.

Bos bilong Lae siti plis, Alfred Reu i tok nem bilong daiman ya em Joe Ambase. Ambase i bilong ples Kasogu long Okapa eria bilong Isten Hailans provins.

Em i dai long Epril 10 bihainim bagarap em i kisim insait long wanpela pait long Faiv Mail. Plis i no holim pasim yet wanpela man long dispela trabel.

Mista Reu i tokaut tu olsem ol stilman i bin stilim tupela ka long las wiken.

Long las Sande nait, sampela man nogut i hensapim draiva bilong wanpela ka we SP Brewery long Lae i papa long en, ausait long wanpela stoa ol i kolim Opaoti Trading long Eriku. Ol i bin pasim ai bilong draiva, na draivim ka i go long Voko poin na lusim em long hap. Bihain ol i kisim ka na ranawe.

Long las Sarere nait tu, ol man nogut i stilim wanpela ka long Lae Melanesian Hotel. Lae plis i mekim ol wok painimaut tu long dispela samting.

MOSBI, Nesenel Kapitel: Bosman bilong wanpela sekyuriti kampani i kamap long Boroko distrik kot long sas bilong lukautim samting bilong pait.

Man ya em Nicholas John Butler. Em i gat 51 krismas. Butler i bilong Birmingham long Inglan.

Plis i sasim em log lukautim samting bilong pait namel long mun Januəri na Mas bilong dispela yia. Ol i tok Butler i yusim ol samting bilong pait long wok sekyuriti wantaim kampani.

Butler i tok ol sas we plis i mekim long em i no tru. Plis i holim pasim em bihain long ol i mekim ol wok papainim long narapela tupela poroman bilong em husat i gat ol samting bilong pait wantaim ol.

Em long wanpela Winjesta hai pawa raifel na Berreta pistol. Plis i bin kisim ol dispela samting long tupela haus insait long Mosbi long dispela mun. Wanpela long Boman plis skul na narapela long JJ Holsel long Badili.

Plis i bin sasim Seditck Serege bilong Westen provins na Robert Tjoeng bilong Indonesia. Serege i bin baim K40 fain. Boroko distrik kot bai harim kot bilong Tjoeng sampela taim long dispela wik.

Ol sasim Tjoeng long 3-pela sas bilong lukautim gan wantaim em we i nogat laisens long en.

Ol skruim kot bilong Butler i go long Me 24.

SIMBU: Moa long 100 pipel husat i planim, salim na smukim mariwana long Simbu provins i givim ol yet long han bilong provinsal atoriti na plis long dispela wik.

Bung i bin kamap long ples Wankama long Gembogl eria bilong Simbu provins. Moa long 1000 pipel i bin kamap long dispela taim.

Provinsal plis komada, Luwick Kambu na Primia Edward Aba i bin stap tu long bung ya.

Planti raskol nogut na ol yut husat i save wokim trabel i promis long lusim pasin nogut.

Bosman bilong Alkohol na Drag Rihabilitesen long Simbu, Philip Morre i tok pasin we ol yangpela na ol trabelman i mekim long promis i gutpela tru.

Namba bilong ol dispela pipel i antap moa winim ol arapela grup husat i lusim wankain pasin long ol arapela taim. Dispela bung bilong senisim pasin nogut i bihainim kempen bilong egensim ol smuk na marasin nogut insait long provins.

Mista Morre i tok pait long daunim hevi bilong mariwana na ol arapela smuk nogut i bikpela hevi nau long kantri. Tasol i nogat inap mani long go het long dispela wok.

Em i tok hevi wantaim mani long dispela kantri i mekim planti pipel i lukim mariwana na ol arapela smuk nogut olsem isi rot bilong kisim mani hariap.

Em i wanbel tu wantaim ol toktok we Nesenel Nakotiks Biuro i autim olsem ol i sot long mani long go hetim wok bilong daunim dispela hevi wantaim smuk na marasin nogut. Olsem na em i singautim gavman long givim helpim wantaim mani i go long ol grup husat i lukautim dispela hevi.





**Kibung taim...Ol memba bilong Wes Sepik provinsal gavman i sindaun paltim toktok wantaim ol lain bilong komisen husat i kisim tingting nau long wok bilong senisim ol provinsal gavman. Long lephan poto, ol pipel i bung ausait long provinsal gavman opis bilong harim ol toktok bilong komisen.**

# Kaputin egens wok long Lihir gol main

DANIEL MONA i raltim

LIHIR gol main projek long Nu Ailan provins no inap go het inap gavman i toktok gut, na stretim sampela hevi bilong ol papagraun long hap.

Minista bilong Maining na Petroleum, John Kaputin i tokaut long dispela bihain long em i bung wantaim ol papagraun na ol memba bilong Nu Ailan provinsal gavman, na harim toktok na skelim wantaim tingting bilong nesenel gavman na Nesenel Eksekutiv Kaunsil, bipo ol i pasim toktok.

Mista Kaputin i no amamas long sampela tokorait we nesenel gavman i mekim long ol papagraun bilong Lihir gol main. Olsem na em i tok long em i no inap sapatim wok i go het, inap gavman i stretim hevi bilong ol papagraun na Nu Ailan provinsal gavman.

Long dispela taim, gavman i no givim yet bekim long askim bilong ol papagraun bilong Lihir na provinsal gavman. Em i tok gavman i pasim yau long sampela bikpela askim bilong ol.

Dispela pasin gavman i mekim long ol papagraun na provinsal gavman i no gutpela, Mista Kaputin i

tok. Em i tok dispela pasin bilong gavman long tanim beksait long askim bilong ol papagraun i as tru bilong ol hevi long Bogenvil. Na i luk olsem gavman i no kisim skul yet long dispela.

Aninit long mamalo bilong PNG, gavman i gat wok long lukautim long ol papagraun, provinsal gavman na ol pipel bilong PNG. Ol arapela samt-ing wantaim ol ovasis kampani, wok developmen na mani i bilong bihain sapos olgeta arapela samt-ing wantaim ol asples pipel i stret pinis, Mista Kaputin i tok.

Em i tokaut tu olsem ol bikman bilong Lihir main-ing kampani i save tu olsem gavman i laikim wok long Lihir projek i go het. Na gavman i wok long strongim dispela tingting long 5-pela krismas i go pinis.

Ol bikman, em i tok, i save long wanem rong ol yet i wokim long mekim wok i go het long main i no kirap hariap. Sampela lain i go het tasol long hariapim go het bilong sea bilong Lihir projek. Na ol i no stretim hevi na askim bilong ol papagraun. Wanpela askim bilong ol papagraun em long baim sea, we kampani na gavman i no stretim yet.

Ol papagraun bilong Lihir i amamas tru long bungim Mista Kaputin na autim wari bilong ol. Na em bai kisim wari bilong ol i go long gavman na NEC.

## Woks dipatmen redim 1993 plen

WOKS seketeri, Lohia Hitolo i tok olsem dipatmen bilong em i pinisim namba wan menesmen plen bilong dispela yia.

Mista Hitolo i tok dispela menesmen plen em i wanpela nupela samt-ing i kamap bihain long em i kamap olsem seketeri bilong Woks dipatmen. Dispela em i

wanpela gutpela rot long bringim sevis i go long ol pipel.

Mista Hitolo i tok aninit long dispela menesmen plen, ol bosman long wan wan divisen o seksen i ken skelim mak bilong wok ol opisa i wokim. Em i tok long dispela yia, Woks dipatmen bai yusim Program Menesmen Sistem long karimaut ol wok.

Em i tok long dispela yia, sampela senis bai kamap long lo na rot bilong yusim mani. Hitolo i tok wok kapitel woks projek bilong ol arapela gavman dipatmen bai bihainim mani dispela ol dipatmen i putim kamap.

Hitolo i tok Woks dipatmen i gat bikpela wok long karimaut bihainim developmen bilong Papua Niugini. Tasol Woks dipatmen i sot long K3 milien aninit long baset bilong dispela yia.

i kam long pes 1

long taim em i toktok long wanpela bisnis bung long Mosbi Travelodge long mun Okto-ba long 1992.

Mista Pokawin i tingim sampela toktok em planti man i save, "Yu ken giamanim sampela pipel long sampela taim, tasol yu no nap giamanim olgeta pipel long olgeta taim,"

Em i tok wanem samt-

ing ol Primia bilong ol ailan i toktok em i no long bruk long PNG, stretim gen provinsal gavman, o ol sevis i no go gut long ol pipel.

Wanem tingting i hait i stap em Nesenel gavman i mas gat bilip long ol o nogat na wanem kain wok ol i mekim o nogat.

"Mipela i no nap long lusim Waigani long mekim ol pipel bilong

mipela i kamap gut inap long ol i soim stret ol i ken mekim. Tasol Waigani bai kainkain samt-ing long lukluk. Na tu sapos ol i no mekim wok bilong ol gut, bai igat ol man husat i laik lusim PNG, lo na oda hevi na ol kainkain hevi nating.

Em i tok ol bai wok hat tru long Nesenel Unity maski wanem kain samt-ing i pasim ol.

Long lukluk bilong ol narapela kantri na long PNG yet, nogat wanpela gavman long PNG nau o bihain taim i ken tok yumi gat unity. Tasol yumi mas wok hat long strongim dispela bung wantaim bilong ol pipel olsem wanpela kantri tasol.

Mista Pokawin i tok olsem ol i wok long mekim ol senis long provinsal gavman

## No gat moa taim bilong isi long ol senis

## MCC askim ol lokol bisnis long wok bung

EDDIE SAUNDERS i raltim

BOSMAN bilong Melanesian Semba ov Komes, Gabriel Miriye i tok lukaut long ol nesenel opisa long kantri wantaim tu ol memba bilong Mosbi Semba ov Komes long noken salim ol yet i go long ol ovasis bisnisman.

Mista Miriye i bin mekim dispela toktok long Redio Kalang Tokbek program bilong Tunde Epril 19.


Em i pret long ol bikpela ovasis kampani i wok long giamanim ol PNG man na baim ol long pasim maus.

Ol lain husat i bin harim toktok bilong Mista Miriye em long nupela presiden bilong PNG Semba ov Komes, Adrien Warupi, presiden bilong

Mosbi Semba ov Komes Henry Kila, na man husat i bin holim dispela wok pastaim em Stan Joyce.

Mista Miriye i askim PNG Semba ov Komes long sanap strong na wokbung wantaim ol arapela bisnis asosiesen long pait strong na helpim ol bisnis mar neri bilong PNG yet i ronim wok bisnis bilong ol. Dispela em ol bisnis asosiesen olsem Melanesian Semba ov Komes, Likba, na PNG Nesenel Bisnis Asosiesen.

Mista Warupi i askim Mista Miriye long stap insait long ol bung we Semba i putim kamap. Tasol em (Miriye) i tok long olgeta bisnis grup long kantri i bung wantaim pastaim na kamapim wanpela bodi olsem Melanesian Semba ov Komes we ol PNG pipel tasol i ken kamap memba. Long dispela, em i tok, ol bai wok bung wantaim long nem tru bilong ol pipel long kantri.





# WANTOK

# Morobe bai kisim K39 milien

## Senis i min wanem

Ol toktok bilong Primia Steven Pokawin i no ken go lus nating. I mas gat kikbek i kamap long en.

Dispela i min olsem ol lain bikman bilong gavman na ol arapela biknem bodi i mas glasim na skelim gut wanem samting em primia i toktok long en.

Long nau yet, dispela toktok bilong rausim ol provinsal gavman i kamapim bikpela tok-tok na hevi tru. Planti pipel i no klia long wanem samting i kamap. I mobeta komiti husat i mekim dispela wok nau i mas tokaut klia long ol samting.

Long limlimbur bilong ol i go long ol provins, komiti i no go insait tru long ol ples kanaka. Planti lain husat i kamap na paitim toktok wantaim komiti em ol bikman na lida bilong provins, i no ol pipel bilong ples.

Ol dispela lain tu i no karim tru maus na nem bilong ol pipel. Bikos long planti taim, ol i mekim toktok tasol long laik bilong ol.

Olsem na kain toktok nau em Pokawin i tromoi long ol sumatin i mas gat kikbek bilong en. Nogut Papua Niugini i kalap nogut long lukim olsem pasin bilong ol ovasis kantri i kamap tu long hia. Na dispela em long ol sumatin bai kirap na egensim tru gavman long olgeta wok em i laik mekim.

Tasol long wankain taim, em i wok bilong ol dispela lain sumatin tu long skulim ol papamama na wanlain bilong ol long ples. Bikos ol yet inap tokim ol long wanem samting tru em dispela senis bai kamapim.

## YAKAM KELO I raitim

NESENEL memba bilong Lae Open na memba bilong oposisen, Bart Philemon i tokim ol memba bilong Morobe provinsal gavman olsem Morobe provins bai kisim K39 milien olsem mani bilong provins insait long nupela sistem bilong provinsal atoriti em ol lain bilong Bai-Patisem komisen i laik kamapim.

Mista Philemon husat tu em memba bilong dispela komisen i tok olgeta yia mipela i save toktok pait olsem nesenel gavman i no

givim inap mani long provins. Tasol insait long nupela senis, bai dispela gren o mani bilong provins bai go antap moa.

Em i tok dispela mani bai ol i skelim long wan wan provins bihainim namba bilong ol manmeri i stap long en na i no olsem bipo we ol i save skelim lon ol bisnis projek na sais bilong graun.

Provinsal memba bilong Garaina, Moroko Gaiwata i askim sapos nesenel gavman i ken larim ol wan wan dipatmen long nesenel level wantaim ol liklik divisen insait long ol provins i kam long han bilong ol provinsal gavman long lukautim na ranim.

Mista Gaiwata i tok dispela em bikos i gat tupela kain bos we narapela i bosim ol nesenel dipatmen na narapela i bosim ol provinsal divisen. Dispela samting i save holim pas planti ol sevis na helpim long go hariap long ol pipel.

Tasol Mista Philemon i bekim bihainim ripot bilong Bai-Patisem Komisen olsem bai i gat man i kamap na i go pas long dispela wok. Bai nesenel eksekutiv kaunsil (NEC) i makim edministreta we em bai kisim ol toktok na tingting i kam long provinsal eksekutiv kaunsil (PEC) long ol wok bilong pablik sevis.

Dispela edministreta bai gat namba tu bilong em na tu bai ol i makim wanpela sief akaunten o man i go pas long ol wok bilong mani na wanpela loya bilong provins.

Provinsal memba bilong Umi na lida bilong oposisen, James Ibras i tok olsem em i sapotim dispela tingting bilong Bai-Patisem komisen long pinisim provinsal gavman. Tasol wanpela bikpela samting em i laik lukim nesenel gavman long kamapim em Ekonomikel Fiskal Komisen i mas kamap.

Mista Ibras i tok dispela Fiskal Komisen i bin kamap bipo na Nesenel Palamen yet i kirap rausim gen.

## Nupela lain plis memba

### ARI GUH DANDEE I raitim

TAUN bilong Bulolo nau i gat ol nupela komyuniti plis konstebol bilong en long helpim daunim ol hevi bilong lo na oda long komyuniti.

Long las wik Fraide, samting olsem 60 komyuniti lida bilong Bulolo, Garaina, Menyama na Asenki distrik i bin kisim luk-save long nupela wok bilong ol olsem ol komyuniti plis konstebol insait long wanpela seremoni long Bulolo.

Ol lain husat i bin sindaun long tupela wik kos long Bulolo i bin skruim save bilong ol wantaim plis wok insait long komyuniti na wanwan distrik ol kam aninit long en. Ol bai helpim tu ol pipel bilong ol long komyuniti wantaim ol hevi we sampela taim ol save kisim taim nogut stret long han bilong ol plis taim ol kisim ol wari i go long plis sesen.

Plis dipatmen long provins i bin ronim dispela kos. Sagen Nathan Gesensu na Simon Felix Kranolem bilong komyuniti plis konstebel yunjt long Lae i bin go pas long kos.



• Redi long kamap Misis bilong Kompluta.... Philomena Hare i kisim tiket bilong em long go long Japan long skul long ol bikpela kompluta masin long Ambasada bilong Japan Tadas Masul. Nau yet Philomena i stap long Japan na i stat skul pinis. Foto: Rodney Kamus

## Wes Sepik amamas long kisim komisen

### FELIX RAMRAM I raitim

OL pipel bilong Sandaun i bin amamas tru long bungim namba tu siaman bilong Konstitusinel Riviu Komisen (CRC), Bernard Narokobi wantaim sampela memba bilong komisen taim ol i go long

Vanimo.

Mista Narokobi wantaim lain bilong em i go Vanimo long Epril 12 na stap i go inap long de namba 15. Primia bilong Sandaun, Peien Aloitch wantaim ol minista bilong em na tu ol arapela memba i bin amamas tru taim ol i welkamim Mista Narokobi wantaim ol lain bilong em long Vanimo ples balus.

Primia Aloitch long toktok bilong em i tokim lain bilong Mista Narokobi olsem no gat wanpela hevi bai long stap bilong ol long Vanimo. Em i tok pipel bilong Sandaun i nogat tingting long kros o kamapim havi long ol lain bilong CRC. Na tu ol pipel bilong Sandaun em ol lain bilong i gat rispek.

Primia Aloitch i tokim Mista Narokobi wantaim lain bilong em olsem long nau yet, ol pipel bilong Sandaun i paul na tu i no klia long toktok bilong nesenel gavman long rausim provinsal gavman sistem. Olsem na taim CRC i bungim ol pipel na toktok wantaim ol, em i mas tok klia stret long ol pipel long dispela samting.

## Tairora haiskul laki tiket nogat kikbek

PLANTI pipel long Isten Hailans, Madang, Morobe na ol Sepik provins i askim nau wanem samting tru i kamap long ol rafel tiket bilong Tairora haiskul we ol i bin baim long las yia.

Ol bin nap long droim ol tiket long Septemba 16 las yia tasol ol i bin skruim taim gen i go antap long Janueri 31. Tripela mun i go pinis na sampela pipel bilong Kainantu husat i bin baim tu ol tiket i laik save nau wanem samting i kamap long ol rafel tiket ya.

Ol manmeri i no bin isi long baim ol tiket we ol salim long K2. Bikos prais bilong ol tiket wina i ovarim K60,000. Olsem na planti pipel tru

bilong ol narapela provins i no isi long baim ol tiket.

Ol rafel ogenaisa i bin tokaut olsem husat man o meri i kisim nambawan prais bai i winim wanpela toyota lenkrusa we kos bilong em inap long k27,000. Namba tu long en bai i winim wanpela 15 sita bas we kos bilong em inap long k23,000 Namba tri wina bai i kisim wanpela 25 hospawa autobod moto wantaim wanpela banana bout we longpela bilong em inap long 23 fit. Pe bilong em inap long K4,000.

Narapela 9- pela tiket wina i bin nap long wisim tiket long plai i go kam long Kens long Australia wantaim k300 poket mani.

# WANTOK

HUISPEPA BILONG OL PAPUA NIUGINI STREET

P.O. Box 1982 BOROKO  
Telepon Namba: 25 2500  
Feks Namba: 25 2579

## PE BILONG WANPELA YIA 52 NIUSPEPA

PLES	AIR
Mosbi	K30.00
Arapela PNG eria	K60.00
Australia na Nu Silan	K92.00
Esia pasifik na Japan	K123.00
Amerika na Yurop	K180.00







anage i save tok olsem em i no wanpela man long pret long devel. Wanpela taim wanpela wanlain bilong em i dai na Kanage wantaim ol lain long ples i go bung na krai long bodi bilong man ya. Ol i krai i go tulait. Long moning taim nau i nogat buai long kaikai. Na Kanage i go long lain buai long kisim buai. Tasol Kanage i no save olsem tambu bilong wanpela wantok i wok long hait na bihainim em. Bikos em i laik giamanim Kanage. Kanage i go na go antap long wanpela buai. Taim man ya i lukim olsem Kanage i go antap na stap long namel bilong buai, em i kisim wanpela pikinini kakao na tromoi i go antap. Taim Kanage i lukim dispela pikinini kakao, em i pret nogut tru. Kanage i ting olsem devel bilong dai man ya i tromoi pikinini kakao. Em nau Kanage kirap wokim mak kruse na tok olsem: Plis tru muno, yu no ken mekim olsem long mi. Mipela sindaun i go tulait na nogat buai na mi kam long painim liklik buai. Yu larim na mi kisim liklik buai ya holim na go bek long ples.

Gee Bee  
GOROKA

Wanpela taim Kanage lusim meri wantaim liklik pikinini long ples na go long taun. Meri bilong Kanage wantaim liklik pikinini meri stori i go na meri bilong Kanage i kirap na i laik go long toilet. Taim em i kirap, liklik pikinini meri i lukim laplap bilong mama bilong em i pas long as bilong em. Em nau liklik pikinini meri kirap na askim mama bilong em: Mama, mekim wanem na laplap bilong yu i pas long as bilong yu? Mama bilong em tanim lukim pikinini meri bilong em na tokim em: Yu save pikinini, papa i kaikai i go tulait na em i lusim i stap na go pinis long taun. Olsem na laplap i lukim na em tu i laik kaikai hap kaikai papa i lusim i stap na go long taun. Pikinini meri harim olsem na tokim mama bilong em: Mama, ating dispela kaikai i mas wanpela switpela kaikai stret ya.

Dodo A Sikapen  
KIMBE

BIKPELA Ista wiken ya na Kanage i tingting olsem em i mas go long ples bilong em long Hagen. Olsem na em i kisim balus long Mosbi na tekov i go long Hagen long Fonde yet. Taim em i kamap long ples Hagen, em i painim poro bilong em na ol i spak. Sta long Trinde yet na ol i dring bia i go inap long Fonde na go olgeta long Fraide apinun. Taim Kanage i wok long dring em i no kaikai liklik long dispela tripela dei. Kanage i hap indai long taun na ol i kisim em i go long haus sik. Ol i traim long kirapim Kanage i go na nogat olgeta. Long 6 klok stret long Gut Fraide Apinun taim Jisas i dai, dokta tu i tokaut olsem Kanga i lusim laip pinis. Em nau ol wantok bilong em i wari nogut tru. Na Wantok Niuspepa tu i wari bilong wanem bai nogat Kanage moa nau. Ol dokta i kisim kanage i go na putim ol laplap long em na putim em insait long mog na em i stap. Tasol long Sande Moning taim tru, Kanage i kirap long Mog tasol dua bilong bokis ais i lok. Kanage i wok long paitim na kikim long singautim ol man long opim dua long em. Man husat i was long mog ya i ting olsem ol tewel man i wok long mekim nois. Tasol nogat em Kanage ya. Man ya i tokim Kanage "Pasim maus bilong yu na silip isi. Yu laik go we long bikmoning." Tasol Kanage i strong na brukim dua i kam autsait. Taim man ya i lukim em, em i kirap na tekov. Na Kanage i raunim em. Tingting bilong Kanage ya em i ting olsem: em i silip long haus bilong em na i laik kam autsait tasol man ya i lokim dua long em olsem na em i raunim em.

Kanage Fan  
6 Mile

# Pasin kastom long PNG

LONG Papua Niugini, wok bilong kastom em i bikpela samting tru. Taim man i dai, marit, pait o mekim wanem kain samting, ol Wantok na pren i mas lusim mani long dispela samting. Sampela taim tu, ol lain husat i gat bisnis, wok bilong ol i ken bagarap long kastom pasin tasol.

Tupela wik i go pinis, wanpela yangpela boi husat i nogat wok na i kirapim bisnis bilong kakaruk na pik long samting olsem 4-pela yia nau i bin dai taim kar bilong em i

painim birua long Laloki haiskul.

Henry Dima, bilong Simbu, husat i gat 21 krismas i bin dai long taim kar em i draivim i kapsait long Laloki.

Taim Henry i dai, liklik bisnis bilong em i popaia nating. Olgeta samting bilong em i go long stretim wok bilong em long dai bilong em.

Henry em i wanpela strongpela bisnis man husat i yusim het bilong em long mekim wok bisnis na i no long raun nating olsem ol narapela mangi long bikhet nambaut

long siti.

Henry i gat wanpela bikpela banis pig we samting olsem 200 pik i stap long em na wanpela bikpela banis kakaruk i gat samting olsem 2000 kakaruk. Na tu em i gat wanpela kar.

Tasol taim em i dai, dispela olgeta samting i bagarap long ol wok bilong kastom.

Kar bilong em i bagarap long dispela kapsait. Taim ol man i go bung long olgeta dei na nait, ol i kilim wanwan pik long olgeta dei. Na tu long olgeta dei, ol i wok long

kilim samting olsem 20-30 kakaruk.

Dispela olgeta samting em long kastom pasin tasol na olgeta samting kamap olsem.

Taim papa na mama bilong em i laik stretim ol lain husat i kamap long dispela bung, ol i kilim 10-pela pik olgeta long givim aut long ol manmeri na pren husat i bin kamap long taim bilong indai.

Olsem long bihainim rot bilong kastom, man i dai, olgeta samting em i hatwok long em i mas pinis tu.

Bodi bilong Henry Dima bai go long Simbu long Fonde.

## Ol Madang laik bruk

SAPE METTA  
i raitim

SAMPELA lain pipel long boda eria bilong Madang na Isten Hailan provins i laik bruk lusim Madang provins na kamap hap bilong Isten Hailans provins.

Em ol pipel husat i stap long narapela sait bilong wara Ramu. Ol i tok Madang provinsal gavman i no kisim gutpela sevis i go long ol.

Long kisim laik na toktok long ol pipel bilong ol long Isten Hailans provinsal gavman, 7-pela lida i makim 500 pipel insait long 7-pela boda ples long boda ples i bin wokabaut i go long Goroka.

Long nau, 7-pela lida ya i raun long ol ples long Goroka na autim ol toktok long laik bilong ol pipel bilong ol. Ol tok tu olsem ol pipel ya i gat wankain tokples na ol i bihainim ol pasin kastom olsem ol pipel bilong Goroka.

Ol lidaman ya i bungim pinis provinsal Minista bilong Distrik Sevis David Mehuwo na ol memba bilong Goroka lokel gavman kaunsel. Ol tokaut i go moa long pes 14



• Taim bilong stretim wari bilong ol man. Ol lain bilong Henry Dima husat i dai taim kar bilong em i kapsait i lainim ol pik long givim long ol wanlain husat i kam sindaun wantaim ol long taim bilong wari. Foto na Stori: Rodney Kamus

## Pablik sevan egensim mariwana lo

GODFRIED YASSAFAR i raitim

WANPELA pablik sevan long Dipatmen bilong Is Sepik i egensim tingting bilong gavman long putim kamap wanpela lo na tok orait long ol manmeri long smokim spakbrus mariwana.

Dispela pablik sevan, nem bilong em Michael Kasi i tok tingting bilong Provinsal Plis Komanda bilong Isten Hailans, Sief Inspekta Buckley larume i no gutpela tumas. Em i tok Mista larume, olsem wanpela bikman bilong Plis fos insait long kantri, i no tingting gut na putim kamap dispela tingting bilong em.

Mista larume, long samting olsem tupela wik i go pinis, i bin tok aut olsem gavman i mas lukluk na putim kamap wanpela lo long givim tok orait long ol manmeri long smokim spakbrus mariwana. Bikos hevi bilong spakbrus mariwana i wok long kamap moa bikpela insait long kantri. Na gavman i

no inap long daunim dispela hevi.

Mista Kasi i egensim tingting bilong Komanda larume na tok olsem toktok bilong provinsal plis komanda bilong Isten Hailans provins i no gutpela tumas. Bikos olsem wanpela bikman bilong Plis fos insait long kantri, em i no sopus long mekim dispela kain toktok. Mista Kasi i tok Komanda larume i mas luksave olsem hevi bilong spakbrus mariwana em i wanpela lo na oda hevi tu insait long kantri. Olsem wanpela provinsal plis komanda, em i mas yusim ol plisman bilong em long pait egensim dispela hevi.

Kasi i tok olsem tingting bilong larume i soim olsem em i no fit long holim wok olsem wanpela provinsal plis komanda. Na tu i soim olsem Mista larume i no inap long karim aut wok na yusim ol plisman bilong em long traim na daunim dispela hevi. Kasi i tok Mista larume i daunim em yet olsem wanpela bikman bilong Plis fos insait long provinsal levlo.

## Inspekta tok no gat opisa bin sekap long ol skul

NO GAT wanpela inspekta i bin go lukluk raun long olgeta 144 komyuniti skul long Simbu provins inap long 4-pela yia nau.

Dispela i kamap long wanem i gat hevi long ol wokman na ol arapela samting.

Wanpela skul inspekta bilong provins husat i stap nau long Madang i bin mekim dispela tok-tok long las wik.

Fred Maliupa i tok inap long 4-pela yia

nau, hevi bilong no gat inap skul inspekta na rot bilong go lukluk raun long ol komyuniti skul i bagarapim tru ol wok. Na dispela i bagarapim tu skul. Na em i putim olgeta dispela hevi long sinia inspekta bilong ol komyuniti skul long provins. Em i tok dispela man i no traim mekim wanpela samting liklik bilong stretim dispela hevi kwiktaim.

"Taim no gat man i go long glasim na skelim wok bilong ol tisa, ol tisa bai stap wantaim wari bikos ol bai no gat sans bilong kisim promosen. Na dispela i mekim ol i les na givap tu long wok," em i tok. Tasol Mista Maliupa i tok maski dispela i wok long kamap, "ol tisa i wok long taitim bun yet long 1990 i kam inap nau bilong traim helpim ol gret 6 sumatin bilong ol long kisim gutpela mak."

## Yut bos tok Micah komiti kusai tasol

NAMBA tu siaman bilong Nesenel Yut Kaunsel long Papua Niugini, Suma Andum i tok kantri inap bungim bikpela hevi sapos gavman i bihainim olgeta samting i stap insait long ol ripot bilong Ben Micah.

Dispela ripot i toktok long rausim olgeta ol provinsal gavman na kirapim ol provinsal atoriti na lokol gavman.

Mista Andum i tok namba wan samting i kamap nau em wanem samting ol bikman bilong Niugini Ailan i laik mekim bilong bruk lusim Papua Niugini. Dispela, em i tok inap kamap long olgeta hap.

Em i tok dispela kain samting ol primia bilong Niugini Ailan i laik mekim i no bihainim mama lo bilong kantri.

"Sapos dispela i kamap, Papua Niugini bai luk olsem wanpela kantri bilong Rasia o ol kain hap olsem.




# TU MINIT TINGTING

## SAMPELA STORI BILONG WASMAN BILONG OL SIPSIP

YUMI olgeta kristen i laikim tumas dispela sam namba 23, we i gat tok long God em i gutpela wasman bilong yumi. Na yumi laikim tu dispela stori we Jisas i tok em i gutpela wasman bilong sipsip. Ating yumi yet yumi ol dispela sipsip, na em i tok piksa long yumi yet.

Planti yumi save baim na kaikai mit bilong sipsip, tasol ating planti yumi i no bin lukim wanpela sipsip yet. Sipsip em i luk olsem wanpela meme, tasol em i gat narapela kain strongpela gras. Sipsip em i no man bilong pait. Nogat. Em i man abilong pret. Na em i stupit liklik. Em i save raun raun wantaim planti arapela sipsip na i save kaikai gras bilong gaden na tanim long gras bilong em. Yumi save katim dispela waitpela gras bilong em na wokim laplap na klos i gutpela tru na i hotim skin tru. Long lotu yumi save yusim aidia bilong bebi sipsip o pikinini sipsip (Lem) i olsem trknem bilong Jisas long taim bilong Ista. (Lem bilong God)

Ol kantri olsem Australia na Nu



FRANK MIHALIC i raitim

Sijlan i gat bikem tru long groim planti planti tausen sipsip. Ol i save banisim ol. Tasol long lo kantri nabaut long asples bilong Jisas, em Israel, i gat ol liklik lain sipsip i save raun nabaut long ol ples kunai na ples wesana yet na ol i hatwok long painim kaikai. Oltaim ol dispela liklik lain sipsip i gat wanpela man, ol sampela taim wanpela meri o manki, i save raun wantaim ol na helpim ol long painim kaikai na wara na

rausim ol weldok i laik stilim ol i go. Long taim Opela o Nupela Testamen i gat tok long wasman bilong sipsip, em i min dispela kain wasman tasol.

Ol India yet i gat wanpela naispela stori i pas gut long wok bilong Jisas i wasman bilong yumi ol sipsip bilong em. Stori i go olsem: Wanpela fama i gat 200 sipsip bilong samting. Long olgeta de sampela wokboi i save poromanim ol sipsip long taim ol i goaut painim kaikai. Tasol long olgeta de sampela sipsip i lus; na ol wokboi i no laik go painim ol long nait. Ol i pret long okain wel abus long bus.

Orait, fama ya i laikim ol sipsip bilong em, na em i laik go sevim ol. Tasol ol sipsip ol i no save long em; ol bai ranawe long em sapos em i kamap long ol. Olsem na em i trikim ol. Em i karamapim em yet long skin bilong wanpela sipsip tasol, na ol i go bihainim em. Orait, fama i kisim ol lusman ya i go bek. Em i givim kaikai na wara long

ol, na nau em i rausim gen skin sipsip bilong em.

Dispela em i wanpela tok piksa bilong God. Bilong sevim yumi, God i bin salim pikinini bilong em Jisas i kam daun long graun. Na em i bin hait insait long skin bilong yumi. Sevim yumi pinis, orait, nau em i tekewe skin gen na i go bek long heven. Olsem tasol na God i bin kisim eksperiens bilong ol wari bilong laip bilong yumi ol manmeri hia long graun. Em i bin stap insait long skin bilong yumi. Olsem na em i save lukaut gut long gut long yumi. Bilong strongim yumi, sampela taim em i save larim yumi i karim pen. Em i no save putim yumi oltaim insait long ol gaden i gat switpela grinpela gras tasol. Nogat. I gat wanpela stori bilong soim dispela poin.

Wanpela saveman bilong wanpela biktaun long kantri Skotland i kam Limlimbur long ples. Em i wokabaut i go, nau wantu wanpela bikpela raunwin na ren i kamdaun. Em i hait i stap, Na

nau em i lukim ol sipsip i stap long ples daun, ol i ranawe i go antap long ol liklik maunten, Hia ol i sanap na givim pes long ren na win na ol i waswas nogut tru. Sitiman ya i lukim dispela na i tokim fama olsem, "Ating ol sipsip ya ol i stupit olgeta. Watpo ol i no hait long ol ples daun, we i no gat bikpela ren na win? Watpo ol i ran i go sanap long ples bilong bikpela wan na ren?"

Fama i bekim tok olsem: "Sore, mai pren, ol dispela sipsip i no stupit. Ol i save pinis, sapos ol i stap long ol ples daun, bai bikpela haiwara i kamap na pinisim ol. Tasol sapos ol i go sanap antap long ol maunten, bai ol i no inap lus. Maski long karim liklik pen."

Harim! Wasman bilong ol sipsip i no gat wok long haitim ol sipsip. Nogat. Em i gat wok long skulim na strongim ol.

Long laip bilong yumi i wankain. Bikos God em i gutpela wasman bilong yumi, sampela taim em i save larim wari na pen na hatwok i skulim yumi na strongim yumi.

# Godens na Erima kisim komyuniti sapat

VERONICA HATUTAI i raitim

STRONGIM na helpim ol pipel long komyuniti i kisim gutpela save long gutpela kristen pasin, ol sosol sevis, helt na skul em ol bikpela samting we Katolik Sios long Nesenel Kapitel Distrik i laik kamapim strong.

Katolik peris bilong Sen Pita Chanel i lukautim ol pipel long tupela hap long Mosbi siti. Em long Godens na Erima.

Peris ya i lukautim

wanpela komyuniti skul. Em long Sen Pita Sanel skul long Erima. I gat tu wanpela vokesenel senta bilong ol sumatin we ol i kolim long Maino Heduru vokesenel skul. Ol sumatin i kisim skul long wok kamda, mekanik, kukim ain, skrin printing, egrikalsa, kuk na samap, wok taipis na kisim save tu long ol CODE.

Long nau, peris i laik kirapim wanpela priskul bilong ol pikinini we krismas bilong ol i stap namel long 6 na 8 yia. Em long mun Me

bilong dispela yia.

Skul ya bai kamap long komyuniti hol we Katolik sios na komyuniti bilong Erima na Gordens i wokim nau.

Ol i wokim dispela komyuniti hol wantaim mani inap long K100,000. Komyuniti yet i wokim ol samting long kisim mani bilong wokim hol ya.

Ol meri long peris i save salim ol kaikai na dring samting bihain long lotu olgeta Sande long kamapim mani bilong helpim sanapim komyuniti hal ya. Mani we peris i bungim olgeta Sande wantaim

helpim i kam long famili na ol pren oyasis i helpim tru sios long go hetim dispela wok.

Long wankain taim tu, sios i kisim dinau mani long beng bilong helpim ol i go hetim dispela wok. Sios bai i bekim dispela dinau mani insait long 5-6 yias, Pater John Ryan na man husat i lukautim Erima peris i tok.

Wok long dispela komyuniti hal bai i pinis insait long 3-pela wik bihain long en i stat long mun Januери bilong dispela yia.

Sampela asua i kamap na wok long hal

i bin pas inap long mun i go pinis. Bihain peris i kisim tok orait gen long go hetim dispela wok, ol wokman i go het long wok bilong sanapim hal ya.

Associated Plumbing 8 Installation kampani i kisim kontrak long sanapim dispela komyuniti hol.

Komyuniti bilong Erima na Gordens we i karamapim ol yut ol meri wantaim ol arapela pipel insait long tupela peris bai i yusim dispela hal long kamapim ol samting long go hetim gut laip na sindaun bilong ol.

Em ol samting bilong go hetim sosel na kalsere laip, pasin bilong kamapim gutpela kristen manmeri

insait long komyuniti na kantri olsem Baibel na ol arapela kos olsem. Ol yangpela bilong musik sosaiti bai yusim tu dispela hal long go hetim ol singsing bilong ol. Asosiesen bilong ol Katolik meri bai i yusim tu hal long ronim kuk skul bilong ol long en.

Pater Ryan i tok sios i harim singaut bilong gavman long go hetim sosel laip na givim gutpela skul na helpim i go long komyuniti insait long siti. Moa yet long helpim ol yangpela long komyuniti i painim gutpela sindaun. Na long wankain taim tu, abrusim ol kain hevi wantaim lo na oda long siti na ples, na insait long komyuniti na kantri.

Hettok bilong peris em "Strong long Tok na Sakramen." Bikpela tingting long sanapim hal ya em long helpim komyuniti long painim gutpela sindaun long siti.

Em i tok tu olsem planti manmeri long siti i save painim ol hevi taim ol i kam nabawan taim long siti. Na dispela hal i bilong helpim ol kain pipel olsem long helpim sevim komyuniti na ol yut long daunim hevi wantaim dispela samting.

Bai ol i opim dispela hal long Me 2. Dispela em i pestede bilong peris long amasim 25 yias bilong em olsem wanpela peris.



• Ol dispela wokman i hatim wok i stap bilong stretim na redim komyuniti hol bilong ol lain Katolik manmeri bilong Godens na Erima peris. Wok bilong dispela hol klostu bal pinis olgeta nau.

## Ol Luteran yut amamasim de

PAULUS TALI i raitim

LAS SANDE Epril 17 em i yut Sande bilong Evanjelikal Luteran Sios long PNG.

Ol yut insait long wan wan ELC peris long kantri i bin redim ol program bilong ol na putim kamap long makim dispela de.

Moa long 250 yangpela bilong ELC/PNG Ridima peris long Lae insait long Morobe provins i bin bung na amamasim dispela de wantaim ol program i sut long dispela de.

Ol yangpela bilong yut grup long Malahang, Anis 1, Kote, Ampo, Yarus na Billau i bin bung long Ridima peris long makim yut Sande na harim toktok long gutpela kristen pasin ol i ken bihainim na abrusim ol kain hevi i kamap long komyuniti tude.

Pasto bilong peris na yut kodineta

Luter Yakotal i bin go pas long ol program bilong dispela de. Asisten dairekta bilong provinsal yut Sakey Runoc i bin stap tu na givim toktok long ol yut long dispela de.

Em i strongim ol yangpela long no ken tubel long wok bilong karim na autim Gutnius i go long narapela manmeri long komyuniti. Ol yangpela, Mista Runoc i tok, i as tru long karim Gutnius i go long ol narapela brata na susa bilong ol.

Em i tokim ol tu olsem Jisas em i soim yumi olgeta samting pinis, na yumi mas bihainim em. Long rot bilong painim Jisas, Mista Runoc i tokim ol yut long noken lus nabaut. Em i strongim ol tu long noken slek long go hetim wok bilong ol yngpela insait long komyuniti.

Peris presiden Paul Noro na Mista Yakotal i bin amamasim long gutpela toktok Mista Runoc i mekim i go long ol yut long makim de bilong ol.



JASTIS  
long  
FAMILI



FAMILI I VOKESEN

DISPELA yia, de bilong Vokesen i stap insait long bikpela yia bilong ol Famili. I gutpela yumi lukluk long famili, long skul na long vokesen.

1. Famili em i bikpela samting

Famili em bikpela samting na em i vokesen. Insait long famili yumi ken lainim trupela laik, pasin bilong stap wantaim wanpela poro, rispek na pasin bilong lukautim gut laip. Insait long famili yumi ken lainim wanem samting i dia na wanem samting i ken helpim yumi tru long kamapim gutpela sindaun long wan wan na long komyuniti.

Sapos memba bilong famili i bin kisim baptismo na papamama i bin kisim sakramen bilong matrimonio. Dispela famili i gat vokesen, ol i gat singaut bilong God long mekim wok misin long famili.

Famili i mas tingim dispela bikpela vokesen bilong em. Wanwan memba bilong famili i mas wok long kamap gutpela man or meri na olsem ol i ken kamapim wanpela holi komyuniti. Wanwan i ken lainim gutpela pasin olsem bel isi, stretpela pasin bilong jastis, pasin marimari, klipela pasin, na pasin bilong laikim Jisas tru (Efes 4:1-4, F.C. 21) dispela i olsem "liklik sios". Jisas i save stap insait long kain famili olsem, na em i ken yusim ol memba long wok wantaim em long strongim sios bilong em.

Ol memba bilong famili, husat i gat bilip tru, i ken painim Jisas long Oikaristia, harim tok long taim ol i autim gutnius na ritim Baibel. Dispela samting i givim laip tru long ol pipel.

Gutpela papamama, husat i laikim tru poro na ol pikinini bilong em, i ken soim long toktok na pasin bilong em. Em i save laikim tru God na olsem em i save pre wantaim God na bihainim ol tok bilong God. Dispela papamama i ken helpim pikinini long putim laik bilong ol long God na Jisas, husat i laik pulim yumi olgeta i kam klostu moa long em.

Long kain famili olsem, Jisas i save singautim wan wan olsem wasman singautim sipsip bilong em. Em i gat vokesen bilong wan wan. Planti i save kisim vokesen bilong marit, tasol sampela i kisim vokesen bilong stap singel na helpim Jisas long wok pato, brata na sista.

Gutpela famili i olsem gutpela gaden i gat gutpela graun we gutpela kaikai i save kamap.

2. Yupela i no ken wokabaut wankain olsem man bilong dispela graun kalkal i save kamap

Kristen papamama i gat bikpela wok tru. Ol i mas wok long luksave gut long wanem kain vokesen God i givim long ol pikinini bilong ol. God i gat wanwan vokesen long wanwan pikinini. Papamama i mas wok long sapotim plen bilong God na helpim pikinini long kisim dispela vokesen em God yet i bin makim pinis.

Papamama i mas strong long holim gutpela Kristen pasin. Holi Spirit i mas bosim laip bilong tupela. Tupela i mas gat laik na tingting long wok gut wantaim Jisas olsem bai sios bilong em i mas go het. Tupela i mas tingim olsem tupela i wok manmeri tasol bilong Jisas. Olsem tupela i mas klia tru long wanem samting em i vokesen. Vokesen em singaut bilong Jisas long wanwan.

Sapos Jisas i singautim wanpela memba bilong famili long kamap olsem wok man or meri bilong em. Dispela em i vokesen bilong dispela man or meri. Famili i mas wok strong long sapotim bai dispela man or meri i ken inapim tru plen God papa givim long em.

Tasol sapos famili i pulap long mipasin na i laikim moni tasol na ol samting bilong dispela graun, olsem wanem long gutpela plen bilong God? Dispela vokesen o singaut bilong God? Em bai i no inap kamap ples klia.

Planti pasin nogut i save kamap, insait long komyuniti na planti wari i save kamap. Famili i save kisim planti bel hevi. Sios i pilim, long wanem ol pipel i no stap gut.

Ol Katolik yut bung long Mosbi

DANIEL MONA i raitim

KATOLIK Sios hol long Boroko i bin pulap stret long Sarere nait taim ol yangpela i bung long wanpela felosip nait long prea, singsing na soim amamas bilong ol i go long God.

Ol yut na ol papamama bilong Mosbi asdaiosis wantaim ol Katolik sumatin bilong Sogeri na ol arapela skul long siti i bin wokim ol program long Jisas i Stap Laip felosip we Katolik Kerismetik

Rinuwal grup (CCR) long Mosbi i bin redim.

Tupela man bilong Australia i bin givim sampela toktok long ol yut na ol arapela pipel long dispela nait.

Em long Bruder Brian na Pater Jeffrey. Tupela wantaim i bin strongim ol yut long go hetim gutpela kristen pasin aninit long lukaut bilong Santu Spiritu. Ol i strongim tu ol yut long ridim Baibel olgeta taim na putim Jisas pastaim long bosim laip na sindaun bilong ol.

Ol i tokim ol yut olsem Jisas i bin dai long oraitim yumi long sin na indai wantaim

blut bilong em. Long dispela tasol, tupela i strongim ol (yangpela) long mekim Jisas olsem King, Lod na Ridima bilong ol.

Grup bilong CCR i bin redim ol program long en bilong dispela nait long helpim ol yangpela i kamap ol gutpela kristen na strongim ol long go hetim gutpela kristen pasin.

Long dispela taim, CCR i laikim tu ol yangpela long strongim biliv bilong ol long bihainim gutpela kristen sindaun. Na long ol i lainim tu Baibel skul wantaim ol arapela skul bilong sios.

Bihainim dispela, CCR i ogenaisim wanpela program bilong givim skul long pre strong long dispela wiken stat long tude inap long Sarere. Long dispela program ol bai bihainim yet skul bilong wanpela mansave long Baibel bilong Melben long Australia em long Syd Rozareo.

Program bai go het long 3-pela nait namel long 6.30 na 9 kilok. Na bai go het tu long Sarere moning stat long 8.30 na pinis long 2 kilok apinun. I gat ka bilong kisim na lusim ol pipel pastaim na bihainim long kos.

Famili em i namba wan ples long laip

MARTIN UAIA i raitim

FAMILI em i namba wan ples we man i kisim save na trening long gutpela sindaun, bilip na pasin bilong laikim wanpela na narapela.

Paul Lokei husat i komisina bilong Katolik Komisen bilong Jastis na Pis i bin tokaut long dispela samting long Sarere taim Katolik Famili Apostulet wantaim Katolik Asdaiosis i opim Intenesenel Famili yia.

Moa long wan tausen

pipel i bin bung long Don Bosco teknikel skul long amamasim dispela de.

Bikpela lotu i bin kamap we ol pater bilong Asdaiosis i go pas long en. I bin gat ol prea, komyuniti singsing, pilai drama, toktok bilong ol bikman na ol arapela samting insait long program bilong dispela de.

Mista Lokei i bin tokim ol manmeri na pikinini long dispela bung olsem sapos famili i putim Jisas i stap namba wan long laip bilong ol, ol bai kisim gutpela helpim long

strongim sindaun na wok bilong ol long dispela graun.

Em i singautim ol marit long wokbung wantaim na strongim gutpela kristen laip na sindaun insait long famili. Bikos Bikman i mekim yumi wan wan manmeri long piksa bilong em, em i laikim yumi long soim rispek long wanpela arapela.

Moa yet, Mista Lokei i salensim ol man na ol papa long helpim lukautim gut famili bilong ol. Noken sindaun nating, em i tokim ol man, tasol kirap na mekim wok long lukau-

tim famili bilong yumi.

Nesenel memba bilong Wewak Bernard Narokobi wantaim meri bilong em i bin givim sampela toktok tu long dispela bung.

Mista Narokobi i bin strongim ol papamama long skulim pikinini long 10-pela mandato bilong God. Bikos ol 10-pela mandato ya i givim skul long gutpela kristen pasin long yumi olgeta i bihainim.

Em singautim ol papamama long soim laik long ol pikinini bilong ol. Na noken paitim ol pastaim long taim ol i wokim rong.

Bikos dispela bai no inap tru long stretim ol pikinini long ol rong ol mekim. Pasin bilong soim laik long ol pikinini na lukaut em i rot long givim gutpela skul long ol pikinini, Mista Narokobi i tok.

Em i egensim tu pasin bilong rausim na kilim ol pikinini. Bikos dispela em i brukim tru lo bilong ol kristen na Bikman antap.

Long dispela tasol Mista Narokobi i strongim ol papamama long kisim skul long rot bilong skulim hamas pikinini wan wan famili bai i gat. Dispela bai i mekim isi long ol i lukautim famili, em i tok. Na ol i ken nap lukautim ol.

Misis Narokobi i bin toktok long marit bilong tupela insait long 21 yias na ol planti pikinini tupela i gat. Em i tok maski taim i hat na famili i sot long planti samting, papamama i mas stap wantaim na givim gutpela skul long ol pikinini i bihainim.

Em i tok tu olsem ol papamama em ol nambawan tisa long givim gutpela skul long ol pikinini.

Maski husat long tupela (papamama) i wokim rong, papa na mama i mas soim pasin bilong pogivim rong bilong wanpela narapela. Bikos ol papa inap lusim bikpela mani.



• Ol yangpela Yut long Mosbi i singsing na amamas na apim nem bilong Jisas long bikpela Yut Rally bilong ol long St. Joseph Sios long Boroko. Foto: Daniel Mona.

Priskul bilong Erima na Godens peris

VERONICA HATUTASI i raitim

SEN PITA Sanel peris long Erima na Godens eria insait long Nesenel Kapitel Distrik bai kisim ol liklik pikinini long nupela priskul program bilong en long mun i kam.

Peris pris bilong Erim Pater John Ryan i tok moa long 150 pikinini

we krismas bilong ol i stap namel long 6 na 8 yia bai statim skul bilong ol taim skul i op long Me 2. Long nau peris i kisim pinis nem bilong 90 pikinini bilong Erima na Godens.

Hap bilong ol pikinini i skul long en em long nupela komyuniti hol

we peris i sanapim yet i stap long dispela taim. Hol bai pinis insait long tripela wik.

Wanpela kampani ol i kolim long Asosieted Plaming Installation Pty Ltd i wok long dispela haus.

Komyuniti long Erima i givim tu bikpela helpim long ol wiken long mekim sampela

wok long dispela hol.

Pater Ryan i tok ol pikinini bai skul long 5-pela de insait long wanpela wik. Skul bai save stat long 8 klok moning inap long 12 klok belo. Pe bilong skul em long K30 long wan wan tem.

Em i tok tu olsem skul i gat pinis hetmistres wantaim 5-pela tisa. Ol

tisa i sambai redi pinis i stap long skulim ol pikinini. Nem bilong hetmistres em Ruth Kave.

Bikpela tingting bilong Katolik Sios long kirapim dispela pri skul long Erima em long sevim ol pipel insait long komyuniti long kisim save na go hetim gut skul bilong ol pikinini.



## Hevi no kamap nating ... i gat as na hevi kamap

I NO longtaim i go pinis, Is Nu Briten provinsal gavman i rausim ol pipel bilong ol arapela provins olsem Is na Wes Sepik, Morobe, Simbu wantaim ol arapela Hailans provins long ol setelmen insait long Rabaul taun. Na ol i go bek long ples na provins bilong ol.

Gavman bilong Primia Sinai Brown i rausim ol dispela pipel bikos hevi bilong lo na oda insait long provins i wok long bikpela. Ol i ting na bilip olsem ol yangpela husat i nogat wok na stap long ol setelmen i wok long kamapim ol bikhet pasin olsem stil, bagarapim meri, brukim haus, kilim man mekim ol arapela pasin nogut olsem.

Long daunim hevi bilong lo na oda long provins, gavman bilong Brown i tokaut long rausim ol dispela pipel i go bek long ples bilong ol.

Bihainim dispela, planti kain kain toktok i bin kamap. Sampela pipel i tokaut olsem ol i no amamas long tingting bilong Brown gavman, sampela i tok i no inap daunim hevi bilong lo na oda, i laik brukim yuniti bilong kantri na ol arapela i tokaut olsem sapos Primia Brown i mekim olsem, orait, ol arapela primia tu i mas mekim wankain samting.

Wanem samting Is Nu Briten provinsal gavman i kamapim bikpela toktok long Palamen. Planti memba i tok tingting bilong Primia Brown i no gutpela. Ol i tok Brown gavman i no lukluk na tingting gut pastaim. Bikos dispela inap kamapim tu ol arapela hevi.

Minista bilong Provinsal Afeas na Viles Sevis, John Nilkare i tokaut olsem em i no amamas long tingting bilong Is Nu Briten provinsal gavman.

Em i tok dispela i no bihainim na i daunim tu mama lo bilong kantri. Bikos aninit long Mama Lo, ol pipel i ken go na stap long wanem hap em ol i gat laik long en.

Praim Minista Paias Wingti tu i mekim sampela toktok olsem tingting bilong Is Nu Briten provinsal gavman i no gutpela. Bikos dispela i ken bagarapim na brukim nesenel yuniti bilong kantri.

Tude, bihain long Papua Niugini i winim 19 krismas long stap olsem wanpela

### NABAUT LONG PNG

wantaim

GODFRIED YASSAFAR



kantri bilong en yet, yumi ken luksave olsem insait long wan wan provins i gat kain kain pipel i stap. I no ol pipel bilong dispela provins tasol i stap long provins bilong ol.

Tok piksa olsem Is Sepik provins i gat ol Tolai, Simbu, Madang, Morobe, Manus, Sentrel, Milen Be wantaim ol pipel bilong ol arapela provins tu i stap. I tru olsem ol i no stap long ol setelmen. Na raun nating long Wewak taun na kamapim ol hevi. Nogat. Planti bilong ol i wok na stap.

Tasol ol Sepik i no tokim long lusim Is Sepik na go bek long provins bilong ol. Ol Sepik i no sutim tok i go long ol Simbu na tok olsem ol i go stap long Wewak na wokim planti raskol pasin. Bikhet pasin i stap long olgeta hap bilong kantri.

Em i taim nau ol lida long provinsal na nesenel gavman i mas luksave olsem ol pipel i no as bilong ol hevi i wok long kamap. I gat asua i askim o suvim mipela long kamapim ol dispela hevi. I gat samting i rong na mipela i painim hat na kamapim ol dispela hevi. No gat wanpela samting i save kamap nating long laik bilong en. I mas gat sampela as na em i kamap.

Long luksave bilong mi olsem wanpela man na sitisen bilong kantri, asua i stap long provinsal na nesenel gavman wantaim.

Watpo na ol manmeri i save lusim ples bilong ol na go long taun? Ol i painim wanem samting? Ol i nidim tru dispela ol samting long laik bilong ol o nogat?

Olsem memba bilong Wewak, Bernard Narokobi i bin tok long Palamen long wanpela taim olsem gavman i mas provaidim sevis i go long olgeta hap insait long eben na tu long rurel eria. Gavman i no ken lukluk tasol long stretim

ol sevis na tu putim kamap ol sevis insait long ol eben senta tasol. Sevis i mas i go na kamap long ol pipel em ol i stap insait tru long ol rurel eria. Sevis i mas i go kamap long ol na ol i mas luksave olsem i gat gavman i stap. Na gavman i luksave long ol na long wankain taim i gat tingting long helpim ol. Em nau ol bai i no inap kamap wantaim tingting bilong lusim ples na go aut long taun long painim gutpela sevis olsem helt, skul, wara saplai o makei.

Tupela gavman wantaim-provinsal na nesenel-i mas wokbung wantaim. Na kirapim ol projek insait long ol rurel eria long wan wan provins. Na dispela ol projek bai givim wok i go long ol yangpela manmeri long ples. Na ol i ken wok long kisim liklik mani long lukautim ol yet. Kirapim ol projek insait long ol rurel eria na givim wok i go long ol manmeri long ples em i wanpela gutpela rot long holimpasim ol manmeri long stap long ples. Bikos ol manmeri bai luksave olsem i gat wok na mani i stap long ples. Na ol bai i no inap lusim ples long go aut long taun long painim wok long kisim gutpela sindaun na amamas. Sapos gavman i ken sponim K400,000 long stretim bikpela haus sik long Mosbi, em i ken mekim wankain samting long bikpela haus sik long Vanimo, Wewak, Mendi o Manus. Long wankain taim i mas stretim ol et pos, helt senta na distrik haus sik. Nogut gavman i lukluk tasol long ol haus sik long ol bikpela senta tasol. Na i no luksave olsem ol liklik haus sik, et pos, helt senta na distrik haus sik long wan wan provins i save sevim planti pipel.

Gavman i mas luksave olsem pipel i as bilong gavman-maski sapos ol pipel bilong ol arapela provins i stap long Is Sepik provins, gavman bilong Primia Alex Anisi i mas provaidim ol sevis em ol pipel i nidim. Bikos Is Sepik provins em i wanpela provins bilong Papua Niugini. Na ol pipel i kam aninit long wanpela nesenel gavman na dispela nesenel gavman. Na bikpela samting tru em kantri bilong yumi i kam aninit long wanpela Mama Lo. Maski yu bilong Tari, Lumi o Koiari long

hap bilong Sentral provins, yu bilong Papua Niugini. Sapos yu stap long Goroka, gavman bilong Isten Hailans provins i mas provaidim ol sevis em, aninit long Mama Lo bilong kantri, yu gat rait long kisim o yusim.

Gavman i mas luksave olsem sapos em i no mekim wok bilong em gut long gutpela, stretpela, klinpela na naispela rot, kain kain hevi bai kamap. Dispela ol hevi i ken kamapim dai, birua na toktok pait long wok politik long provinsal na nesenel levol. Na dispela bai kamapim hevi namel long provinsal na nesenel levol bilong gavman. Na ol pipel bai i no inap kisim gutpela sevis bilong gavman. Taim dispela kain hevi i stap long provinsal na nesenel levol bilong gavman, ol provinsal politisen bai i no inap wokbung wantaim ol nesenel politisen. Ol pipel bai i no inap wokbung wantaim ol provinsal lida na gavman bilong ol.

Ol hevi i no kamap nating. I gat as na ol hevi i wok long kamap insait long kantri bilong yumi. Long stretim o daunim dispela ol hevi, gavman i mas glasim na luksave long as bilong hevi. Gavman i mas luksave long wanem samting bai kamap sapos em i wokim disisen long yusim wanpela rot long daunim wanpela hevi. Gavman i no ken kirap nogut na wokim wanpela disisen bikos wanpela hevi i wok long kamap bikpela. Pastaim long gavman i wokim disisen, em i mas luksave long kain ol samting o hevi bai kamap bihainim dispela disisen. Long wankain taim, gavman i mas traime painim ol rot long stretim ol samting o hevi em bai kamap bihainim disisen bilong em.

Gavman bilong kantri bilong yumi, long luksave bilong mi, i wok long wokim ol disisen nating. Gavman i no tingting gut na wokim ol disisen. Bikos dispela ol disisen bai kamapim sampela kain hevi long mipela ol pipel. Gavman i no luksave olsem mipela ol pipel i wok long bungim hevi bihainim dispela ol disisen. Laip bilong mipela ol pipel i stap antap long ol hevi em gavman i kamap bihainim ol disisen bilong em.

## Ol wok developmen kamap bihainim kantri

SEKETERI bilong Woks dipatmen, Lohia Hitolo i tokaut olsem planti pipel insait long kantri i wok long toktok long infrastraksa developmen. Na dispela toktok bai go het yet bihainim developmen bilong kantri. Bikos infrastraksa developmen em i wanpela bikpela samting long laik bilong ol pipel. Na

tu em i wanpela bikpela samting long bisnis developmen bilong kantri.

Mista Hitolo i tokaut long dispela samting taim em i toktok long wanpela semina long Mosbi. Long dispela semina Mista Hitolo i toktok long infrastraksarel developmen bilong gavman bilong Papua Niugini.

Mista Hitolo i tokaut olsem wok bilong infrastraksarel developmen insait long kantri i stap namel long tupela gavman dipatmen. Dispela tupela dipatmen ya em Transport na Woks. Tasol em i tok olsem i gat sampela arapela gavman ejensi tu wokbung wantaim dispela tupela dipatmen long karimaut wok

bilong infrastraksarel developmen insait long kantri. Sampela bilong ol dispela ejensi Mista Hitolo i tok em Dipatmen bilong Sivil Eviesen, Nesenel Hausing Koprosen, Woks Saplai na Tendas Bod na Bilding Bod.

Hitolo i tok Trensport dipatmen i save mekim bikpela wok long putim

kamap ol polisi, plenim ol samting, karim aut ol stadi long wokim bris, rot na tu ol arapela samting. Na Woks dipatmen i save karim aut olgeta konstraksen wok.

"Mani bilong karim aut ol infrastraksarel wok insait long kantri i kam long gavman bilong Papua Niugini na tu long sampela

ovasis kantri. Insait long kantri yet, gavman i save skelim mani long wan wan yia taim em i brukim baset. Gavman yet i save wokim disisen long skelim mak bilong mani i go insait long dispela wok," Mista Hitolo i tok.

Em i tok long nau yet, planti infrastraksa developmen i wok long

kamap insait long kantri. Na dispela i min olsem i mas i gat inap opis na ples bilong ol wokman long stap.

Em i tok olsem sampela bikpela rot projek insait long kantri i stap long plan em Trans-Ailan Haiwe, Togobalibu rot, Bereina-Malalaua rot na Pasam-Toanumbu rot long Is Sepik provins.

## Bulolo gat special plis yunit

BULOLO taun insait long Wau District nau i gat ol spesel plis yunit bilong ol long wok wantaim ol polisi bilong Bulolo.

Dispela ol plisman na meri i binkisim wok long Fraide wantaim tok promis bilong ol long wok olsem ol plisman na sevim kantri wantaim kwin, bihain tasol long tupela wik trening bilong ol long Bulolo.

Insait long dispela yunit, i bin gat tupela yangpela meri husat i bin i gat bikpela laik tru long wok olsem ol spesel komuniti plis na ol bin pas tuwan taim ol dispela narapela 38 plisman.

Ol lain husat i bin stap insait long skul bilong long kamap olsem ol spesel komyuniti plis i bin kamap olsem long Garaina 5-pela, Aseki faipela na long Bulolo taun yet i gat olsem 30 memba.

Olgeta dispela lain bin amamas tru long kisim pepa bilong ol long Fraide na ol plan bilong ol piepl long Bulolo yet i bin kamap long luksave tu long dispela pas aut bilong ol special poks unit na harim tu sampela toktok i kamap long ol bosman bilong ol plis department insait long province long

wankain wok tru em bilong ol community plis constables na wanem as tru bilong kamapim.

Primia bilong Morobe Titi Christian wantaim olpela memba bilong Bulolo open Mattew Bendum wantaim Provinsol Plis Komanda bilong Morobe, Paul Monoma na ol narapela provinsal na district plis bos wantaim ol gavman na ol kampani i bin i stap bilong luksave long dispela grednesen.

Mista Bendum i givim bikpela toktok amamas i go long gavman long kamapim kain plis yunit olsem long helpim na daunim ol kain kain hevi save kamap insait long komyuniti.

Mr Bendum i tok long planti yia i kam pinis dispela tupela liklik taun bilong Wau na Bulolo i save kisim nem no gut tru long ol gavman olsem olsem tupela i taun bilong ol raskol and ol i kolim tupela long kauboi taun.

Tasol em i amamas long lukim olsem, Wau i gat pinis komyuniti plis bilong en long wok na stretim bek gen dispela nem, na bai Wau i gat gutpela nem tru i winim dispela olpela nem na i gutpela tu,

## Trening program bilong Works Dipatmen

WOKS dipatmen long dispela yia bai kamapim wanpela bikpela trening program. Dispela program bai karamapim 6-pela hap.

Dispela 6-pela hap em fainens, edministresen, menesmen na kompyuta, wara risoses, bilding, stetik plen na mobail plen. Woks dipatmen i radim pinis K400,000 bilong holim dispela bikpela trening program.

Woks seketeri, Lohia Hitolo i tok em i gutpela na bikpela long go het na karimaut ol trening program insait long dipatmen bilong em. Bikos dipatmen bilong Woks i mas i gat ol gutpela teknikel opisa husat i gat bikpela save bilong mekim wok.

Mista Hitolo i tok i gat ol trening program i kamap pinis long Boroko trening senta long Mosbi na Madang sivil trening senta na Woks trening senta long Madang provins.

Em i tok wan wan divisen insait long Woks dipatmen bai selektim na salim ol opisa bilong ol i go long kisim trening. Ol ausait lain tu i ken salim ol opisa bilong ol i go long dispela trening.

Long fainens, edministresen, menesmen na kompiuta, ol opisa bai kisim trening long bihainim ol stretpela lo long sponim mani, menesmen na ol arapela samting. Long sait bilong kompiuta, ol opisa bai kisim trening long yusim dispela masin long mekim wok.


Aninit long wara risoses, ol opisa bai kisim trening long wara gret 2, wara 1 rifresa, weswara gret 2, wara gret 3 na tu ol arapela samting.

Long sait bilong bilding, ol bai stadi long konkrik praktis, sola hot wara, save bilong ritim ol plan, bilding aprentisip stes 1 na tu ol arapela samting.




# YAMAHA

## Marine



### NIUPELA NAMEL CONSOLE

I kam wantaim olgeta samtim, mekim olgeta samtim i wok long wanpela hap tasol na i gat ful stia sistem, dispela nupela console inap givim yu bikpela hap bilong kukluk, hevi bilong ol kago bai go long olgeta hap, na yu no inap wari long bot i tantanim nabaut. I gat i stap nau bilong ol 14ft, 19ft na 24ft model long olgeta stua bilong Ela Motors long Kantri.



### HAMAMAS TRU LONG WOKIM LONG PNG

Sampela bilong ol eksperiens man stret bilong Kantri i save wokim ol dispela Yamaha FRP Bot long Milen Be Provins aninit long Yamaha Laisens bilong Japan, wantaim ol nupela Senta Console yunit. Mipela i hamamas tru long sapatim ol lain bilong yumi yet husat inap wokim ol top kwaliti samtim em mipela i save yu olsem yu ken hamamas long kisim na pinisim laik wantaim.

**YAMAHA**  
Marine

# Ela Motors

POBY MORESBY 229400 • LAE 422322 • RABAU 921988 • MADANG 822188 • GOROKA 721844 • MT HAGEN 521888 • WEWAK 862255  
KAVIENG 942132 • KIMBE 935155 • TABUBIL 589060 • VANIMO 871254 • PORGERA 579367 • ALOTAU - MASURINA TRADING 611058





# NATIONAL PROVIDENT FUND OF PAPUA NEW GUINEA

## B I P O


Oi Foto i kam long Nesenel Labreni



Taim bipo 1920. OL meri long hap bilong Saut Is kos bilong Papua i mekim sospen graun long pasin bilong tumbuna.

Long taim bipo insait long kantri bilong yumi, husat bai inap tingting long givim fainensol helpim long taim yu ritaia.

## N A U




Oi kampani husat i gat 25 o moa wokman i mas bihainim lo long putim moni i go long NPF. Oi kampani wantaim ol wokman aninit long 25 tu i ken joinim.

## B I H A I N



SAPOS YU WANPELA MEMBA bilong National Provident Fund bilong Papua New Guinea, yu gat gutpela wei bilong seivim moni bilong famili bilong yu long bihaintaim.



Taim bilong amamas...Corliss Williamson long ralthan wantaim Corey Beck i holimpas na amamas i stap long ples bilong plal bihain long Arkansas i winim ol lain Duke, 76-72. Dispela tu i bin namba wan taim bilong Arkansas long winim wanpela NCAA basketbal taitel.



Helpim pikinini...Wanpela meri Palestain i rausim pikinini bilong em long han bilong wanpela soldia bilong Isrel. Bikos soldia ya i laik kalabusim dispela mangi long sas bilong tromol ston. Hevi ya i bin kamap long Jeriko long Wes Benk.



Soim bel sori...Wanpela meri i go putim plawa long hap em sampela man i bin sutim tupela sumatin bilong Japan wantaim gan long San Pedro long Kallifonia. Dispela tupela sumatin em Takuma Ito na Go Matsuura. Plis i holim pinis tupela man bihainim dispela birua.

VISA00 1344



# **POWER**

## *for the people!*

**IT'S THE GREAT RICE REVOLUTION  
IN YOUR STORE NOW!**



**POWER RICE POWER RICE  
POWER RICE POWER RICE**



# Family Choice



**VETTA**  
SPAGHETTI NO:1  
500G. WERE K1.36  
**K1.16**



**6** 375ml CANS  
**Coca-Cola**  
6 PACK  
COCA COLA  
ASST'D DRINKS.  
750MLS. WERE K4.14  
**K3.69**




**ARNOTTS**  
SAO BISCUIT 250G  
WERE K1.18  
**K1.12**



**OX & PALM**  
BRAND  
CORNED BEEF  
340G. WERE K1.53  
**K1.33**



**SUNFLOWER**  
CANNED FISH  
425G. WERE K1.33  
**K1.15**



**COLGATE**  
ASST'D TOOTH-  
PASTE 70G.  
WERE K1.33  
**K1.23**



**SUNCRUSH**  
CORDIALS 750MLS  
ASST'D. WERE K1.50  
**K1.42**



**SUNSHINE**  
instant  
POWDERED MILK.  
300G  
WERE K2.15  
**K2.05**



**WEET-BIX**  
SANITARIUM  
WEETBIX  
750G. WERE K3.00  
**K2.80**



**LUX**  
BATH SOAP  
ASST'D. WERE .35t  
**.32t**



**TRIX**  
LEMON & MINT  
DETERGENT. 500MLS  
WERE K1.60  
**K1.56**




**WATTIES**  
PEACH SLICE  
425G WERE K1.35  
**K1.29**

# FAMILY STORE


TOWN & BOROKO



# Family Choice



NTB  
CHICKEN SIZE:12  
WERE K4.49  
**K3.69**



LAMB  
NECK CHOPS T/P KG  
WERE K1.89  
**K1.65**



MUTTON  
LEG CHOPS T/P  
WERE K4.08  
**K3.49**



RED APPLES KG  
WERE K2.51  
**K2.29**



CHESDALE  
CHEESE SLICES  
WERE K1.99  
**K1.69**



NTB  
BREASTS 500G  
WERE K2.24  
**K1.75**



MEADOW LEA  
MARGARINE  
250G. WERE .73t  
**.65t**

# FAMILY STORE

TOWN & BOROKO



## Ol sigaret saveman go kisim moa skul

TUPELA wokman bilong Rothmans of Pall Mall sigaret kampani i stap skul nau long Singapo na Malesia.

Tupela i skul long wok bilong sigaret na bilong helpim ol arapela long dispela samting. Tupela man ya i save stap long Goroka. Ol man ya em Gotuno Colvis bilong Asaro long Isten Hailans provins na Sane Bafarewe bilong Finsafen long Morobe provins. Tupela wantaim i stap wok wantaim Rothmans winim 40 yia pinis.

Tupela bai skul long ol nupela rot bilong wokim sigaret na pasin bilong lukautim ol wokman na wokmeri.

Tupela i amamas long kisim dispela kain bekim bilong go skul gen. Tasol long wankain taim, tupela i amamas long kain save em tupela bai kisim bilong lukautim ol arapela wokman.

Long olgeta yia, kampani i save salim ol opisa bilong en i go long ovasis bilong kisim moa save long ol wok bilong ol.



• Gotuno Colvis na Sane Bafarewe i amamas na sanap gut tru i stap pastaim long tupela i kalap long balus bilong go long Singapo na Malesia.

## Ol Madang laik bruk

i n long pes 5

olsem Madang gavman i no kisim ol servis o kamapim sampela developmen long eria bilong ol. Bikpela hevi long ol i laik bruk lusim Madang provins na kamap hap bilong Isten Hailans i stap long dispela samting.

Mista Mehuwo i tok ol lida bilong Isten Hailans i no nap long mekim samting tumas long askim bilong ol bikos ol stap pinis long kandim o sensus divisen bilong Madang provins.



"WOK LONG HAUS BILONG YU INO PINIS YET IGO INAP DISPELA RUM I KLIN TU."

# Yu mas save toilet i mas klin na fri long jem!



Harpic save kilim gem na rausim doti. Yusim Harpic Toilet Klina olgeta taim!

**HARPIC NA HELT IGO WANTAIM!**

HRD 147 49

## KOPRA

Pe bilong kopra i go antap nau long K50 long wan wan tan long dispela yia. Pe bilong ol bikpela depo olsem Mosbi, Alotau, Lae, Madang, Wewak, Kavieng, Toboi, Kimbe na Kieta i stap olsem:

Smoke	K250
F.M.S	K250
Hot Air	K255

Na pe bilong kopra long ol liklik depo i stap olsem:

SAMARAI	Smoke	K218
	F.M.S	K220
	Hot Air	K203

KANDRIAN na NAMATANAI	Smoke	K215
	F.M.S	K217
	Hot Air	K220

BUKA	Smoke	K214
	F.M.S	K216
	Hot Air	K219

FINSCHHAFEN	Smoke	K210
	F.M.S	K212
	Hot Air	K215

LORENGAU	Smoke	K205
	F.M.S	K207
	Hot Air	K210

KARKAR	Smoke	K215
	F.M.S	K217
	Hot Air	K220

CMB nau bai i no inap long kisim moa prais sapot long Gavman. Dispela i stat long Januəri 1, 1994.

## KAKAO

PRAIS bilong drai kakao long wanwan tan long Rabaul long Mande inap long Fraide long las wik.

Mande	Tunde	Trinde	Fonde	Fralde
11/04	12/04	13/04	14/04	15/04

Pe ol baiya sasim long papa bilong femetri				
K713	K711	K719	K719	K707

Sapot prais				
K500	K585	K585	K585	K585

Prais ol papa bilong femetri i kisim  
 K1213 K1296 K1304 K1304 K1292  
 Sapot prais bilong kakao long dispela mun em K628.95. Dispela prais i no wankain olsem pe bilong kakao long ol narapela hap bilong kantri.

## KOPI

Pe bilong drai arabika na robusta kopi long wanwan kilogram long 11/04/94. Dispela i karamapim prais bilong kopi long dua bilong faktori, na i no long sait bilong rot.

Arabika :	
Kainantu	K140
Goroka	K140 to 155
Minz na Banz	K138 to 140
Hagen	K135 to 145
Lae	K100 to 120
Mumeng	NQ
Wau/Bulolo	NQ
Madang	K110


Ol ripot i kam long Kopi Industri Kopresen. Mipela i no kisim ripot bilong Kundiawa, Wapenamanda, Mendi, Erap, Aseki, na Wasu.

Robusta :	
le Sepik	K90
Ripot bilong ol arapela senta husat i save groim robusta kopi i no kamap.	



# Lowest Prices

# erima SUPERMARKET




OX & PALM CORNED BEEF 340G. WERE K1.53  
**K1.39**

OMO DTERGENT 200G. WERE .72t  
**.65t**

COCA COLA 6PK 375ML.S ASST'D. WERE K4.14  
**K3.69**

SUNCRUSH CORDIALS 750MLS ASSORTED FLAVOURS WERE K1.50  
**K1.42**

MADAM MACKEREL IN OIL 425G WERE K1.32  
**K1.21**

VETTA SPAGHETTI 500G WERE K1.36  
**K1.16**

MOROHEEN CREAM BISCUITS ASSORTED. 60G WERE .35t  
**31t**

TULIP PORK LUNCHEON MEAT 340G WERE K1.21  
**K1.01**


MUTTON SHANKS 700GM T/P WERE K1.44  
**K1.25**

ILIMO CHICKEN SIZE:10 WERE K3.70  
**K3.19**

MUTTON F/OTR CHOPS 700G. WERE K1.93  
**K1.69**

ILIMO CHOICE PIECES 900G. WERE K3.37  
**K2.89**

**TRADING HOURS**  
 Monday 8:30 am to 6:30 pm  
 Tuesday 8:30 am to 6:30 pm  
 Wednesday 8:30 am to 6:30 pm



Thursday 8:30 am to 6:30 pm  
 Friday 8:30 am to 7:00 pm  
 Saturday 8:00 am to 6:30 pm  
 Sunday 9:00 am to 1:00 pm



# Lapun grisim tupela brata na liklik brata kamap hapkas snek na man

LONG bipo, bipo tru, long wanpela liklik ples long Wes Nu Briten provins ol i kolim Lakukun, tupela liklik brata i stap wantaim mama bilong tupela. Papa bilong tupela i dai na tupela i stap wantaim mama bilong tupela.

Tupela liklik brata ya i save poroman gut tru na stap wantaim mama bilong tupela. Tupela i no save kros namel long tupela yet o wantaim mama bilong tupela. Ol i save stap gut tasol.

Wanpela taim nau, mama bilong tupela i tokim tupela olsem em lusim tupela go long gaden. Em i tokim tupela olsem sapos wanpela lapun i kam na givim tupela sampela kaikai ol i karamapim long lip, tupela i no ken kisim na kaikai. Tupela i mas tokim dispela lapun olsem tupela i pulap. Mama bilong tupela i tokim tupela pinis na lusim tupela i stap long ples na em i go long gaden.

I no longtaim na wanpela lapun i kam kamap long tupela.

brata ya. Na em i givim tupela wanpela karamap kaikai. Tasol bikpela brata i kirap na tokim lapun ya olsem tupela i pulap na i no angre. Tasol dispela lapun ya i strong tru long tupela i mas kisim dispela karamap kaikai na kaikai. Tasol bikpela brata i strong na tokim lapun ya olsem tupela i no angre. Lapun ya mekim save long toktok i go na liklik brata i kisim dispela karamap kaikai na kaikai. Lapun ya lukim olsem na lusim tupela na em i wokabaut i go. Liklik brata ya kaikai dispela karamap kaikai i go na pinisim.

Long apinun nau mama i lusim gaden na wokabaut i go kamap long ples. Na bikpela brata i tokim mama bilong tupela wanem samting i kamap. Mama i wari long liklik pikinini bilong em na em i kukim sampela taro na kaikai. Long nait nau, ol i go insait long haus long slip. Bikpela brata i slip long wanpela bet na liklik brata wantaim mama bilong em i slip long arapela bet.

Mama i tingting long liklik pikinini bilong em na i no slip hariap. Em i stap i go inap liklik pikinini bilong em i slip na em tu i slip.

Orait long biknait tru, liklik pikinini ta i tanim i go na kamap olsem wanpela bikpela moran snek. Het bilong em i luk olsem bilong man tasol stat long lek i go inap long nek i luk olsem snek.

Long moning taim nau bikpela brata wantaim mama bilong em i lukim wanem samting i kamap long liklik manki ya. Na tupela i sori tru long em. Liklik manki ya i sem long mama na bikpela brata bilong em na tokim tupela long wokim wanpela haus bilong em yet. Em nau bikpela brata i wokim wanpela liklik haus na putim liklik brata bilong em i go insait logng dispela haus.

Ol i stap i go na bikpela brata i maritim wanpela meri. Em i save tambuim meri bilong em long em i no ken go klostu o go insait long dispela liklik haus.

Wanpela taim bikpela



brata wantaim mama bilong em i go long gaden. Em nau meri bilong bikpela brata i go na lukluk i go insait long dispela liklik haus long lukim na save watpo na man bilong em i save tambuim em long go klostu o go insait long dispela liklik haus. Taim em lukluk i go insait, em i lukim liklik brata bilong em. Het olsem bilong man na stat long nek na i go daun lek i olsem bilong snek.

Long apinum bikpela brata wantaim mama bilong em i go bek long ples. Na tupela i harim olsem wanpela mani wok long krai insait long dispela liklik haus.

Em nau tupela i go sekap na lukim liklik manki ya i wok long krai i stap. Tupela askim em watpo na em i wok long krai. Na em i tokim tupela olsem emi krai bikos em i sem long tambu meri bilong em i lukim em.

Em nau liklik manki ya kirap na tokim tupela olsem em bai i no inap stap moa wantaim tupela. Em bai lusim tupela. I no longtaim na em i lusim liklik haus ya na tekov i go. Tupela kirap na bihainim em i go. Liklik manki ya tekov i go na go daun long wanpela wara nem bilong em Akse. Em i go aninit long wara na bihain em i hapim het bilong em i kam antap na tata long tupela. Na em i go daun aninit long wara na go olgeta. Bikpela brata wantaim mama bilong em i wari na kkrai nogut tru long em na go bek long ples.



Wanpela taim Kanage i go painim kambang long Dagua maket long Wewak. Em painim i go na lukim wanpela mama i salim kambang i stap. Em i laik askim mama ya sapos kambang ol i kukim rip na wokim o ol i kukim sel bilong kina bilong mangro na wokim. Kanage i laik askim olsem "mama, kambang ya em rip o kina" tasol em i abrus na askim mama ya olsem: Mama, kambang ya em kina o mangro? Mama ya harim Kanage i askim em olsem na em i lap nogut tru. Kanage lukim mama ya lap na em i askim em olsem: Mama, mi tok wanem samting na yu lap? Mama ya kirap na tokim Kanage: Yu mekim wanpela krangi toktok olsem na mi lap long yu. Kanage kirap na tokim mama ya: Se mama, yu no ken seksek. Mi traim yu tasol ya.

Karanas Point-AKX WEWAK

Wanpela taim long bikmoning tru Kanage wantaim lain bilong em i laik lusim Wewak taun na go long Angoram. Ol i kalap long ka na Kanage pilim olsem bel bilong em i pala nogut stret. Em nau Kanage kirap na i laik tok olsem "wanpela mau banana i kam na mi kolim bel bilong mi." Tasol maus bilong em i krangi liklik na em i tokim lain bilong em olsem: Yupela, pls givim mi wanpela mau banana na mi kolim bol bilong mi pastaim. Lain bilong em i harim Kanage i tok olsem na ol i kilim skin long lap. Kanage lukim lain bilong em i lap long em na em i tokim ol: Yupela lap nating long wanem. Sepik ya Sepik, hau bai yu save.

Karanas Point-AKX WEWAK

## Sem pasin bai stopim mi long marit o nogat?



Dia Laiplain,

Mi gat 19 krismas na mi wok. Mi no slip yet wantaim wanpela meri na mekim pasin nogut.

Taim mi stap long haikul, mi save prenim wanpela meri. Tasol mitupela i save toktok tasol. Sampela taim mitupela i save laik mekim pasin nogut tasol mitupela i no save mekim.

Tupela yia i go pinis, mi lusim skul na bungim ol arapela meri. Mi save kisim ol i go long lukim piksa o muvi. Mi save prenim ol i go na bihain long samting olsem wan o tupela mun, mi save lusim ol. Dispela samting i kamap planti taim pinis. Tasol mi no slip yet wantaim wanpela meri. Mi save spenim taim long toktok wantaim wanpela meri. Tasol mi save pilim nogut na lusim em na tekov.

Mi gat tingting olsem dispela sem pasin bilong mi bai stopim mi long maritim wanpela meri long bihain taim.

SEX-SHY

Dia Pren,

Em i tru olsem pasin bilong sem long toktok wantaim wanpela man o meri em i no gutpela tumas. Planti manmeri i bi bungim dispela hevi taim ol i stap yangpela yet. Tasol taim ol i kamap moa bikpela, ol i stat long lusim dispela pasin. Na ol i gat strong na lusim dispela kain pasin bilong sem.

Sampela yangpela meri i save laikim ol yangpela man em ol i save sem liklik. Olsem na mipela i ting olsem yu no ken wari tumas long dispela sem pasin bilong yu. Na dispela bai i no inap stopim yu

long maritim wanpela meri long bihain taim.

Mipela i luksave olsem yu laik prenim wanpela meri long gutpela na stretpela rot. Na lukim sapos em bai kamap olsem meri bilong yu long bihain taim. Dispela tingting bilong yu em i gutpela. Tasol watpo na yu tingting long slip wantaim wanpela meri na mekim pasin nogut long skruim na strongim prensip bilong yutupela.?

Ating astingting em long soim yu yet olsem wanpela bikpela man? Sapos i tru, orait, yu mas luksave olsem long kamap bikpela man i no min olsem yu mas soim yu yet. Nogat. Dispela i min olsem yu mas kontrolim tu tingting na laik bilong yu.

Ating yu sem long slip wantaim wanpela meri na mekim pasin nogut. Bikos yu save olsem yu bai i no inap painim bikpela amamas long mekim dispela samting. Dispela samting i ken bringim amamas sapos yu marit. Pastaim long yu maritim wanpela meri, yu mas save gut long em na tu laikim em.


Pasin bilong go raun na slip wantaim ol meri na mekim pasin nogut em pasin ol animol i save mekim. Long kisim tasol amamas long sotpela taim na i no tingting long pasin bilong laikim na painim wanpela gutpela na stretpela meri long maritim. Ol manmeri husat i save mekim pasin nogut ausait long marit i save painim o bungim planti hevi.

Mipela askim yu long go het yet na mekim pren wantaim ol meri inap long taim yu painim wanpela meri em i gat bikpela laik tru long yu. Tasol yu mas lusim tingting long slip wantaim ol meri na mekim pasin nogut inap long yu maritim wanpela meri.

Ol meri husat i bai kamap olsem ol gutpela meri i save rispektim man bilong ol. Bikos ol man bilong ol i no save askim ol long slip wantaim ol klostu klostu long mekim pasin nogut.

Mi Laiplain

Salim ol hevi na wari bilong yu i kam long LAIPLAIN, P.O.Box 6047, Boroko. Yu ken ringim mipela tu long telipon namba 260011. Mipela i no inap autim trupela nem bilong long hia



Hap wok ya...Kain pasin bilong ples long wokbung wantaim i save kamap long olgeta hap. Na long Mosbl, hia ol wanlaini helpim wanpela na narapela long olkago samting em ol i gat long en. Foto: Joe Kanekane.



# Rimbunan Hijau yusim ol PNG man olsem ol kalabus man

**Dia Edita**  
Mi wanpela wokman bilong dispela bikpela loging kampani insait long Papua Niugini ol i kolim Rimbunan Hijau. Mi wok wantaim dispela Malesien loging kampani longpela taim nau.

Long lukluk bilong mi olsem wanpela wokman bilong dispela loging kampani, mi lukim olsem sampela wok em mipela ol pipel bilong Papua Niugini

inap long wokim, ol bikman bilong dispela kampani i kisim ol pipel bilong ol yet na ol i mekim dispela ol wok. Kain ol wok olsem sen so opereta, bulldosa opereta na draiva bilong ol jinka trak.

Narapela samting tu i olsem planti bilong ol dispela Malesia man i no save long tok pisin. Na tu ol i no save gut long tok Inglis. Ol i save long hap hap tasol. Ol i save tok

Inglis olsem ol pisin i katim drai diwai.

Kondisen bilong mipela ol wokman i no gutpela tumas. Mipela ol wokman i no stap long ol gutpela haus. Mipela yet i save baim kaikai na kukim. Mipela i save wok i go biknait long samting olsem 12 klok. Na taim mipela i go long haus, mipela yet i save kukim kaikai.

Ol Malesia yet i gat ol gutpela haus. Haus bilong ol i gat

ea kondisen, ol i slip long gutpela bet, yusim gutpela toilet na rum bilong waswas. Tasol mipela ol wokman i stap long ol haus i luk olsem haus bilong ol pik o bulmakau. Haus bilong mipela ol wokman i nogat lait. Mipela i no kisim gutpela mani long potnait. Mipela i no save malolo long ol pablik holide. Mipela i save kilim skin long wok.

Wanpela bikpela

samting tru i olsem maski yu wok longpela taim, potnait pe bilong yu ba stap wankain yet. Maski yu wok tripela o 5-pela yia wantaim dispela kampani, potnait pe bilong yu bai stap wankain yet. Sopos yu risain long wok, kampani bai i no inap givim yu liklik pinis mani. Sopos kampani yet i rausim yu, orait em bai givim yu liklik pinis mani bilong yu.

Bihainim dispela ol toktok na hevi bilong mi, mi laik askim gavman bilong Papua Niugini na tu Dipatmen bilong Leba na Emploimen na Fores long lukluk na glasim dispela ol samting.

Bikos mipela ol wokman i no kisim gutpela helpim i kam long kampani. Ol Malesia i wok long yusim mipela ol man bilong dispela kantri olsem ol kalabus

man. Na mipela i wok long mekim wok na ol Malesia i wok long kisim gutpela sindaun.

Plis, em i taim nau yupela ol lida long gavman i mas lukluk na stretim dispela hevi. Yupela ol lida i mas luksave long kra bilong mipela ol wokman bilong dispela loging kampani bilong Malesia.

Sunam Rex  
NIP TOWN

## No ken sapotim nating PPC bilong Kimbe

**Dia Edita,**  
Mi laik bekim pas bilong Henry Kong we i bin kamap long *Wantok Niuspepa* long las mun.

Brata Henry i tok olsem provinsal plis komanda bilong Kimbe Taitus Pamben em i gutpela man long mekim wok bilong em.

Mi no wanbel wantaim toktok bilong yu brata Henry. Mi laik tokim yu stret olsem Mista Pamben em i no gutpela wokman. Long wanem em i no daunim em yet na mekim wok bilong em. Em i hapim save bilong em i go pas long wok.

Orait, save na wok bilong em i karamapim pasin nogut bilong em. Mipela ol lain long Seksen 10 i save long kain pasin nogut bilong Mista Pamben. Olsem na brata Henry, mi no laik haitim toktok. Mi tokim yu olsem PPC ya em i wanpela man bilong karim ol meri long liklik teksi bilong em na bagara-

pim ol.

Nau kaikai bilong dispela samting i kamap ples klia. Bikos Mista Pamben i sanap long ai bilong kot. Mipela ol pipel i laikim bai Mista Pamben i pinis long wok olsem PPC. Na stap olsem wanpela plisman nating. Planti ol gutpela plisman i stap husat i nap long holim wok olsem PPC.

Brata Henry, mi tokim yu long raun i kam olsem long Seksen 10 na lukim long ai bilong yu stret rot Mista Pamben i bihainim. Na kisim ol meri long liklik teksi bilong em.

Em tasol liklik toktok bilong mi. Sopos wanpela man o meri i gat toktok long dispela samting, rait i kam tasol long *Wantok Niuspepa* na mi ken sitim

K W Demeng  
KIMBE- WNBK.

## Ol pipel long Hawain burkim rekot long askim Difens fos long kompensesen

**Dia Edita,**  
Mi laik putim komplek bilong mi long *Wantok Niuspepa* na ol manmeri long kantri i ken lukim na skelim.

Mi wanpela soldia boi na mi stap long Moem Bareks long Wewak, Is Sepik provins.

Mi laik tokaut long pablik olsem sopos yupela i harim ol PNG Difens Fos i mekim trening long hap bus bilong yupela o ol i wokim wanpela wok, plis no ken singautim ol long kompensesen mani. Yupela i mas save olsem Difens fos i no wanpela praivet kampani husat i save wokim profit. Nogat. Dispela em ami bilong yumi yet long PNG.

Mi lukim ol lain ensinia bilong mipela long Igam Bareks i kam long Hawain long pinis bilong las mun long helpim wokim rot

na bris long dispela eria. Orait, long narapela de tasol ol papa graun bilong Hawain timba eria i kirap singaut long kompensesen mani pastaim long ol soldia i kisim masin bilong ol i go.

Mi askim yupela olsem taim yupela i toktok long developmen, em i min wanem samting tru? Developmen bai i kamap sopos i gat gutpela rot, bris na ol kain wok olsem.

Plis, harim gut. I kam inap nau, nogat man long PNG i save askim Difens Fos long baim kompensesen mani bipo long ol wokim wok long helpim ol pipel. Ol pipel long hap bilong Hawain i brukim rekot long dispela.

Long sampela hap bilong kantri, ol pipel i save amamas long lukim wanpela praivet kampani o husat wok-

man i wokim rot na bris long eria bilong ol.

Tasol dispela pasin liklik lain Sepik i mekim i no gutpela. Mekim na ol lain ensinia i stap bek long Moem Bareks.

Mi tokim yupela, Sandaun provins i winim yupela pinis. Bikos long dispela kain pasin tasol, PS kantri bai i stap olsem na nem bilong bikman bilong yumi Sir Michael Somare bai indai nating. Em i pait hat i go na nau em i lusim pinis pawa long go pas long ol pipel long han bilong ol nupela yangpela Sepik lida.

Husat i laik engensim o sapotim mi, rait i kam long *Wantok Niuspepa*. Mi bai amamas tasol long ritim bekim long dispela pas bilong ini.

Lalan Merap  
WEWAK-ESP.

## LAIKIM PENPREN

**Nem:** Henry Maps  
**Krismas:** 1115  
**Adres:** C/- Private Mail Box 610, Kimbe, WNBK.

**Save Laikim:** Raitim pas long penpren, ritim *Wantok Niuspepa*, pilai gita, go lotu na harim musik.

**Nem:** Jacintha Wagih  
**Krismas:** 116  
**Adres:** Mendi High School, P O Box 72, Mendi, SHP.

**Save Laikim:** Pilai soka na volibal, harim lokol na pop musik, raitim pas na ritim buk.

**Nem:** Franky Maiho  
**Krismas:** 16  
**Adres:** P O Box 5384, Boroko, NCD.  
**Save Laikim:** Go lotu, harim musik, tok pilai na pilai volibal.

**Nem:** Timothy Hambasombi  
**Krismas:** 15  
**Adres:** P O Box 39, Wewak, ESP.  
**Save Laikim:** Spot, go lotu, harim gospel musik na tok pilai.

**Nem:** Peter Wini  
**Krismas:** 16  
**Adres:** Vanimo Provincial High School, P O Box 122, Vanimo, Sandaun Province.  
**Save Laikim:** Stori wantaim ol manki, mekim pren wantaim ol arapela manki, waswas long solwara, pilai soka, lukluk long ol arapela pilai, televisen na vidio.

**Nem:** Joseph Neka  
**Krismas:** 24  
**Adres:** Kumi & Seeto P/L, P O Box 350, Kimbe, WNBK.  
**Save Laikim:** Raitim pas long ol pren, go lotu na serim tok bilong God, kaikai wantaim na helpim papamama.

**Nem:** Danstan Y Tepi  
**Krismas:** 19  
**Adres:** Gaulim Teachers College, P O Box 1343, Rabaul, ENBK.  
**Save Laikim:** Serim tok bilong God wantaim ol pren, harim gospel

musik, lukim televisen, ritim buk, pilai ragbi, basketbal na tu ol arapela pilai.

**Nem:** Justine Lenda  
**Krismas:** 19  
**Adres:** P O Box 672, Mendi, SHP.  
**Save Laikim:** Harim musik, raitim pas, pilai rugby na lukim televisen.

**Nem:** Otto Kandi  
**Krismas:** 20  
**Adres:** SBLC Reforestation Department, P O Box 487, Kimbe, WNBK.

**Save Laikim:** Harim gospel musik, pilai soka na gita, tok pilai, go lotu na raitim pas long ol pen pren.

**Nem:** William Florian  
**Krismas:** 15  
**Adres:** P O Box 3019, Nuku'alofa, Kingdom of Tonga.  
**Save Laikim:** Pilai ragbi, waswas long solwara, tok pilai, raitim pas, helpim famili long mekim wok long ples, harim Pasifik musik na raun lukim ol poroman.

## Stopim Mis PNG resis

**Dia Edita,**  
Mi laik autim wanpela wari bilong mi long *Wantok Niuspepa* na ol manmeri long pablik i ken lukim na skelim. Wari bilong mi i go long ol Mis PNG.

Mi no amamas tumas long lukim olsem gavman i save stretim rot bilong ol dispela meri long go long ovasis.

Long tingting bilong mi, gavman i lusim bikpela mani tru long ol dispela lain meri husat i no kisim wanpela samting i kam bek long kantri.

Mi laik save stret long wanem wok tru em ol Mis PNG i save wokim. I moa gut sopos gavman i pinisim dispela resis Mis PNG. Long tingting bilong mi, planti Mis PNG i save go long ovasis kantri na bringim sik nogut i kam bek long kantri.

Mi gat planti tingting moa na wari mi laik autim, tasol dispela bai inapHusat manmeri i gat toktok long dispela samting, rait i kam tasol long *Wantok Niuspepa* na mi ken ritim.

Yakop Lameki  
KIMBE- WNBK.

## Provinsal gavman em strong bilong ol pipel

**Dia Edita,**

Mi no amamas long senis gavman i laik kamapim long provinsal gavman sistem yumi wok long bihainim nau long kantri. Olsem na mi rait i kam long *Wantok Niuspepa* long autim wari bilong mi.

Mi no amamas tru long lukim olsem planti manmeri long kantri i sapotim gavman bilong nau long rausim provinsal gavman sistem.

Mi laik tokaut olsem bikos provinsal gavman i stap nau, ol risoses bilong yumi tu i stap gut. Na tu ol papa graun i kisim gut royelti mani long diwai na ol narapela samting i stap

long graun bilong ol.

Sopos yu sapotim nesenel gavman long rausi i provinsal gavman sistem, ating bihain bai yumi kisim taim na wari long ol samting bilong yumi long bikbus. Ol samting olsem diwai na ol arapela samting i stap long graun bilong yumi.

Bikos mi luksave olsem sopos provinsal gavman sistem i pinis, nesenel gavman tasol bai i bosim olgeta risoses na ol arapela gutpela samting bilong yumi long graun, insait long wara na tu long bikbus.

Sapos gavman i laik salim ol dispela samting long ol man bilong narapela kantri, em bai

go het tasol. Na kisim mani bilong em yet.

Nesenel gavman i ken wokim tu wanpela lo long no ken baim royelti mani i go long ol papa graun. Na kampani inap long bihainim tok bilong gavman-tasol. Bikos olgeta pawa bilong mekim disisen bai i stap long han bilong nesenel gavman tasol.

Tasol, provinsal gavman sistem i save makim maus bilong olgeta pipel bilong provins long ol bikpela toktok na disisen i karamapim sindaun na laip bilong yumi wan wan.

Markus Luzman  
KIMBE- WNBK.

## Ritim nius long stretpela we

**Dia Edita,**

Mi wanpela manki long Nembi plantasin long Sauten Hailans. Tasol nau mi stap long Rabaul.

Mi no save amamas long tupela anaunsa bilong Redio Mendi.

Taim tupela i laik ritim nius long tok pisin, nek bilong tupela i no save klia tumas.

Olsem na mipela i no save long wanem samting tupela i save toktok long en. Na tu tupela i ritim nius olsem tupela i save toktok

long wanpela wantok bilong tupela. Mi no inap raitim nem bilong tupela. Tasol tupela yet bai ritim dispela pas na bai tupela i ken save.

Max Makip  
RABAUL



# Pomio gat planti samting bilong kisim mani

Dia Edita,

Mi wantaim olgeta narapela manki long Pomio i no amamas tumas long wanem samting i kamap long NBC nius long wanpela mun i go pinis.

Long nius, ol save-man na ol politisen bilong Tolai i sutim toktok long memba bilong Saut Bogenvil Michael Laimo olsem em i sutim toktok long tupela memba bilong Pomio, Alois Koki na brata bilong em Francis Koimanrea long nogat wok developmen long eria bilong tupela. Mi yet i no amamas long dispela olsem na mipela i laik autim tingting bilong mipela.

Namba wan samting em ol Tolai i no laik

long givim helpim gut long ol Pomio long longpela taim tru long ol kain kain wok kamap bilong provinsal gavman.

Namba tu samting em ol Tolai i nogat wanpela bikpela wok kamap long kisim mani bilong ol.

Na namba tri samting em ol Tolai i painim hat tru loh mekim wok bilong painim mani long kain wok olsem loging, pulim pis na ol narapela wok.

Mipela i bilip olsem graun bilong mipela long Pomio i gat planti samting bilong kisim mani i stap. Kain nius i kamap long tupela lida ya bikos ol Tolai i jeles long tupela.

Mipela i les long provinsal gavmar

bilong wanem ol Tolai i save gridi tumas. Long 5-ya taim bai ol Tolai i lus tru long rot bilong kisim mani.

Yu husat brata i lukim pas bilong mi, mi laik tokim yu olsem hap bilong mipela long Pomio i pulap tru long ol samting olsem timba na ol narapela samting moa bilong graun. Graun bilong ol Tolai i pulap long ol banana na ol wait hos tasol. Long 5-ya taim bai ol wait hos bai painim ples bilong sindaun na amamas long en.

Mipela ol yangpela i amamas long harim dispela nius na mipela i laik tok tenkyu tru long ol lida bilong mipela.

Jeffrey Lausa  
POMIO

# Lae siti luk olsem Finsafen maket

Dia Edita,

Mi wanpela manki Finsafen na mi stap long Lae taun. Mi laik autim bel hevi na wari bilong mi long wanpela samting mi lukim na mi no amamas long en.

Lae em i wanpela siti olsem Mosbi. Tasol long lukluk bilong mi, em no luk olsem wanpela siti. Nogat. Em i luk olsem Finsafen maket.

Mi lukim planti manmeri i salim buai, smok na aisblok long siti. Na em i no luk olsem siti liklik. Em i luk olsem maket ples stret. Mi olsem wanpela manki bilong Morobe provins husat i no save amamas long lukim siti bilong yumi i luk nogut.

Sopos mi wanpela plisman, sori tumas, bai mi stopim ol pipel

long salim dispela ol samting long siti.

Mi laik save sopos i gat ol opisa bilong lukautim lo na oda long Lae siti o nogat. Lae siti Atoriti i stap tasol mi no lukim ol opisa i wokim wanpela samting long rausim ol dispela manmeri husat i salim nabaut ol samting long taun.

Yu husat manmeri i salim buai, smok na aisblok long taun, opim gut tupela ai bilong yupela na ritim dispela pas bilong mi. Tingting gut na pinis olgeta long

salim ol dispela samting mi toktok long ol insait long siti.

Long lukluk bilong mi, sampela plisman i sapotim tu ol dispela manmeri husat i salim nabaut buai, smok na aisblok. Olsem na ol i no mekim wanpela samting long rausim ol.

Husat brata o susa i sapotim o egensim mi, rait i kam long *Wantok Niuspepa* na mi ken ritim.

Petrus Ivayong  
LAE.

**Husat i laik salim pas i kam long Edita i mas raitim stret nem na salim i kam long dispela adres: Pas i go long Edita, Wantok Niuspepa, P.O. Box 1982, Boroko, NCD.**

# Maski long holim ol samting raun long han na salim

Dia Edita,

Mi wanpela manki Hailans tasol nau mi stap long Mosbi. Mi laik autim liklik wari bilong mi long *Wantok Niuspepa*.

Mi raun long olgeta strit, maket na taun na mi save lukim ol manmeri i salim smok, buai na ol kaikai. Tasol sampela manmeri ol i holim dispela ol samting long han na salim raun long maket, strit na rot.

Dispela ol lain i save holim long han na salim i no gutpela tumas. Traim na yusim het bilong yupela na salim samting stret long maket. Taim yupela i save karim ol dispela samting na raun, yupela i save sem tu o nogat. Yupela save karim ol samting raun na askim ol manmeri long 20 toea na 50 toea.

Na dispela pasin i no ol manmeri bilong Goroka,

## Pasin bilong jeles no gutpela

Dia Edita,

Mi wanpela manki Mendi tasol nau mi stap long Rabaul. Mi gat liklik wari long autim long *Wantok Niuspepa* na olgeta man i ken ritim.

Planti manmeri i save komplek tumas long dispela hap long Ranialla Setelmen long Kokopo. Planti bilong mipela long dispela hap em ol marit lain tasol. Na i gat wan wan yangpela man tasol i save stap na ol i no save mekim bikhet pasin.

Sopos ol stilman bilong narapela hap i kam brukim ol haus o bikhet nabaut long panblik, ol i save sutim tok long mipela tasol. Plis, ol gutpela manmeri, traim na lukim gut long ai bilong yupela pastaim bipo long yupela sutim tok nating long mipela.

Sopos yupela i save belhat tru long mipela long dispela ples, orait tokim gavman bilong yupela na stretim rot bilong mipela tasol long go bek long ples. Sopos nogat, i luk olsem yupela i save jeles long mipela na maski long sutim toktok nating.

Em tasol liklik wari bilong mi. Husat i laik sapotim o egensim, rait tasol i kam long *Wantok* na bai mi ken ritim.

John Kele  
KOKOPO

# Mi painim poro bilong mi

Dia Edita,

Nem bilong mi Billy Tumane. Mi laik painim poro bilong mi. Nem bilong em em Philip Kaupi na em i bilong ples Hiwanda long Tari insait long Sauten Hailans provins.

Husat manmeri i save long Philip Kaupi na i lukim pas bilong mi, plis tokim em long rait i kam long mi long dispela adres: Billy Tumane, SBLC Buluma, P.O.Box 162, Kimbe, WNB. Bai mi amamas tru sopos poro bilong mi i rait i kam long mi.

Billu Tumane  
KIMBE-WNB.

Hagen o Simbu i wokim. Ol as lain bilong dispela pasin em ol Tari. Ol i save karim ol dispela samting raun na askim ol manmeri long baim. Ol kuk kaikai tu ol i no save karamapim long plastik na salim na lang i save sindaun antap na bagarapim.

Narapela samting mi laik tokim yupela ol Tari em taim yupela i raun long pablik, no ken tokples. Yupela i save tokples olsem mama i singautim ol pik long bikbus. Mi no stopim yupela long tokples. Tasol dispela kain tokples bilong yupela na singaut nabaut i save mekim planti nais tru ya.

Em tasol liklik toktok bilong mi long ol kaikai ol man i save karim raun na salim na tu long wanem kain pasin ol Tari long Mosbi i save mekim. Yu husat i laik egensim o sapotim mi, orait rait tasol i kam long *Wantok Niuspepa* na bai mi ken ritim.

Lenkona Mokoman  
GOROKA

## LAIKIM PENPREN

**Nem:** Lorretah Ove  
**Krismas:** 21  
**Adres:** C/- John Ove, P.O. Box 2173, Morobe province.

**Save Laikim:** Pilai, musik, danis, wok gaden, bungim ol sel long solwara, raun na mekim pren. Mi laik poroman tru wantaim ol lain bilong Not Solomons, Nu Ailan, Is na Wes Nu Briten na Solomon Ailans.

**Nem:** Samson P.  
**Krismas:** 12  
**Adres:** P.O.Box 182, Kimbe, WNB.

**Save Laikim:** Ritim *Wantok Niuspepa*, bekim pas, stori tumbuna na tok pilai.

# Bialla haiskul luk olsem wanpela woksop

Dia Edita,

Mi laik autim wari bilong mi long Bialla haiskul long wanem samting mi save lukim long ai bilong mi na i no stret.

Bialla haiskul i no luk olsem wanpela haiskul. Nogat ya. Em i luk olsem wanpela woksop bilong ol kampani o wanpela mil bilong wel pam. Domitori bilong ol manki i luk olsem

wanpela pablik toilet long taun.

Ol narapela haiskul insait long kantri i luk nais liklik. Tasol Bialla haiskul i nogat tru na rabis olgeta. Hetmasta i luk olsem bus kanaka na wanpela kaulong stret. Na ol tisa tu i save bihainim laik bilong hetmasta tasol na i no ranim skul gut.

John Kay Lowant  
BIALLA

**MR BOSMAN BILONG STOA**

I gat **FRI** Wrigley's Juicy Fruit Moni Bag bilong yu!

10t WRIGLEY'S ARROWMINT CHEWING GUM

10t WRIGLEY'S PK CHEWING GUM

10t WRIGLEY'S JUICY FRUIT CHEWING GUM

10t tasol

10t tasol

**taim yu baim 5 PELA BOKIS long wanpela long dispela prodak long SEETO KUI PTY. LTD. long Lae brans tasol long Epril 11 - Mei 6 tasol! (6 pela Moni Bag long wanpela balk)**

10t tasol

**BIGBOY**

VISADD 1206/B



# WANTOK

NIUSPEPA BILONG OL PAPUA NIUGINI STRET

# PABLIK NOTIS

Sapos yu laik advertais, telephon 25 2500 na askim long

Ph: Miri Aiori Ext. 203  
Jeffrey Maliou Ext. 216  
Terry Miria Ext. 215



**1994 POT MOSBI SO**  
**JUN 11, 12, 13**  
**TUMBUNA SINGSING**

Pot Mosbi So Sosaiti bai givim ol gupela prais mani long ol singsing tumbuna grup.  
Ol singsing tumbuna grup i mas gat namba bilong ol lain i singsing namel long 15 na 30 pipel.

**PORT MORESBY SHOW OFFICE CNR. CRANTON & FRANGIPANI ST.**

**HOHOLA**  
**P O BOX 6958**

**BOROKO**  
**TELIPON NAMBA - 25 6579**

Taim bilong opis op: Mande i go inap Fraide 9 klok moning i go inap 3 klok apinun  
Ol de opis bai op em: Fraide 4, Mande 7 na Trinde 9 bilong mun Februari.



**1994 POT MOSBI SO**  
**JUN 11, 12, 13**

**OL LAIN BILONG PUTIM OL PLAWA NA OL KAIKAI BILONG GADEN LONG SO**

So Sosaiti i welkamim yupela long putim ol samting bilong yupela long so. So Sosaiti i askim ol dispela lain long stat redi nau yet long dispela wiken so bai kamap.

Prais bai go long husat manmeri i putim kamap naispela so bilong olgeta kain plawa na kaikai bilong gaden.

Sapos yu laik stap insait long resis ya, kisim wanpela entri form long Pot Mosbi So Opis

CNR. Croton & Frangipani St. Hohola Telipon: 25 6579.

Taim bilong opis long op: Mande i go inap Fraide em 9 klok moning 3 klok apinun. Ol dei opis bai op em Fraide 11, Mandi 14 na Trinde 16 bilong mun Februari.



**1994 MOSBI SO**  
**Jun 11, 12 na 13**  
**OL MEMBA**

Tok save i go olsem taim bilong baim gen ol membasip fi i kamap pinis.

Skruiem membasip - K10 long wanpela man/meri  
Ol nupela memba - K15 long wanpela man/meri  
Membasip bilong ol memba - K8 long wan wan pikinini

Kisim moa tok klia na baim ol mani i go long:

**SEKETERI**  
**MOSBI SO SOSAITI**  
**P.O. Box 6958,**  
**BOROKO, N.C.D.**

**Telipon: 256579**



**PABLIK TOKSAVE**

Ramu Sugar bai statim 1994 Sugar haves sison long Mun Mei dei 16.

Dispela toksave i go long olgeta **OLPELA SISINOL WOKMAN** husat i gat "PAS BILONG I KAM BEK WOK" O "INVITATION LETA", ol i bin kisim long taim ol i pinisim 1993 sison.

Husat i nogat pas bilong i kam bek wok bai mipela i no inap long sainim ol long dispela taim.


Ples bilong kisim man em long ol Provinsol Labour Opis long Hilans, Madang na Lae. Em bai stat long Epril dei 18 i go inap Mei dei 02. Husat yu i gat pas bilong yu i mas i go long Provinsol Labour Opis long Provins bilong yu long dispela taim.

WABAG	-	18 Epril, 1994
MENDI	-	19-20 Epril, 1994
MT HAGEN	-	21, 22 na 23 Epril, 1994
KUNDIAWA	-	25 Epril, 1994
GOROKA	-	26-27 Epril, 1994
KAINANTU	-	28 Epril, 1994
MADANG	-	29 Epril, 1994
LAE	-	02 Mei, 1994

Sapos yu i gat sampela askim long save moa long dispela toksave, bai yu i ken ringim Personnel Office long Ramu Sugar long telepon namba 44 3299.

Tenk yu tru.

Toksave i kam long Ramu Sugar Personnel Department.



*Pol i sanap i stap long taim ol i kilim Stifen. Pol i no mekim wanpela samting bilong stopim trabel.*

**Yupela ol pipel bilong Papua Niugini na bilong biksolwara Pasifik, yupela i sanap na lukluk tasol? Yupela i wokim samting bilong stopim hevi namel long ol pipel bilong Bougainville? Bikpela i tok, "Yupela i kirap na rausim ston bilong kros na mekim ol ston i kamap kaikai na marasin na klos samting. Yupela i soim wanpela Nupela Rot bilong Sekan na Bel Isi? Krai i wetim yupela. Ol bratasu bilong yupela i wetim yupela. Bai yupela i kirap?"**

Catholic Bishops Conference of Papua New Guinea and Solomon Islands  
The Papua New Guinea Council of Churches



Drawing reprinted with kind permission of Bible Society, PNG

© Copyright Bible Society



# HARIM!



## WANTOK

NIUSPEPA BILONG PAPUA NIUGINI STRET

# EM!

Pepa bilong yumi stret

## BAIM WANPELA

### TETE!!

# 40t tasol!!

ringim 25 2500 na askim long sels dipatmen

# RIT NA SAVE

## Wantok - Niuspepa bilong PNG stret

# WANTOK

NIUSPEPA BILONG OL PAPUA NIUGINI STRET



# NIUSPEPA BILONG YUMI STREET

## WANTOK

NIUSPEPA BILONG OL PAPUA NIUGINI STRET Ernst & Young audited/  
circulation 15,177

28 pes      Namba 965      Wik i stat long Trinde, Desemba 30, 1992.      40 toea

### MOROBE TINPIS STAP HAIT YET

**Gavman: Niuslain helpim ol BRA:**

**FRANCIS ULIAU** i raitim

NO GAT kila tok i kamap yet long wanem hap nupela tinpis fektion bilong ol long Morobe provins bai stap long en.

Na ol lain long Dipatmen bilong Morobe wantam provinsal Lens opis i no save long wanem samting i kamap nau. Bikos, ol i tok, oigeta samting i kamap tasol long opis bilong Tred na industri long Mosbi. Na no gat gupela toktok na wokbung i save kamap wantaim ol lain long provins. Seketeri bilong Morobe provins.

Manasupe Zurenuoc i tok em yet i no kila long wanem hap dispela nupela tinpis fektion bai sanap long en. Bikos i gat planti kam kam toktok i stap yet.

Em i tok nau, ol i wetim tasol rpot olong ol lain long Tred na Irdastru husat i bin go long Malesia wantaim ministia David Mai. Na bihain long Nu Yia, ating em bai inap klaim ol dispela samting.

Long 14 Novemba i go inap long 21 Novemba, 7-pela opisa bilong gavman i bin go long Malesia na Filipin Ailan bilong sekap long ol tinpis bisnis long hap. Na ol bai gvim ol rpot i go long bos bilong dipatmen long namba wan wik bilong neks yia.

Namel long ol 7-pela opisa ya em wanpela bilong Enviaromen na Konsevesen, Fainens na Piening, Lae Siti, Atoriti, Morobe provinsal gavman na Irpela long dipatmen bilong Tred na Industri.

Long wankain taim, rpot i kam long provinsal Lens opis long Lae itok ol i no save long wanem samting i kamap nau. Bikos ol lain long Tred na industri i no toktok stret wantaim ol

Mipela i save tasol long disoela ol samting long niuspepa, wanpela opisa bilong dipatmen i tok.

Em i tok tu oisem Tred na Industri i bin mekim warikain samting tu long ol lain i go moa long pes 2



*Goroka brukim la... Long las mun, Gavman EHP Kapitel Atoriti i bin tambu long ol pip long ol rot na maket. Tasol ol pipel i wok mit bilong sipsip na ol kaikai olsem.*

GAVMAN i tok i sekem niuslain. Auk long helpim ol BRA long saensimpawa bilong long Bogerwi. Man husat i ukauim nius bilong Bogerwi. Franzalbert Joku i tok dispela wok long dauim strong bilong ol lain husat i laik stretim hevi long hap. Dispela tok i bhainim wanpela 3 pes rpot insait long Post Courier long toktok bilong wanpela men loya bilong Australia, Rosemary Gillespie husat stap long Bogerwi. Gillespie i bin tok oisem ol sekuriti tasol i lusim takara rot na Tunuru msia. Misi...

- Plis opisa joinim NCDC bod...p2
- Glasim 1992...p3
- Is Sepik baset...p5

### Nupela mak bilong ne i dau

**MESERY GUBAG** i raitim

OL lain husat em krismas bi anint long 21 krismas na wan pi leba bai kism. K... varpela wik stat long industriel Reistra...

# 400t

## tasol!



# RAGBI LIG



• Fowat bilong Kone Jonathan John na narapela pilala I sanap strong wantaim long takelim senta bilong West John Lakoro. Tupela tim wantaim I dro long 26-26



• Bikpela fowat bilong Kone Tigers John Ovia na narapela wan pilai bilong em I bung wantaim long stopim dispela pilala bilong West long Mosbi Ragbi Lig resis long las wiken. Kone na West I dro 26-26.

## Ol Mendi sapota tromoi stik na ston long Lahanis

KOSA bilong Goroka Lahanis Leva Tete i no amamas tumas long pasin ol sapota bilong Mendi Muruks i bin mekim long ol taim ol i kamap long Mendi long Sande long pilai. Ol pilala bilong Lahanis i sindaun insait long bus tasol inap 12-pela minit long taim ol i kamap long Tente pilai graun. Dispela samting i kamap long wanem ol man i tromoi

ol plastik kap, stik, ston na graun malmalum long ol. Ol sapota bilong Mendi tu i tok nogutim ol. Tete na ol Lahanis tim menesa i no save long wanem as tru na dispela samting i kamap. Ol i kamapim bikpela toktok olsem ol bai no inap kamap long Mendi long pilai gen sapos dispela kain pasin i stap. Tete husat i toktok

wantaim Wantok na em i tok dispela kain pasin tasol i mekim na pretim tingting bilong ol pilala na ol i lus. "Mipela i olsem ol wailpik bilong bus na ol sapota i tromoi kain kain samting long mipela," tim dokta bilong Lahanis Jerry Kavori i tok. Long dispela kain pasin tasol na Agi Tete wantaim Andrew Mao i kisim bagarap long

skin bilong ol. Belhat wantaim na toktok, Kavori i tok olsem "Mi no kam long hia long stretim ol man husat i kisim bagarap long ol stik na ston. Mi kam long stretim ol man i kisim bagarap long pilai graun tasol." Tasol kosa Leva Tete i tok olsem dispela i no pinis bilong ol Lahanis. Ol bai pilai strong na go olgeta long fainel.

## Vanimo Welpusi sotim Hawks long bikpela namba

OL narapela lig tim insait long Vanimo Ragbi Lig Asosiesen i save surik liklik long Welpusi, tim bilong Woks long Vanimo. Ol lain ya tu ol manki nogut ya. Ol i karim nem bilong tim bilong ol i go antap log namba tri ples long lada bilong Vanimo Ragbi Lig sisen. Ol i gat ol top pilala olsem John Maiani, Matthew Sagu, "Big Boy" Ben Angori, Robert Babi, Ben Yambu na ol bikman ya Peter Avali, Titus Ipi na Ignas "Snake" Waseng. Lek bilong ol i save redi tasol long das sapos bal i plai i kam abrusim ol.

Helpim bilong olgeta 17 pilala long fil long Sande i mekim Tigers i winim namba wan gem bilong A Gret wantaim 30 points long taim wisil bilong Referi Ruben Guddy is pairap long fultaim. Hawks husait i lusim planti sans bilong ol long putim ol trai i kisim tasol 10 points.

Namba wan 15 minit tupela tim ya i paia stret long fil. Tasol Hawks i abrusim mak liklik na autsait senta bilong Welpusi Ben Yambu i sait step na bomim trai lain bilong Hawks wantaim gutpela konvesen kik. Dis-

pela i apim poin bilong ol Welpusi long 6 poin. Welpusi inap long putim narapela trai long kisim 10 poin long hap taim. Na Hawks i kisim wanpela trai na gutpela konvesen kik i kam long Lep Winga Max Api na Prop Jerry Hauta.

Bihain long hap taim, gem i bilong ol Welpusi tasol i go inap long pilai i pinis. Garamut Hawks i putim tasol wanpela trai taim ol Welpusi bilong Woks i gat 4-pela trai wantaim tupela gutpela kon-

vesen kik i givim ol fultaim skoa long 30-10. Ol i lusim wanpela trai we risev fulbek Julian Kempa i kikim bal strong tumas na i lusim trai lain i go autsait.

Ol lain i putim trai long Hawks em Max Api na risev Bek Jonny Daniel tasol David Moihe i abrusim mak bilong trai lain. Na ol lain bilong Tigers em Ben Yambu, Robert Babo, Titus Ipi, Ben Angori na Peter Avali. Julian Kempa i bagarapim trai bilong em.

### "A" RESERVE POINTS LEADER

Seagulls	8
Tarangau	8
Hawks	6
Raiders	4
Royals	4
Gapaki	Nil

### U/21 POINTS LEADER


Royals	6
Gapaki	6
Raiders	6
Hawks	4
Seagulls	3
Tarangau	3

### WEEKEND DRAWS - 23/4/94

10.00	Hawks	vs	Tarangau	U/21
11.00	Seagulls	vs	Gapaki	U/21
12.00	Hawks	vs	Tarangau	B
13.00	Seagulls	vs	Gapaki	B
15.00	Hawks	vs	Tarangau	A

### 24/3/94

11.00	Amboli	vs	Royals	U/21
-------	--------	----	--------	------



Bikpela wok...Kosa bilong Goroka Lahanis, Leva Tete i solim namba em I winim olsem nambawan kosa bilong ya I kam long Winfield sigaret kampani. Dispela kampani i save sapotim tru pilai ragbi lig insait long Papua Niugini na olgeta arapela kantri long wol.



# Traim soim gutpela pasin liklik

# Mosbi lig nau no gat moa sapot

**Dia Edita,**  
Mi wanpela fultaim sapota bilong Lae ragbi lig. Oltaim mi save kamap long pilai graun bilong lukim ol A gret tim i pilai.

Nau mi laik autim liklik bel hevi bilong mi long wanem samting i bin kamap las wiken taim Mosbi Vipers i kam na pilai wantaim ol lain boi bilong Lae Bombers.

Pilai em i bin orait tasol. I tru olsem referi i no luksave long ol hai takol em i kamap insait long pilai graun, tasol olgeta arapela samting i orait. Luxie Metta nau i wok long kisim nem na kamap nambawan tru.

Tasol mi no amamas tumas long wok bilong ol lain plisman husat i kamap long lukautim wok bilong lo na oda long dispela taim. Long lukluk na tingting bilong mi, ating ol dispela lain i kamap tasol bilong lukim pilai tu.

Bikos long taim pilai i kamap long namba tu hap, ol lain husat i lukautim dua bilong pilai graun i kirap na opim dua. Em nau na olgeta lain manmeri i resis i kam insait. Tasol long taim ol i mekim olsem, ol i kirap na bagarapim na rausim nabaut ol buai wantaim aisblok bilong ol mama husat i sindaun salim ol dispela samt-

ing long banis.

Man dispela em wanem kain pasin stret ya. Ating yupela ol lain husat i mekim olsem i mas wail pik na sikau bilong bikbus.

Taim yupela i mekim olsem, yupela tingim tu ol mama na susa bilong yupela long ples o nogat. Traim tingim wanem kain tingting na hevi yupela bai karim sapos narapela man i mekim kain pasin olsem long ol wanlain bilong yupela.

Long taim dispela i kamap, i mobeta olsem ol plisman na plismeri i mas sambai long dua bilong lukim olsem no gat bikhet pasin olsem i

kamap gen. Bikos long tingting bilong mi, ol plisman na plismeri i giaman bilong go insait long pilai graun bilong go lukim pilai.

Na dispela kain pasin bilong tromoi nating smokbom tu i mas pinis. Nogut yumi kalap nogut long lukim olsem ragbi lig long bai popaia liklik. Tasol long nau yet, mi laik salim bikpela tok amamas bilong mi i go long presiden bilong Lae Ragbi Futbol Lig, George Mack na ol lain eksekutiv bilong em.

Bikos ol i mekim gutpela wok tru.

**David Melmelo,**  
Ampo, Lae.

**Dia Edita,**  
Mi laikim wanpela bikman bilong ragbi lig long Mosbi o Papua Niugini bilong tok klia nau long wanem as tru na no gat bikpela lain manmeri moa i save kamap long lukim ol pilai long Mosbi.

Olsem na mi laikim dispela pepa long kirapim tu wanpela opis long Lae kwiktaim. Bikos mipela planti gat bilip long dispela pepa na mipela laik lukim em i kamap moa moa yet winim ol inglis pepa nabaut.

**John Eron,**  
Bumbu, Lae.

**Bekim:** Wantok bilong mi, klostu Wantok Niuspepa bai opim opis bilong en long Lae. Dispela bai kamap sampela taim long mun Me. Bai i gat tok save bilong dispela opis taim mipela i stretim olgeta samting. Olsem na yu ken kamap enitaim na lukim ol ripota bilong mipela long hap.

Mi Edita.

Tok save: Wantok Niuspepa bai amamas tasol long kisim na prinim ol pas wantaim toktok bilong olgeta rita. Salim ol pas bilong ragbi lig long PNG i kam long Edita, Ragbi Lig Nius, P.O. Box 1982, BOROKO, N.C.D. Wankain tu long ol stori na foto, em i fri ya.

## Kirapim tu ol pas pes

**Dia Edita,**  
Mi laikim olsem yupela mas kirapim tu wanpela pes bilong ol ragbi lig pas insait long niuspepa.

Mi save amamas long lukim dispela niuspepa, bikos i gat ragbi lig stori na dro na lata bilong klostu olgeta senta insait long Papua Niugini. Na dispela em i gutpela tru.

Mipela ol pipel i save gat gutpela sans bilong mipela long autim ol kain kain tingting long ol wok kamap. Na mipela inap mekim olsem tasol long ol pas.

Wanpela samting em mi no klia tu em planti taim ol pas i no save kamap long niuspepa. Tasol ating dispela em bikos yupela i save kisim planti pas tumas. Sapos dispela i tru, em i orait. No gat kros long dispela.

Tasol plis mi laikim bai edita i mas givim wanpela o tupela pes long givim sans long mipela ol rita long autim tu tingting bilong mipela long wok bilong ragbi lig insait long kantri.

**Wanpis bol,**  
Wewak, E.S.P.

## Pawa bilong Goroka Lahanis mas dai pinis

**Dia Edita,**  
Wanem samting nau i wok long kamap long ol lain Goroka Lahanis.

Dispela sempion tim bilong Papua Niugini i mas bungim sampela hevi, olsem na ol i lusim gen narapela pilai bilong ol long las wiken.

Mi wanpela fultaim sapota bilong dispela tim, maski mi stap long Mosbi. Mi no save spaotim tru dispela tim bilong Mosbi Vipers. Bikos em ol lain bilong so op na kusai nabaut. Tasol em i orait, bikos long las wiken ol i daunim olgeta toktok na bagarapim sindaun bilong Lae Bombers long asples bilong ol yet.

Lahanis i stretim pinis hevi bilong en long mani, tasol wanem samting tru i rong na ol i lus gen long las wiken.

Mi save sapatim tru dispela tim bikos olgeta pilaja bilong tim em ol

isi lain tasol. Ol i no ol man bilong so op o apim nating nem bilong ol long laik. Kain pasin olsem tu inap mekim ol i kamap nambawan tru. Olsem na mi laik tromoi liklik toktok na askim tru ol lain Goroka Lahanis long pulim ol soken bilong ol i go antap liklik.

Plis no ken mekim na mipela ol sapota bai sindaun silip wantaim wari oltaim. Mipela laikim yupela mas winim pilai na soim Mosbi olsem ragbi lig i no bilong ol tasol, maski em ol biksiti lain.

Em i taim nau bilong Lahanis long senisim kala na kamap lait inoa yet. Kamon Goroka Lahanis, no ken lus gen long ol narapela pilai i kam bihain. Yupela mas go antap gen na kisim namba wan ples olsem yupela bin iokhast pastaim.

**Franwa David,**  
Hohola, N.C.D.

Taim yu kisim ol kainkain pen...  
olsem tit i pen ...beksait i pen...  
het i pen...sik mun pen...  
o wanem kain sik...!

# Olgeta taim igat Disprin long halivim yu!



Em isi, yu ken kisim Disprin na tainim wantaim wara!

Igat narapela yu ken kaim... teis olsem muli!

Na igat ol kapsol yu ken daunim wantaim wara!

**Kisim  
DISPRIN...  
kilim pen!**

TINGIM... OL KAINKAIN PEN...  
IGAT DISPRIN OLSEM WE YU LAIKIM...



# LOTTO'S JACKPOT IS GETTING BIGGER & BIGGER & BIGGER AGAIN!

LEVEL 2  
NOW OVER  
K4,000

LIVE ON EMTV  
& RADIO KALANG  
TONIGHT AT  
7.30PM!

CHANGE YOUR LIFE...  
BUY LOTTO!



HRD 15047

BUY YOUR TICKET NOW!

### PORT MORESBY RUGBY FOOTBALL LEAGUE DRAWS - ROUND 1/8

**Saturday 23/04/94**

Ground	Time	Grade	Team	Team
LRO	9.30	R	DCA	vs ANG
LRO	11.00	R	Waliya	vs Tarangau
LRO	12.30	A	DCA	vs ANG
LRO	2.00	A	Waliya	vs Tarangau
LRO	3.30	A	Paga	vs Royals

**Sunday 24/04/94**

LRO	9.30	Res	Brothers	vs	Magani
LRO	11.00	A	Kone	vs	Souths
LRO	12.30	A	West	vs	Hawks
LRO	2.00	A	Brothers	vs	Magani
LRO	3.30	A	Intercity Vipers	vs	Kalibobo

**Friday 22/04/94**

	5.00pm	U/21	Post Puma	vs	Defence
	7.00pm	Res	Post Puma	vs	Defence
	9.00pm	A	Post Puma	vs	Defence

**Saturday 23/04/94**

PRL II	9.00am	U/17	West	vs	Hawks
PRL III	9.00am	U/17	Kone	vs	Souths
PRL II	10.00am	U/17	Paga	vs	Royals
PRL III	10.00am	U/17	Post Puma	vs	Defence
PRL II	11.00am	U/17	DCA	vs	ANG
PRL III	11.00am	U/17	Waliya	vs	Tarangau
PRL II	12.00	U/17	Magani	vs	Brothers
PRL III	12.00	U/19	West	vs	Hawks
PRL II	1.00pm	U/19	Kone	vs	Souths
PRL III	1.00pm	U/19	Paga	vs	Royals
PRL II	2.00pm	U/19	Post Puma	vs	Defence
PRL III	2.00pm	U/19	DCA	vs	ANG
PRL II	3.00pm	U/19	Waliya	vs	Tarangau
PRL III	3.00pm	U/19	Magani	vs	Brothers

**Sunday 24/04/94**

PRL II	9.00am	U/21	West	vs	Hawks
PRL III	9.00am	U/21	Kone	vs	Souths
PRL II	10.15am	U/21	Paga	vs	Royals
PRL III	10.15am	U/21	DCA	vs	ANG
PRL II	11.30am	U/21	Waliya	vs	Tarangau
PRL III	11.30 am	U/21	Magani	vs	Brothers
PRL II	1.15pm	Res	West	vs	Hawks
PRL III	1.15pm	Res	Kone	vs	Souths
PRL III	2.45pm	Res	Paga	vs	Royals

### SYDNEY WINFIELD CUP

#### LAST WEEKEND'S RESULTS

Penrith	24	Balmain	0
Norths	11	Brisbane	10
Newcastle	19	Cronulla	2
Easts	20	Parramatta	10
St George	40	Gold Coast	16
Canterbury	26	Illawarra	16
Canberra	40	West	24
Manly	28	Souths	13

#### POINTS LADDER

	P	W	D	L	F	A	Pts
NORTHS	6	6	-	-	148	78	12
ST GEORGE	6	5	-	-	154	74	10
CANTERBURY	6	5	-	-	148	97	10
CANBERRA	6	4	-	-	2	178	105
CRONULLA	6	4	-	-	2	109	93
Manly	6	3	1	-	2	159	101
Penrith	6	3	1	-	2	86	91
Brisbane	6	2	1	-	3	137	92
Illawarra	6	1	2	-	3	104	120
Newcastle	6	2	-	-	4	116	124
Easts	6	2	-	-	4	102	128
Balmain	6	2	-	-	4	92	173
West	6	2	-	-	4	89	202
Parramatta	6	1	1	-	4	86	106
Souths	6	1	1	-	4	107	168
Gold Coast	6	1	1	-	4	109	172

#### THIS WEEKEND'S DRAW

St George	vs	Norths
Gold Coast	vs	Easts
Parramatta	vs	Penrith
Newcastle	vs	Illawarra
Canterbury	vs	West
Canberra	vs	Manly
Souths	vs	Cronulla
Balmain	vs	Brisbane

### Kiunga League

#### Draws (Sat 23/4/94) High School Oval

Time	Grade	Teams
1200	U/19	Brothers vs United
0100	U/19	Royals vs Tigers
0200	U/19	Magani vs Tarangau
0300	B	Brothers vs United
0400	B	Royals vs Tigers

#### Sun 24/4/94 (Town Oval)

1200	B	Magani vs Tarangau
0100	A	Brothers vs United
0230	A	Royals vs Tigers
0400	A	Magani vs Tarangau

Souths BYE

### LAE RUGBY LEAGUE ROUND THREE DRAWS

Saturday April 23, 1994.

<b>Outside Ground</b>			
9.00am	U/17	Defence	vs Panthers
10.00am	U/19	United	vs Royals
<b>Inside Ground</b>			
9.00am	U/17	Tigers	vs Tarangau
10.00am	U/19	Spiders	vs Brothers
11.00am	Res	Tigers	vs Tarangau
12.20pm	Res	Defence	vs Panthers
1.40pm	Res	United	vs Royals
3.00pm	A	Tigers	vs Tarangau

Sunday April 24, 1994.

<b>Outside Ground</b>			
9.00am	U/17	United	vs Royals
10.00am	U/19	Defence	vs Panthers
<b>Inside Ground</b>			
9.00am	U/17	Spiders	vs Brothers
10.00am	U/19	Tigers	vs Tarangau
11.00am	Res	Spiders	vs Brothers
12.20pm	A	Defence	vs Panthers
1.55pm	A	United	vs Royals
3.30pm	A	Spiders	vs Brothers
<b>Gate Fees</b>			
Adults		K 1.00	Sunday
Kids		.50 t	K 2.00
			K 1.00

### ALOTAU RUGBY FOOTBALL LEAGUE ASSOCIATION - 1994 DRAW FOR THE SEASON PROPER - FIRST ROUND COMPETITION - GAME NO. ONE

Saturday April 16, 1994.

#### Grade Under 21:

Teams	Vs	Teams	Time
Royals 10	vs	Tarangau 30	1300-1420 hrs
Grade "B" (Reserve)			
Royals 10	vs	Tarangau 27	1440-1600 hrs
Grade "A"			
Royals 28	vs	Tarangau 32	1615-1740 hrs
Game officials - Bay Eels and United			

Sunday April 17, 1994.

Grade U/21			
Bay Eels 28	vs	United 16	1300-1420 hrs
Grade "B" (Reserve)			
Bay Eels 24	vs	United 12	1440-1600 hrs
Grade "A"			
Bay Eels 26	vs	United 24	1615-1740 hrs
Game officials - Royals and Tarangau with Association officials			
Have a good game and may the best team wins.			

Saturday April 23, 1994.

#### Game Two Round One

Grade U/21			
Bay Eels	vs	Royals	1300-1420 hrs
Grade "B" (Reserve)			
Bay Eels	vs	Royals	1440-1600 hrs
Grade "A"			
Bay Eels	vs	Royals	1615-1740 hrs
Game officials Tarangau and United			

Sunday April 24, 1994.

Grade U/21			
United	vs	Tarangau	1300-1420 hrs
Grade "B" (Reserve)			
United	vs	Tarangau	1440-1600 hrs
Grade "A"			
United	vs	Tarangau	1615-1740 hrs
Game officials - Bay eels and Royals with Association Officials.			
Have a good game and may the best team wins.			

### LAE RUGBY LEAGUE WESTPAC BANK MIDWEEK COMPETITION DRAWS

#### POOLS

A	B
Brothers	Tigers
Tarangau	Royals
United	Panthers
Spiders	Defence

Week 1 Pool A Round 1  
Wednesday April 20, 1994

Brothers vs Tarangau

Week 2 Pool B Round 1  
Wednesday April 27, 1994

Tigers vs Royals

Week 3 Pool A Round 1  
Wednesday May 4, 1994

United vs Spiders

Week 4 Pool B Round 1  
Wednesday May 11, 1994

Panthers vs Defence

Week 5 Pool A Round 2  
Wednesday May 18, 1994

Brothers vs United

Week 6 Pool B Round 2  
Wednesday May 25, 1994

Tigers vs Panthers

Week 7 Pool A Round 2  
Wednesday June 1, 1994

Tarangau vs Spiders

Week 8 Pool B Round 2  
Wednesday June 8, 1994

Royals vs Defence

Week 9 Pool A Round 3  
Wednesday June 15, 1994

Brothers vs Spiders

Week 10 Pool B Round 3  
Wednesday June 22, 1994

Tigers vs Defence

Week 11 Pool A Round 3  
Wednesday June 29, 1994

Tarangau vs United

Week 12 Pool B Round 3  
Wednesday July 6, 1994

Royals vs Panthers

Finals Sunday July 17, 1994.

### SP INTER-CITY CUP DRAW Week 7 (24/04/94)

Goroka	vs	Lae
Kundiwa	vs	Mendi
P/Moresby	vs	Madang
M/Hagen	vs	Rabaul

#### Results:

M/Hagen	def	Madang	36-20
P/Moresby	def	Lae	32-16
Rabaul	def	Kundiwa	18-6
Mendi	def	Goroka	22-12



# Ol nupela tim i paia nau long Banz

OL nupela tim long Banz Lig Resis i wok long bagarapim sindaun bilong ol olupela tim. Long wik i go pinis ol OK Raiders i bin mekim stret KNK United na long last wik narapela nupela tim Jack Alne Jets i rausim trausis bilong GS Magani.

Ol lain kandere bilong narapela hap boda bilong Wagi na Simbu. Jets bilong Nondugul i kirapim paia stret na holim ol Magani long kain stail pilai bilong ol i go long last minit na pilai antap long ol 9-6 long pultaim.

Kepten na Senta

bilong Jets Karpal Polong yet i bin i go pas long dispela pilai bilong ol. Pilai i kamap strong long tupela sait wantaim. Bihain long 20 minit samting ol Jets i kamapim wanpela gutpela pilai tru na Kapal Polong i go pundaun stap long lain

tasol kik i no go insait. Ol Magani i lukim olsem na stretim pilai bilong ol na Ding Kur i sait step i go putim wanpela trai.

Kik bilong ol i go insait na Magani i go pas 6-4. Faiv minit bilong namba wan hap i stap yet na Karpal

Polong bilong Jets gen i putim wanpela fil gol na ol skoa i sanap Magani 6 na Jets 5.

Long namba tu hap, das i kamap long tupela sait wantaim. Paia i lait stret taim Magani i go pas long 1 poin na Jets i tingting long abrusim dispela. Ol fowat bilong Jets Joe Kumu, Mark Gusamp na Thomas Alsi i traim brukim banis bilong Magani, na ol i kisim gutpela sapot pilai long Dami Kongo, Bernard Apal, Akin Waine na Karpal Polong tasol banis bilong Magani i strong yet.

Long Magani Peter

Singal, Dar Monye, Paul Ju, Ding Kur na Peter Angelye i go pas long lukautim dispela strongpela pilai bilong ol. Ol Magani tu i bekim pas long traim brukim banis bilong ol Jets taim ol i kisim bal tasol wankain pasin i kamap. Ol lain kandere bilong Nondugul i kamapim wankain strongpela simen banis. Dispela kain pasin bilong pilai i kamap na tru tumas paia i lait tru.

Maski i bin i gat bikpela ren long nait na pilai graun i bin malmalum. Pilai i stap long namel yet i go inap 10 minit bipo long fultaim

na ol Jets i putim arapela trai.

Long liklik taim i lep yet ol i strongim banis olgeta na long futaim ol Jets i plai antap long Magani 9-6.

Long narapela samting long Banz Lig, em presiden bilong Banz lig yet John Harris i bin tokaut pinis olsem Banz bai makim wanpela tim bilong ol senia na wanpela junia long pilai long Hailan Zone Resis. Ol senia bai pilai long May 1 long Kundiawa wantaim Minj.

Presiden i tok em bai tokaut long nem bilong ol pilai na ol opisal neks wik.



• Sumkar Open member, Peter Yama wantaim ol menesa na kos bilong ol Eagles I sindaun bel isi long Smuggles Inn bihain tasol long ol i winim ol Trotters 36-20 long Sande avinun.



• Felix Hurae bilong West wantaim bal i kisim taim long graun taim ol Kone Tigers pilai i takelim em. Tasol i no em tasol. Wanpela Kone Tigers pilai tu i kisim taim long graun. Tupela i dro 26-26.



• Ol pilai bilong Madang I daunim gut tru strongpela man bilong ol Hagen Max Tiri. Ignatius Duma na Rex Apoka i sanap tu long salt. Foto: Beverly Waiman.

## Royals bagarapim driman bilong Brothers

DRIMAN bilong Brothers long winim olgeta divisen bilong Vanimo Ragbi Lig i bin popaia taim Royals i bin bagarapim dispela driman.

Brothers i bin winim tupela gem long Anda 19 na Risev gret taim ol i bungim Royals. Tasol long bikpela pilai bilong A gret, ol blu flais mangi i wilwilim stret long 46-16.

Ol Bothers i no winim wanpela pilai long stat bilong sisen propa i kam inap nau na i luk olsem ol i stat tasol long pilai Ragbi taim Royals i mekim save long ol. Ol Royals i bin pilaim bal i go kam na karim i go insait long mak bilong Brothers husat i no nap long stopim ol long putim trai.

Long 12 minit tasol bilong pilai, Brothers i mekim wanpela liklik

long arere long trai lain bilong ol yet na winga bilong Royals Clement Opiba i kisim dispela bal na silip antap long trai lain. Liklik bilong Aquila Emil, Albert Emil i no kikim bal gut na Brothers i go pas long 4 poin.

Pilai i ron long namba wan hap i go tasol ol Brothers i mekim planti asua na i no holim gut bal, i no takel gut na tromoi bal nabaut.

Long 24 minit, Royals i go raun gen long trai lain bilong Brothers. Man husat i go raun em lok fowat Thomas Kwanteky. Emil i kikim gut na Royals i go pas long 10-0. Ol Brothers i traim hat tru long brukim banis bilong ol Royals bihain tasol long dispela trai tasol ol i painim taim.

Tasol Royals i no givim wanpela sans long ol liklik. Ol i go het long putim tripela

moa trai. Na long hap taim, skoa i sanap olsem 24-0.

Long namba tu hap, kosa bilong ol Brothers Mark Martin i tokim ol pilai olsem ol i mas yusim ol fowat bilong ol long brukim banis na ol beklain i ken kisim sans long skoa. Dispela toktok bilong em i bin karim kaikai long namba tu hap.

Taim pilai i stat tasol gen, Opiba i go gen long trai lain wantaim namba tu trai na surikim skoa i go antap olgeta long 30-0. I no long taim gen Royals i sko gen ha apim i go antap long 36-0.

Brothers i kirapim pilai bilong ol long las 15 mint bilong pilai na putim tripela trai na Royals i putim tupela moa long bringim skoa i go antap long 42-16 na Royals i winim dispela pilai.



John Pasingan bilong Mt Hagen Eagles i sowim kain stail kik bilong em i mekim planti manmeri i ai gris long Madang. Foto: Beverly Waiman.



# East i kirapim das long Wewak

**FUZO PAUL i raitim**

RAGBI sisen bilong dispela yia long Wewak i stat las wiken. Na ol King bilong Wewak ragbi lig, Royals i kisim bikipela bagarap stret taim nupela tim East i memeim ol long Sande apinun.

East i bagarapim sindaun bilong Royals na salim tok lukaut i go long ol arapela tim olsem East bai i no inap givim sans long ol long winim em.

Royals i bin winim tupela gren fainal long tupela yia i go pinis. Tasol long stat bilong sisen bilong dispela yia, Royals i no strong na East i winim ol wan sait stret.

Ol ragbi sapota na tu ol arapela manmeri na

pikinini i bin pulap tru long Pora Oval long lukim Royals na East i soim strong bilong tupela. Long dispela gem, ol boi bilong East i no givim sans long ol Royals. Nogat tru stret. Ol i putim kamap wanpela gutpela na strongpela 80 minit futbal na daunim Royals 26-2.

Long namba wan hap bilong pilai, tupela tim wantaim i pilai strong tru. Tasol beklain na difens bilong ol blu bois i no strong tumas na winga bilong East, Nason i flai olsem wanpela wel kana bilong solwara i go na pundaun long trai lain long kona na putim namba wan trai bilong East.

Ol Royals i belhat na traim hat tru long bekim dispela trai

bilong East. Tasol kain stail takol na difens bilong ol boi East i mekim na ol plisman i painim hat tru long brukim beklain banis bilong East.

Wanpela gutpela pilai bilong East, Alex Anis i go pas long fowat lain na brukim banis bilong Royals. Na ol boi bilong em i wokabaut isi tasol i go na putim trai. Hapbek bilong East i kisim kik na apim skoa bilong East i go antap. Long pinis bilong namba wan hap, East i gat 10 poin na Royals 0.

Long namba tu hap bilong pilai, ol boi Royals i pilai strong tru. Tasol han bilong ol i wel na ol i no holim gut bal na bal i pundaun klostu klostu. Dispela i givim sans i go long

East long putim moa trai na hapim skoa bilong ol i go antap. Ol fowat bilong East i no slek. Ol bun na masol bilong ol i tait yet na ol i mekim save long brukim banis bilong Royals klostu klostu. Royals i asua na refiri i givim wanpela penelti go long East arere tasol long trai lain bilong Royals. Kik i go insait na hapim skoa bilong East i go antap long 12 na Royals 0.

Ol fowat bilong East i go het yet long brukim banis bilong Royals na i no longtaim, namba 8 bilong East, Aba Deburu i pundaun antap gen long trai lain bilong Royals na bringim skoa i go antap long 16. Kik i go konvesen kik i go insait na skoa i surik i

go antap long 16. Bihain long dispela trai, ol East i putim gen wanpela trai na surikim gen skoa i go antap long 20. Konvesen kik i no go insait. Bihain long dispela traim bilong ol, ol East i asua liklik na refiri i givim wanpela penelti go long Royals. Dispela penelti kik i go insait na Royals i putim tupela poin antap long skoa bod bilong ol.

Klostu long pinis bilong namba tu hap, kosa bilong East, Roy Heni i putim las trai na hapim skoa bilong East i go antap long 24. Lek bilong Linus Nubuk i no abrus na bal i go insait taim em i kikim konvesen kik. Dispela tupela poin i surik skoa bilong East i go antap long 26 na Royals 2.



• Tupela pilai bilong Magani i redi tasol long sutim nus bilong dispela Royals pilai long graun sapos em i holim bal. Bikipela pilai tru i bin kamap namel long Royals na Magani long las wiken. Tasol Royals i strong moa na winim Magani long Mosbi Ragbi Lig resis. Na long liklik poto long daunbilo em i soim kain stail bilong Ragbi Lig resis long Goroka. Ples i gat planti graun tasol ol mangi Nokondi i no save warl. Ragbi em bun bilong ol ya.



## Helpim save kam tu long ol Esia

PLANTI manmeri i no save amamas tumas long lukim ol Esia man na meri i kam long Papua Niugini. Na dispela i mekim ol politisen na ol bisnisan i bel kaskas nogut tru. Tasol ol Esia man na meri i kam i bringim planti wok na ol sevis i kam long yumi.

Dispela em ol hap toktok i kam long wanpela olpela Kumul pilai na A gret kosa bilong Tigers Ragbi Lig klap long Goroka Noah Andy.


Andy i mekim dispela

toktok bihain long tim bilong em i kisim ol karamap yunifom inap long K2,800 long wanpela mausman bilong wanpela bikipela Esia kampani long Goroka. Na dispela stua ya em Bingtangor Trading husat i helpim ol long las wik Fonde.

Andy i tok olsem planti bisnisan insait long kantri i save laikim ragbi lig tasol ol yet i no save traim long tingting na helpim liklik.

Em i tok olsem sampela bisnisan i no save laik lukim ol Esia

IN  
**FOCUS**  
with



**FRANCIS ULLAU**

### No ken tingting krangi

Bihain tasol long Mosbi Vipers i lus long pilai bilong ol wantaim Mendi Muruks, planti kain kain toktok i kamap.

Bikos no gat man inap bilip olsem Mendi Muruks bai winim Vipers long kain bikipela skoa olsem. Mekim na kain kain tok kros, bel hevi na ol hait toktok i kamap.

Wankain samting tu i bin kamap taim ol lain Kalibobo Globetrotters bilong Madang i kamapim bikipela pret long sempion tim bilong las yia, Goroka Lahanis.

Ol dispela toktok i kamap bikos dispela tupela tim i gat bikipela bilip long ol yet. Ol i ting olsem no gat wanpela arapela tim bai inap winim ol. Na long kain senta olsem Madang long kamapim pret, em i planti tumas na i mas gat as bilong en.

Yesa! I gat as bilong dispela i stap. Na wanpela klia as bilong dispela em Madang i givim ol yet na olgeta tingting bilong ol long pilai ragbi lig. Long wankain taim, dispela pilai i kamap long asgraun bilong ol yet. Na ol i save gut tru long pilai graun.

Ating i mobeta olsem yumi Papua Niugini sapota bilong ragbi lig na ol bikman bilong ragbi lig i mas lusim dispela kain pasin nau. Bikos kain rabis tingting bilong daunim tumas ol arapela i no gutpela.

Lukim wanem samting i kamap long las wiken Inta Siti ragbi lig resis. Yumi mas amamas olsem ragbi lig i wok long kamap bikipela insait long kantri. Ol liklik senta nau inap givim strongpela salens long ol bikipela senta.

Long wanem samting i kamap pinis i kam inap nau em namba 5 raun bilong Inta Siti resis, mi gat bikipela bilip olsem wanpela liklik senta bai go insait long gren fainal. Na i no tupela nem senta olsem Goroka o Mosbi.

Dispela tupela senta bai go insait long ol fainal sapos kain tingting nau ol i gat bilong win tasol i pinis na ol i tingting moa long kain stail bilong ol long pilai.

Long wankain taim, em i gutpela olsem ol liklik senta i kamapim pret bikos dispela bai mekim ol pilai bilong ol bikipela senta i givim ol yet moa long ragbi lig.

Orait nau long dispela wik stat long tumora, ol gutpela pilai bai kamap long Goroka na Mosbi. Long lukluk bilong mi, ol dispela pilai bai tokaut, long husat ol tim bai go insait long gren fainal,

man na meri. Tasol ol i nogat tingting olsem ol dispela lain bai helpim mipela long ol kain kain liklik samting nabaut.

Andy i tok olsem long wanpela grup bilong ol yangpela man long go sanap long ol kampani na askim ol long sampela sponsa i no isi tumas. Em i wanpela hatpela wok tru.

"Mipela i bin go long ol sampela bisnis haus bilong ol man PNG yet tasol ol i no bin givim mipela gutpela bekim. Tasol taim mipela i go long Bingtangor Trad-

ing, ol i tok yesa tasol long mipela." Andy i tok

Andy i tok olsem dispela stua i no save givim sevis tasol long ol pipel bilong Goroka. Taim em i kam insait long mekim wok long 4-pela yia i go pinis, em i givim bikipela helpim tru long ol planti spot insait long provins.

Andy i tok olsem bikipela amamas bilong ol tru i go long menesmen bilong dispela stua long givim ol sapot.





•Winga bilong Paga I nogat rot bilong go taim ol West I stopim em. Dispela em long las tupela wik I go pinis taim ol Paga I bin nekim West long 18-16. Las wik, Paga i winim ol Hawks long 32-14 na West I dro wantaim Kone 26-26.



•Plisman pawa. Dispela bikpela fowat bilong Royals i bin painim trai lain long skoa tasol nogat, narapela pilaia bilong Magani i pulim em I kam bek gen. Royals I win.




•Wallya A gret tim long Mosbi I gat nem long pilal long taim bilong ren. Liklik ren sapos i pundaun bai yu lukim ol i mekim save long ol narapela tim. Poto I soim pilal bilong ol egensim Souths long wik I go pinis.



•Pawa man bilong Paga Kalbel Kanaka em i wanpela Kumul pilaia tu. Em i bin kamapim ol strongpela ron bilong em long helpim Paga I winim West. Walter Taule namba 7 bilong West I redi tasol long daunim Kanaka.





•Fowat kaikalm ol fowat. Ol fowat bilong Paga i bung wantaim long traim daunim narapela fowat bilong West. Paga i go pas nau long lata bilong Mosbi bihain long ol I wok long win tasol.



•Kain ol stall bilong ol beklain bilong ol West I save helpim ol long winim planti pilal. West I gat wanpela gutpela beklain long Mosbi resis we I save kirapim das oigeta wiken. Tasol las wiken ol I no strong na ol I dro wantaim Kone long 26-26.





LEFT: Allan Langer lines up the pass for Julian O'Neill as the Broncos attack again in the match with Penrith. ABOVE: Congratulations for John Plath as Brisbane score. BOTTOM: Kerrod Walters, back to his best, swings a pass away. Photos: ROSS HANSON, JOHN ELLIOTT COL WHELAN, ROB COX.

# HOT BRONCOS

## 'ON THE ROAD AGAIN'

WHEN the rock group U2 appeared at ANZ Stadium last November, two of their keenest fans - Michael Hancock and Willie Carne - were unable to attend; even though they had tickets.

That day lanky Broncos fullback Paul Hauff was married. Carne was his best man and Hancock was among the guests, and celebrating with their big mate was much more important to the Test wingers.

Last Sunday U2 weren't at the stadium, and the crowd of 44,511 was a tad smaller than the estimated 80,000 there back in November. But Hauff, Carne and Hancock were acclaimed every bit as much as the Irish rock group had been give months earlier.

Together the trio scored six of the Broncos' seven tries in their back-to-form 37-6 win over Penrith. And in the majority of the tries, the massive crowd stood and applauded the feats of the local.

But the biggest cheer of the day was reserved for Hauff, the much-maligned former Test fullback, who scored a trademark try 20 seconds before halftime. The big man latched onto a clearing kick from Penrith about 30 metres out, ripped between two grasping defenders and outsped the cover to score between the posts.

"Apart from our return to form, that's the second thing about today that got me excited," said coach Wayne Bennett.

"Hauffy's had a tough time of it lately, and

it was great to see him bounce back. His confidence has been growing gradually and that try showed he's back to his best.

"The crowd loved it, and so did I."

Hancock, too, has been doing it tough lately. Contract negotiations with the club have not been to his liking, and the off-field pressure has pre-occupied the 10-Test winger.

The smooth-as-silk Carne though, had little to prove to anyone. He remains the best winger in the game, and last Sunday's effort was among his best.

In fact it was Willie's day in more ways than one, with country legend Willie Nelson making a special trip from Adelaide to perform three songs for the local supporters, including his trademark "On the Road Again".


And it was as though the gravelly voice was telling the Broncos something, because they finally appeared to be in title defence mode. It was one step further down the road after their 32-point drubbing of Easts in the previous round.

Not since the grand final last year have Brisbane produced the kind of form they displayed against the Panthers. In just on 30 minutes mid-game, they piled on five tries to rip Penrith apart.


Many had fancied the Panthers to challenge strongly for the title in September, so the win was highly significant.







RIGHT: Tim Brasher's high-flying acrobatics weren't enough to save Balmain against Easts. ABOVE: Newcastle's Andrew Johns dares Terry Lamb to catch him in the Newcastle-Canterbury game.



LEFT: Canberra's Steve Walters clears out against Illawarra. ABOVE: Brad Meckay, all tensed up against Parramatta. RIGHT: Mario Fenech on the charge for Norths against Gold Coast.







• Noken ting emPele i salensim Maradona. Dispela em tupela lik-lik sumatin husta i save pilal long skulbois soka resis long Mosbi.



• Magani A Gret ragbi lig tim husat i save pilal long Mosbi Winfield Lig resis. Oi pilala i sanap wantaim kosa, tim menesa na oi trena bilong ol. Magani i wanpela strongpela tim long Mosbi tasol ol i mas winim planti moa pilal bilong oi sapos ol i laik stap long resis yet.



• Pilala bilong Hawks i painim 6 rot bilong em taim ol mangi Paga i kamap na wiliwili em long graun. Paga i winim Hawks 42-32 long las 5 minit tasol bilong Mosbi Ragbi Lig resis.



• Winga bilong Paga i popala pinis long han bilong ol Mangi West. Tasol ol West i no strong long dispela pilal na Paga i rausim trausis bilong ol long 18-16 long tupela wik i go pinis. Long las wik, West i dro gen wantaim Kone Tigers long Mosbi Ragbi Lig resis



• Tupela pilala bilong Karai i kism gut mak long sutim bal i go insait long ring Netbal resis bilong Mosbi long las wiken. Karai i winim BB Kings long 24-11 Poto: Jack Ami



• Merl Raukele ya i kalap antap stret long traun na sutim ring bilong ol Rebels tasol em i no sutim stret na Rebels i nekim ol long 30-22 long Mosbi Netbal resis. Poto: Jack Ami



PORT MORESBY SCHOOLS SOCCER ASSOCIATION - 1994 Season

Venue: Sir John Guise Stadium Date: Saturday, 23/04/94

Table listing soccer matches for various age groups (Under 7's to Under 16/17) and minor league games. Columns include Time, Teams, Round, and Match No.

CENTRAL DISTRICT RULES FOOTBALL LEAGUE Community Schools 1994 Junior Rules Football Competition - Murray Barracks

U/13 and U/15 grade - Round 1 Saturday 23/4/94

Table listing football matches for U/13 and U/15 grades. Columns include Time, Grade, Teams, and Match No.

Umpires: F. Aikung, J. Sangga, K. Lalaivaina, A. Peter, A. Kolako, M. Cobern. NOTE: Annual General Meeting next Tuesday 26 April PNG Sports Commission, Waigani.

PORT MORESBY BANKERS VOLLEYBALL ASSOCIATION MENS & WOMENS (Draws Round 2)

Sun 24/04/94 Game 3 (Women)

Table listing volleyball matches for women. Columns include Time, Fixture, and Opponent.

Game 3 (Men)

Table listing volleyball matches for men. Columns include Time, Fixture, and Opponent.

POPONDETTA SOCCER ASSOCIATION Draws for Round 1 Game 6

Saturday 23/4/94

Table listing soccer matches for Saturday 23/4/94. Columns include Team, Division, Time, and Ground.

Table listing soccer matches for Sunday 24/4/94. Columns include Team, Division, Time, and Ground.

Sunday 24/4/94

Table listing soccer matches for Sunday 24/4/94. Columns include Team, Division, Time, and Ground.

LAE NETBALL ASSOCIATION DRAW SATURDAY APRIL 23, 1994 VENUE: SIR IGNATIUS KILAGE STADIUM

Table listing netball matches. Columns include Time, Teams, Court, and Grade.

\*TYG Division 1 on bye

PORT MORESBY KAIMARE SPORT ASSOCIATION SIR HUBERT MURRAY STADIUM (Basketball Competition - Draws Round 1 Game 4)

Sat 23/04/94

Table listing basketball matches for Saturday 23/04/94. Columns include Teams, Time, and Score.

Women "B"

Table listing basketball matches for Women "B". Columns include Teams, Time, and Score.

Men "A"

Table listing basketball matches for Men "A". Columns include Teams, Time, and Score.

Women "A"

Table listing basketball matches for Women "A". Columns include Teams, Time, and Score.

AFL GAMES DRAW (ROUND FIVE)

Table listing AFL games for Round Five. Columns include Time, Teams, and Venue.

NCD RULES DRAW (ROUND 1)

Saturday, April 23, 1994.

Table listing NCD Rules Draw matches for Saturday 23/4/94. Columns include Time, Teams, Vs, Teams, Grade, and Oval.

Sunday, April 24, 1994.

Table listing NCD Rules Draw matches for Sunday 24/4/94. Columns include Time, Teams, Vs, Teams, Grade, and Oval.

Saturday, April 23, 1994.

Table listing NCD Rules Draw matches for Saturday 23/4/94. Columns include Time, Teams, Vs, Teams, Grade, and Oval.

KOBIK SPORTS ASSOCIATION DRAWS AND LADDER PRE-SEASON

Table listing sports association draws. Columns include Soka Tims, G/P, W, L, D, G/F, G/A, Pts, and Plc.

Table listing basketball draws. Columns include Soka Tims, G/P, W, L, D, G/F, G/A, Pts, and Plc.

Table listing Soka Taim draws. Columns include Time, Teams, Vs, Teams, Div.

Table listing basketball draws. Columns include Soka Taim, Time, Teams, Vs, Teams, Div.

NCDC VOLLEYBALL ASSOCIATION 1994 SEASON PROPER DRAWS ROUND ONE

Venue: Sir John Guise indoor hall Date: 23/4/94

Womens division

Table listing volleyball draws for women's division. Columns include Time, Court, Teams, Grade, and Officials.

Court 2

Table listing volleyball draws for Court 2. Columns include Time, Teams, Vs, Teams, Grade, and Officials.

Court 3 Womens/Mens reserve grades

Table listing volleyball draws for Court 3. Columns include Time, Teams, Vs, Teams, Grade, and Officials.

PORT MORESBY SOCCER ASSOCIATION 11-A-SIDE KNOCKOUT - DRAW SEMI FINALS & FINAL

Saturday 23/04/94

Table listing soccer knockout draws for Saturday 23/04/94. Columns include Time, Teams, Vs, Teams.

Sunday 24/4/94

Table listing soccer knockout draws for Sunday 24/4/94. Columns include Time, Teams, Vs, Teams.

Women

Table listing soccer knockout draws for women. Columns include Time, Teams, Vs, Teams.


Sunday 24/4/94

Table listing soccer knockout draws for Sunday 24/4/94. Columns include Time, Teams, Vs, Teams.





•Tupela senta bilong West Stanley Posa (banis long lek) na poroman bilong em I kalabusim winga bilong Kone husat i kisim taim stret. Tasol laki bilong em tru na Posa i no holim dispela bal. West na Kone i dro long las wik 26-26.



• Oi Susa ya bilong Raukele na Rebels I taitim bun stret long pilal long las wik Sarere. Pilala bilong Rebels ya i redi tasol long pasim bal I go long poro bilong em. Rebels i win 30-22. Poto: Jack Ami



• Phillip Boge husat I save pilaim fulbek bilong Vipers na Kumuls I rausim wangepala bal I go outsait bipo long ol I takelim em. Boge i bin pilal prop bilong Hawks long las wik. Paga i winim ol 42-32 long Mosbi Lig resis.



•Dua i pas. Pilala bilong West i nogat rot bilong go taim brata ya bilong Kone Tigers i stopim em long ron na narapela poro bilong em I kam long helpim em. Tupela tim i dro 26-26.



• Long lephan em Veronica Weaing bilong Raukels na antap em Jan Wadi bilong Raukele na Iga Laharia bilong Rebels. Poto: Jack Ami



•Soka resis long planti hap bilong kantri I stap long stat bilong sisen tasol. Na dispela i wankain long Mosbi tu. Dispela em ol soka pilal bilong Mosbi long las wiken. Poto: Joe Maesare





•Ol sumatin bilong ol komyuniti skul long Mosbi i save hatim skin long olgeta wiken long skulbol soka resis long Sir John Galus Stadium. Pilai ya i wok long kamap bikpela tru na planti moa skul insait long ol provins bai kirapim bek dispela resis.



• Mosbi Soka resis i kamap strong tru nau bihain tasol long ol i statim tru sisen propa. Na dispela kain stall bilong ol mangli Mosbi i save mekim na ol i stap yet olsem nambawan senta long PNG em ol narapela tim long PNG i mas traim long rausim.



## Not Solomons askim long glasim gen ol boksen lo

NAMBA TU presiden bilong Not Solomons Boksen Asosiesen, Aloysius Sohaga i tok olsem pilai long Papua Niugini em i no kamap gut.

Em i tok, bikpela opis long Papua Niugini nau i mas lukluk strong na glasim gut gen ol polisi o lo bilong ol, na save gut long yusim long taim ol i mekim ol tingting bilong ol long bikpela long kantri.

Sohaga i tokim Wantok olsem em i lukim

olsem, Yunien i no save glasim gut ol toktok na ol tingting pastaim ol i mekim ol seleksen o makim ol boksa man i go bilong ol bikpela pilai long kantri o long ol narapela kantri.

Kain pasin olsem i no save kamapim gut pait pilai long kantri, na planti taim ol boksa i go long ol bikpela pilai long ovasis, ol i no save winim wanpela medol.

Namba tu presiden i tok, em i laik bai Spot

Kaunsol long kantri i kisim wok bilong makim ol man i go long ol pilai o i mas gat pawa bilong givim laspela tingting bilong en long sapos komiti i makim ol boksa i bin mekim gutpela wok long makim ol boksa o nogat.

Em i sutim tok i go long Union long em i no mekim samting lont stretim ol wok bilong opis bilong em.

Mr Sohaga i singaut i go tu long tupela bik-

man em Mista Peter Pekali na Bernard Fong long tingting strong moa long helpim Not Solomons Boksen Asosiesen long wanem ol i gat 14 memba klap olgeta insait long asosiesen na planti taim komiti bilong makim ol boksa i no tingting gut tumas na makim sampela gutpela paitman bilong Not Solomons.

Em i tok, i gat tupela boksen komiti i bin makim long Not Solomons, tasol ol i no

winim samting, olsem na dispela i no kamap gut.

Sohaga i tok moa olsem sapos yunien i no stretim gut ol wari i stap long pasin bilong makim ol boksa, asosiesen bilong Not Solomons bai lusim yunien na stap em yet.

Em i tok long taim yunien i mekim ol tingting bilong makim ol man, em i mas singautim ol mausman bilong Not Solomons, na tu Not Solomons i mas stap long komiti.

*Bal i kam nau...!*  
luk olsem susa ya i toksave long ol pilala bilong em long redi long kisim bal. Dispela em long Mosbi Netbal resis. Na long Ralihan em Rebecca Kasu bilong Exodus i redi tasol long putim wanpela moa basket bilong ol egensim Air Niugini. Wanpilala bilong em Kairu Laho i redi tasol long helpim em. Exodus i win 42-17 long Mande nait pilai long Sir John Galus Stadium.



## Sohaga egensim ol boksa

NAMBA TU presiden bilong Not Solomons Boksen Asosiesen Aloysius Sohaga, i no amamas long pasin em PNG Boksen Yunien i bin mekim long salim ol boksa i go long ol bikpela pilai long dispela ya.

Em i tok wanpela boksa bilong Not Solomons Howard

Gerio, em wanpela i no kisim helpim bilong tupela kampani husat i bin givim spona long ol boksa bilong Bernard Fong na Peter Pekali.

Sohaga i tok em i no gutpela paitman long tupela bikman i wok long helpim ol boksa bilong ol tasol.

Em i askim Fong na Pekali long lukluk strong na glasim ol polisi bilong pasin bilong makim ol man tu, na kisim spona.

Not Solomons Boksen Asosiesen i memba pinis long PNG Boksen Yunien na ol i gat tok orait long kisim helpim long yunien, Mr Sohaga i tok.



# BFC holim yet pri sisen taitel

BFC SOKA klap insait long Wau i wok long holim yet pri sisen gren fainal taim ol i winim gen pilai long dispela yia long las wik Sande bihain long ol i bin rausim stret ol sumatin bilong Wau haikul, 1-0.

dispela pri sisen kap bilong Wau Soka Asosiesen. Win bilong ol i stat long 1989 inap long dispela yia, tasol long las yia ol i no bin pilai bikos ol i bin gat sampela hevi taim tupela pilaia bilong ol i dai.

i go pas long BFC soka klap i tok aut olsem ol sumatin bilong Wau Hai Skul inap tru long winim dispela pilai bikos ol i bin strongpela tim taim ol i bin putim up ol strongpela

banis long stapim ol strikers bilong BFC olsem, Jerry Song, Wesley Banabas na Johnny Seka long i no

ken pilai kaskas long ol.

Harvey i bin tokaut olsem, ol i bin winim dispela pilai bikos ol i gat sampela gutpela olpela pilai husait i bin pilai insait long Morobe Kantri tournament.

Ol i traim hat tru long stutim sampela gol long BFC tasol ol beklain bilong BFC i

wok hat tru long stopim ol sumatin na rausim ol gutpela sans bilong ol.

Olsem na insait long namba wan hap bilong pilai tupela timwantaim i kapsaltim ol tu hat taim i no gat narapela tim i bin sutim wanpela gol.

Insait long namaba tu hap bilong pilai wankain stori i kamap

we planti bilong ol sapota i slip long lukim wankain pilai.

Tasol sampela paul pilai i bin kamap long fas 10-pela minit bilong pilai na wanpela pilai bilong ol sumatin i bin bel kaskas na kikim wanpela pilai bilong BFC.


Olsem na senta referi Lesly Koima i givim

stret wanpela penalti kik long BFC. Na dispela na i givim sans long BFC we Jerry Song 1 givim boi long Wesley Banabas long kirapim umben bilong ol sumatin long 1 nil skoa.

Ol sumatin i traim hat tru long stutim wanpela bekim tasol i bin sot win tru insait dispela ten minit.

Na dispela em i namba 5 yia bilong BFC long holim strong

Insait long pilai bilong ol wantaim ol sumatin, Harvey Banabas husait



*Pawaman...Wanpela strongpela pilaia bilong Lae Bombers, Patrick Kiap i sindaun wantaim bal i stap. Long las wiken taim Mosbi Vipers i bungim Lae Bombers, Kiap i no bin pilai. Bikosol dokta i tok olsem skin bilong em i no orait yet long pilai.*

## Momase Kap fainal fiva long UPNG

KIK bilong Momase Kap resis long Yunivesiti bai pinis long dispela wiken pastaim long ol tim i go long fainal long tupela wik taim.

Olsem na long dispela wiken sampela tim bai traim winim pilai long painim ples long stap insait long fainal.

Bikpela pilai bilong dispela wiken bai stap namel long Morobe United na Madang United. Dispela tupela tim i save kamapim gutpela kik na dispela bai mekim ol sapota i amamas long lukim ol pilaia i mekim save long daunim birua tim.

Nau yet ol Wali bilong Madang i go pas long poin lata wantaim 18 poin. Bihain long ol em Wewak United, Morobe na Chauka dispela tripela tim i gat 15 poin.

Morobe bai kamapim

strongpela pilai long daunim salens em Madang bai putim. Straika bilong Morobe Rogana Mala long dispela wiken bai wok hat tru long sutim gol.

Em bai kisim helpim i kam long Rose Sau na tupela strongpela midfil pilaia Tembi Simongi na Getung Amoring.

Amoring husat i gat nem long givim "K1" long ol birua pilaia em wanpela man Madang i mas was gut long stapim. Kain stail tasol na ol sapota i save kolim em "Father K1" na dispela wiken em bai givim planti K1 long Madang sapos ol i no was gut long em.

Tasol Madang bai no inap larim Morobe long skoa na kisim 3 poin. Ol boi Madang i no laik larim ol arapela tim i kisim maina primiasip olsem na ol bai banisim gut umben.

Midfil bilong Madang i strong bikos ol i gat PNG intenesenel pilaia Joe Aisa. Aisa i save stiaim gut bal long midfil na dispela i save helpim ol. Man husat bai helpim Aisa em Paul Igag, tupela i mas setim tupela strai-ka Paul Karambi na Dalos Umul.

Beklain bilong Madang tu i save strong tru na ol birua i save painim hat long brukim banis. Man bilong bosim beklain bilong Madang long dispela wiken em Manuel Tatau. Em bai traim long stapim ol strongpela kik bilong Mala na Amoring.

I luk olsem Madang tu bai painim hat long skoa bikos ol boi Morobe i pasim tok pinis long winim dispela pilai. Olsem na fulbek bilong Morobe Willie Bawasu na

Michael Kalep bai sambai oltaim long stapim ol fowat bilong Madang.


Narapela strongpela pilai bai stap namel long Chauka na Wewak United. Tupela tim i gat 15 poin na tupela bai kik strong tru long daunim arapela. Chauka i gat gutpela stail bilong pilai na ol inap daunim Wewak.

Tasol ol boi Manus i mas was gut long ol manki Wewak bikos ol tu i gat stail bilong kik na ol inap sutim gol.

Sapos Wewak i gat bikpela tingting long win kepten i mas skulim sampela ol pilaia bilong em husat i save kamapim karangi kik. Dispela kain kik bai stapim sans bilong Wewak long win sapos ol i no mekim sampela senis pastaim long kik.



*Stail bilong ol yangpela...Pilai soka insait long Papua Niugini i wok long kamap strong tru nau. Na long Mosbi, resis namel long ol yangpela pikinini bilong ol komyuniti skul i kamap moa moa yet. Long olgeta wiken, ol yangpela i mas kamap long Sir John Guise stadium bilong tromoi lek. Na dispela i bihainim tingting bilong Spot Komisen long kirapim ol kain kain pilai long mak bilong ol junia i go antap. Na dispela kain rot bai inap kamapim ol gutpela spotman na meri bilong kantri long taim bihain.*



*Bal go we...Dispela pilaia bilong Mosbi soka resis i kisim bal na suvim i go anihit Ing lek bilong em. Tasol bihain i luk olsem em yet i paul gen long bal i go we tru. Em nau, stail bilong ol bolros bilong Mosbi.*



**BANZ RUGBY FOOTBALL LEAGUE  
Weekend Draws**

**Saturday, 23/04/94**

Fixture	Division:
Raiders vs Royals	U17
Jets vs Hawks	U17
Raiders vs Royals	Res.
Jets vs Hawks	Res.
Raiders vs Royals	A
Jets vs Hawks	A
Bye United	

**Sunday, 24/04/94**

Tarangau vs Magani	U17
Brother vs Wests	U17
Tarangau vs Magani	Res.
Brothers vs Wests	Res.
Tarangau vs Magani	A
Brothers vs Wests	A

# Westpac bosim Lae soka resis

**PETER BIMARI i raitim**

WESTPAC i go pas yet long soka resis bilong ol man long Lae siti long lig divisen. Las wiken long Sarere Epril 16, em i winim narapela gem bilong em.

Ol boi Westpac i winim Jaura 4-3 long wanpela strongpela gem stret. Bikos ol boi Jaura i kamautim olgeta stail, na i no givim isi sans long Westpac long winim ol.

Westpac i laki long winim dispela gem long namba tu hap bilong pilai. Bikos ol i strongim gem long namel bilong fil wantaim ol midfil pilaia bilong ol, husat i bin tilim gut bal i go i kam long ol wan pilaia.

Ol straika o pilaia bilong kisim gol i go insait long umben olsem Pole Baso, Frank Bibi na Simon Api i soim gen olsem pawa bilong Westpac i stap long han bilong ol.

Dispela gutpela pilai bilong ol i pusim Westpac i go antap moa long poin lada nau.

Baso kisim namba wan gol long 39 minit bilong pilai. Gol ya em i kisim longwe yet na i kam go insait long umben.

Tasol dispela i no pretim ol pilaia bilong Jaura. Ol i soim ol sapota olsem ol tu i gat stail. Bikos fulbek bilong ol i kam na skoarim tripela kwik gol.

Ol gol ya i kam long lek bilong Oriwa Rex, Boby Nuna na Roger Dopegi long stail we stret.

Tasol bipo long hap taim, Westpac paia i kam na skoarim wanpela gol na ran bihain long Jaura, 1-3.

Long namba tu hap bilong pilai, ol boi Jaura i nogat sans stret. Rot bilong ol long skoa i pas tasol.

Mekim na ol boi Westpac i paiarim narapela tripela gol na winim dispela gem 4-3.

Planti sapota i tok dispela i bin wanpela gutpela gem we ol i amamas stret long lukim kain kain stail.

## Ol gutpela pilai

Ol gutpela pilaia bilong Westpac long dispela gem em Baso, Bibi, Api na ol midfil pilaia olsem Zemo David, Betu Woiwoi, Jeffrey Allan na Thomas Devhapa.

Long sait bilong Jaura, fulbek Oriwa, Boby Numa na Roger Dopegi i pilai gut tru. Long gutpela gem na olgeta i kikim wanwan gol.

## Ol arapela gem

Mitif, Buresong, Saints na Nadzab i winim tu gem bilong ol long las wiken. Dispela em long resis bilong lig divisen.

Nupela tim long Lae soka resis em Saints. Ol i kamap wanpela strongpela tim nau wantaim gutpela stail bilong pilai. Bikos ol i nekim wanpela strongpela tim bilong Mopi, 2-1.

Nadzab i kam nau wantaim gutpela win egens Blu Kumuls, 3-2. Goro na PTC i dro 1-1. Olsem na tupela wantaim i kisim wanpela poin tasol long poin lata.



• Ol meri i haltim skin stret long Mosbi netbal resis long las wiken. Kain stail olsem bai kamap gen long dispela wiken.

## Lae skwat gat pawa - kosa Sami

i kam long pes 36

sampela i stap insait long PNG skwat.

Kosa Sami i tok em bai putim olgeta wok i go long han bilong ol fulbek na ol midfilda long pinisim olgeta ron bilong ol narapela tim husat i laik kam pilai kaskas long umben bilong ol. Dispela em i wanpela bikpela samting tru Sami i toktok long taim bilong trening.

Sami i tok olsem disiplin em i wanpela bikpela samting tru long taim bilong pilai. Na ol meri Lae i save gut tru pinis long dispela. Na ol bai no nap givim wanpela sans long ol arapela tim.

Lae bai kisim strongpela pilai tru i kam long Hagen o Wabeg. Bilong wanem ol i sempion bilong Hailens rijin. Tasol ol i no ken tingting olsem Wewak na Madang bai no inap givim ol strongpela pilai. Ol i mas redi tu long bungim ol susa ya.

Dispela em i nambawan taim tru bilong dispela kain tonamen long kamap. Long bipo ol i save holim bilong ol yet. Momase tonamen na Hailens tonamen. Lae em i sempion bilong Momase na Wabeg bilong Hailens.

Tasol Lae i gat strongpela na bikpela bilip tru olsem em bai winim olgeta arapela senta.



• Mosbi soka resis long Bisini graun i wok long pulim planti manmeri nau bikos resis i wok long kamap strong moa olsem tupela pilaia ya i soim long las wiken.

## Ol nem tim bungim hevi

SAMPELA nem tim insait long Mosbi ragbi lig resis i bungim hevi nau. Olsem na ol i no winim gem bilong ol. Bikos ol nem pilaia i no stap long strongim tim.

Sampela bilong ol dispela tim em West, Tarangau, Difens na sampela moa.

Tarangau i bin win gut

tru i kam. Tasol em i lusim tupela gem i go pinis. Ol yangpela pilaia i no inap long karim tim i go het. Ol nem pilaia olsem James Naipao, Elias Paiyo, Bill Kambaó, Ben Bire na Richard Wagambie i no stap.

Naipao, Paiyo na Kambao i stap insait

long Mosbi Vipers tim bilong SP Inta Siti Kap resis. Bire i stap pilai long Australia na Wagambie i pilai long Frans.

West husat winim gren fainal bilong las yia i lusim planti nem pilaia i go long ol arapela tim. Dispela em ol pilaia olsem Pei Matu,

Ralp Wagam, Michael Toivita, Obert Batia na Robert Muri.

Difens tu i lusim planti pilaia i stap insait nau long Mosbi Vipers tim. Olsem na em i lusim pinis sampela gem.


Planti sapota i tok kain pasin i no soim trupela strong resis long klap level.



• Yangpela boi ya i bihainim gut bal long Junia soka resis bilong ol skul manki long Mosbi.



# WANTOK SPOTS



pes 36

## Ol fes divisen tim i soim moa pawa

...gem kaunsil bai lukluk long apim ol go long primia

**JAMES KILA** i raitim

BIKPELA pret nau i kamap long Madang Soka Asosiesen. Bikos ol fes divisen tim i wok long bagarapim tru sindaun bilong ol primia tim. Wanpela ofisal bilong MSA, Bob Morris i tok ol fes divisen tim i wok long winim planti gem na dro wantaim ol strongpela primia tim bilong las yia. Morris i tok pilai bilong asosiesen i bin stat long tripela wik i go pinis. Na ol tim i bin pilai long DWI oval. Long lukluk bilong ol fes divisen tim insait long kompetisen i soim tru olsem ol i gat moa pawa long ol primia tim. Morris i tok olsem ol ofisel bilong MSA bai i lukluk nau long skelim wanem ol tim bai i go pilai long primia divisen resis. Nau yet pri sisen poin lata bilong MSA i soim tru olsem wanpela fes divisen tim i go pas tru. Dispela tim Diwai i no bin lusim wanpela gem bilong ol o dro. Long Pul A, Mimlon i wok long soim strong bilong ol. Tasol long lukluk bilong lata, Mimlon i bin dro tupela taim pinis. Morris i tok i gat bikpela bilip olsem Diwai bai pilaim Mimlon long fainal bilong pri sisen long dispela wiken. Diwai i go pas long Pul B divisen wantaim 10 poin, PX 6, Kalibobo Blues 6, Momase 5, Wagsfod 4 na Elcom 2. Primia tim Momase i gat PNG golkipa, Carson Vic-

tor i pilai wantaim ol.


Kalibobo Blues i gat PNG straika, Tirimo Topio i pilai. Tasol pawa bilong Carson na Tirimo i no strong long daunim pawa bilong ol sumatin bilong Diwai. Long Pul A, Mimlon i go pas wantaim 10 poin, Nabasa 9, MTC 7, Watabag 6, PTC 1 na Jant 1. Morris i tok dispela poin lata i bin kamaut bihain long ol gem long Sande, Epril 17. Dispela kompetisen ol i bin ranim long raun-robin sistem i bin gat ol primia tim na fes divisen tim i pilai na ol i bin putim ol long tupela pul. Ol skoa bilong las wiken gem em, Suman winim Jant 1-0, Diwai rausim trausis bilong Wagsfod 1-0, Nabasa dro wantaim Watabag 0-0 na Elcom dro wantaim KBS 0-0. Long ol narapela gem long Sarere, Diwai i rausim trausis bilong KBS 4-1 na Sunam i dro wantaim MTC 0-0. Long Sande Momase i dro wantaim Watabag 0-0, MTC, wanpela fes divisen team i winim Watabag 2-1. Watabag em i tim bilong Chris Kuli husat i bin makim PNG long SP Gems las yia. Kuli i bin winim wanpela gol awot long Fair Play insait long kantri. Long ol narapela gem KBS i dro wantaim Wagsfod 1-1, Nabasa i winim PTC 1-0, Kalibobo Blues i winim Elcom 2-0, Mimlon i bagarapim sindaun bilong Jant 2-0 na PX i stopim pawa bilong Momase na ol i dro 2-2.



• Tupela nesanel pilala bilong Madang, Tirimo Topio bilong Kalibobo Blues (lephan) na Carson Victor bilong Momase husat i bin pilai insait long PNG tim long Vanuatu long Septemba, 1993. Nau yet tim bilong ol i wok long lus long ol fes divisen tim long Madang. Photo: James Kila

Printed and published by Anna Bernadette Solomon, of Bitten Place, Gordons, at Allotment 2, Section 209, Hohola.

### Gutwan Lae Buresong



• Long lephan i go long rait em (sanap) LFA Jenerel Seketeri James Gabi, LFA Tresera Misis Dessie J. Thomas, Buresong tim menesa Peter Seske, sponsa bilong klap Karl Tolg, klap presiden Nelson Wengiong, klap kosa Ricky Kondas na LFA sief eksekutiv John Peka. Ol lain i sindaun em ol namba wan 115 pilala bilong Buresong i soim bal em sponsa Tolec i balm na givim ol. Olpela intanesenel midfil pilala Kule Matu i sanap long lephan. Poto Peter Bimari.

## Lae skwat gat pawa - kosa Sami

OL Meri long Lae i no laikim wanpela moa samting long dispela wiken ol i laik winim tasol dispela Momase/ Hailens soka tonamen long Goroka wantaim stall. Long dispela as tasol na kosa Phaisa Sami i putim ol meri bilong Lae long strongpela trening tru long Mande i kam inap nau na, bai strongim ol tru long winim dispela tonamen. Na i nogat wanpela hevi i kamap long taim bilong trening. Bihain long ol i katim namba bilong ol

pilala, Lae skwat nau i gat 22 strongpela meri bilong rausim ol narapela tim long dispela resis. Na i gat tripela opisal bai go wantaim ol long dispela wiken long Goroka. Dispela skwat em i narakain tru long ol narapela. Bilong wanem i gat wanwan na ol bikpela na save pilala wantaim ol yangpela resa husat i gat stall long kik. Sampela i bin makim Lae long ol arapela pilai na i go moa long pes 35

### INSAIT:

- UPNG Momase Kap-p34
- BFC winim Wau soka taltel-p34



• Ragbi lig kirap gen long Wewak-p26

• Not Solomons laik ol glasim gen boksen lo-p33

• MOA SPOT POTO









# REBO

REBO LUKIM OL I KAPSAIT NA LAP  
NDGUT TRU LONG OL!!

HAI HAI HA! YU TING  
EM HAIWE BILONG YU,  
AHZ.. MI PAPA BILONG  
DISPELA HAIWE!!  
CIANNI LIMN!?!  
!?!  
!

REBO DRAVI I GO NA LUKIM WANPELA POLIS  
KAR I KAM!!!

EM NAU! WANPELA  
POLIS KAR I KAM!  
BAI MI STOPIM!!

REBO,  
OLSEM  
WANEM?

OL RASKOL  
RAUNIM YUMI NA OL  
IKAPSAIT LONG KONA  
NDGUT LONG BAKSAIT!

LUKIM!  
MAN YAH  
TROMOI HAN  
LONG YUMI!

NAU OL POLIS IKAM NA REBO TOKTOK  
WANTAIM OL!!

OL RASKOL IBIN  
RAUNIM MI NA OL I  
KAPSAIT DAUNBILO  
LONG ROT!!

TRU, AHZ!  
ATING EM OL  
DISPELA LAIN  
TASOL MI WOK  
LONG PAINIM?!

HARIAP TRU OL POLIS I GO NA SEKIM  
OL RASKOL!!

HUKU...  
AARR...  
OOO  
OOH...

EM OL  
TASOL! HARIAP,  
YUMI GO SEKIM  
OL!!

NAU OL I PULUMAPIM OL LONG KAR NA  
KARIM OL I GO LONG HAUSSIK...

Z6A 710

REBO, PLUS, TOKIM  
MI.. WANEM SAM-  
TING KAMAPZ.. MI  
SILIP NA MI NO  
HARIAP WANPELA  
NOIS!

OL RASKOL ROT-  
BLOK LONG ROT NA MI  
BRUKIM ROT-BLOK BILONG  
OL.. OL I FELHAT NA BI-  
HAINIM MI TASOL MI  
GIAMANIM OL NA OL I  
KAPSAIT LONG ROT.



## HEY, WANTOK!

YU LAIK RITIM NIUSPEPA LONG TOK-  
PLES BILONG YUMI?... ORAIT, BAIM

### WANTOK

NIUSPEPA BILONG OL PAPUA NIUGINI STRET

EM NIUSPEPA  
BILONG YUMI OL  
PAPUA NIUGINI STRET!

INO DIA TUMAS. 40¢ TASOL!



# RAUN BILONG BAMBELLI

YUMI LUK PINIS

BAMBELLI BAI BIHAINIM DISPELA LAIN MAN IGO INSAIT LONG BIK BIKBUS TRU

BAMBELLI EM BAI TING LONG SEIVIM TALIHA NA REVEREN CONRAD, TASOL PLENTI PAITMAN

OKE, IGO GEN...


OL LAIN MAN IKAM KAMAP LONG PLES TEBOL TAMBU



ILUK OL SEM BIKPELA OMAMA SPIRIT EMI AMAMAS. .. KISIM IKAM KALABUSMAN



LONG ODA BILONG MEROGITA!



OL I RAUNIM TALIHA NA REVEREN CONRAD IGO INSAIT LONG PLES TAMBU.

I gat PAWA!

# Haiwara klostu daunim Pranis



GUTPELA DE TRU NA KAMILUS WANTAIM FAMILI IGO PIKNIK LONG BRAUN RIVA... LIKLIK PRANIS IGO PAINIM KIDAM KAIKAI IREDI KAM NA KISIM!

APINUN NAI NA BIKPELA REN PUNDUN LONG MAUNTEN...

KAMILUS I LUKIM HAIWARA IKAM NA SINGAUTIM PRANIS LONG KAM BEK...

WANTU PRANIS I SWIM I KAM, TASOL TU LET!!! WARA IKAM PINIS!!

MI GO PAINIM PIS, NA YU, PRANIS?  
MI GO PAINIM K N-DAM LONG HAPSAIT!

WARA I KOL GUT TRU NA FAMILY I KISIM GUTPELA TAIM STRET...

BUDUM!! RUMBLE!

PRANIS, KAMBEK! HAIWARA IKAM!! REN LONG MAUNTEN!!

OH-NO! HAIWARA IKAM PINIS! MI LET PINIS!!

PRANIS I SINGAUTI, TASOL PAPA BAI MEKIM WANEM?  
PAPA! (GLOW) PAPA! HELP! HELPI MI!!!  
OH-NO! BAI MI MEKIM WANEM?!!

PAPA! NO INAP LONG HELPI MI YU!! TASOL SUPA SWIT MOA IKEN EM I KAM!!!  
HELP!!  
EM I GLASIM PRANIS NA GO HELPI MI EM!!!

HOLD ON, SAN!

OH, SWIT MOA! TENKIU TRU LONG SEVIM LAIP BILONG PRANIS.  
YEAH! EM GUTPELA LEGEN LONG MI LONGI STAP KLOSTU LONG GRAIN!

NO WARIS SAN, BAI YU ORAIT NAI!!  
EM NAI! TAIM YU LUKIM WARAI STRONG NOKEN WAGWAS INSAIT!

S.S.M I kam long taim stret long sevim laip bilong Pranis. Supa Swit moa i tok "Sapos wara i tait, noken waswas long en!"

Paradise CHICKEN CRACKER SWIT MOA 4 BISKEI 100g NET

S.S.M

SUPA SWIT MOA The Taste of Paradise



# MUSIK NA TELEVISIEN

PAPUA NIUGINI



## Musik bilong PNG i katim wan solwara

"BAI mipela singim dispela song "Meri Vanuatu" long Vanuatu stret." Dispela em hap toktok bilong mangi Kerema bilong Rabaul Basil Greg. *Wantok* i bin toktok wantaim em las wik taim ol i prektis bipo long ol i go raun long Solomon Ailan na Vanuatu.

Na long bilip bilong planti ol Musikman ya, i luk olsem planti aiwara bai pundaun na tu ol lewa bai bruk long dispela singsing taim Basil bai singim long Vanuatu.

Moa long 17 ol musik man na meri bilong

PNG i stap nau long wanpela raun bilong ol we bai stat long Solomon Ailan na pinis long Vanuatu.

Dispela Rok Konset i wanpela bikpela tru insait long Honiara na Vanuatu em Chin H Meen Studio bai holim long dispela tupela wan ples.

Raun bilong ol i bin stat long Mas 16 i go inap long Mas 24 long Honiara na Vanuatu.

Yangpela Charles Kivovon na Henry Kuskus tu bai kirapim tingting na bel bilong ol yangpela long dispela tupela ailen wantaim ol

singsing bilong ol olsem *Lokel Reggae* na *Tutu Arenge*. Na bikman bilong Tolai Musik George Telek bai kirapim das tu long long hap wantaim ol bikpela singsing bilong em we i save kukim PNG.

Ol dispela 17 musik man na meri ya em Dika Dai, Basil Greg, Hitsy Golou, Charles Kivovon, George Luff, Maraki Ani, David Kwaru, George Telek Mamua, Steve Lahui, Thomas Lulungan, Henry Kuskus, Milan McCriddle, Lista Laka, George Dimara, Eileen

Dimara, Eddie Elias na Nadya Golski.

Bipo long ol i go, yangpela Charles Kivovon i tok olsem em bai singim planti ol singsing bilong em gen. Bikos planti manmeri i save laikim ol dispela singsing.

Ol lain long Solomon Ailan na Vanuatu i save laik harim musik bilong Papua Niugini. Tasol wanpela samting em ol i laik lukim ol dispela musik man na meri stret long ai bilong ol. Olsem na Chin H Meen i apim namba bilong ol musik na meri bai i go.


## I KAM LONG Ela Motors

OL WIL BILONG NESEN

## AMERICAN TOP FORTY

AS AT 16/04/94

CUR.	TITLE	ACT NAME
1.	<i>The Sign</i>	Ace Of Base
2.	<i>Without You</i>	Mariah Carey
3.	<i>The Power Of Love</i>	Celine Dion
4.	<i>Because Of Love</i>	Janet Jackson
5.	<i>Mr Jones</i>	Counting Crows
6.	<i>So Much In Love</i>	All-4-One
7.	<i>Mary Jane's Last Dance</i>	Petty And The Heartbreakers
8.	<i>Baby I Love Your Way</i>	Big Mountain
9.	<i>Found Out About You</i>	Cin Blossoms
10.	<i>Breathe Again</i>	Toni Braxton
11.	<i>Now And Forever</i>	Richard Marx
12.	<i>Stay</i>	Eternal
13.	<i>Whatta Man</i>	Salt-N-Pepa
14.	<i>The Most Beautiful Girl</i>	Prince
15.	<i>Rock And Roll Dreams</i>	Meat Loaf
16.	<i>Amazing</i>	Aerosmith
17.	<i>Cantaloop (Flip Fantasia)</i>	Us3
18.	<i>Streets Of Philadelphia</i>	Springsteen
19.	<i>Choose</i>	Color Me Badd
20.	<i>Mmm Mmm Mmm</i>	Crash Test Dummies
21.	<i>Because The Night</i>	10,000 Maniacs
22.	<i>All For Love</i>	Adams/Stewart/Sting
23.	<i>Please Forgive Me</i>	Bryan Adams
24.	<i>I'm In The Mood</i>	Ce Ce Peniston
25.	<i>Dreams</i>	Gabriella
26.	<i>Shoop</i>	Salt-N-Pepa
27.	<i>All That She Wants</i>	Ace Of Base
28.	<i>Queen Of The Night</i>	Whitney Houston
29.	<i>Linger</i>	Cranberries
30.	<i>Hero</i>	Mariah Carey
31.	<i>I Can See Clearly Now</i>	Jimmy Cliff
32.	<i>Loser</i>	Back
33.	<i>Come To My Window</i>	Melissa Etheridge
34.	<i>Life (Everybody Needs Somebody)</i>	Jimmy Cliff
35.	<i>Groove Thang</i>	Zhane
36.	<i>Return To Innocence</i>	Engina
37.	<i>Love Sneakin' Up On You</i>	Bonnie Raitt
38.	<i>And Our Feelings</i>	Babyface
39.	<i>Daughter</i>	Pearl Jam
40.	<i>Everyday</i>	Phil Collins



## EMTV TELEVISIEN

THURSDAY 21ST APRIL, 1994		PASTOR WALO ARNI		12.00 NATIONAL EMTV NEWS REPLAY	
5.57	STATION OPEN	12.00	STATION CLOSE	12.27	NEWS REPLAY
6.00	INT NEWS (G)		FRIDAY 22ND APRIL, 1994		MEDITATION WITH PASTOR WALO ARNI
6.30	DAY BREAK NEWS (G)	5.57	STATION OPEN	12.30	STATION CLOSE
7.00	TODAY SHOW (G)	6.00	ITN NEWS		SATURDAY 23RD APRIL, 1994
9.00	STATION CLOSE	6.30	DAY BREAK NEWS (G)	12.27	STATION OPEN
1.30	MIDDAY SHOW (G)	7.00	TODAY SHOW (G)	12.30	GILLETTE
3.00	KIDS KONA (G)	9.00	STATION CLOSE	1.00	WIDE WORLD OF SPORT
4.00	SESAME STREET	1.20	STATION RE-OPEN	5.00	BONANZA
4.30	THE BOOK PLACE (G)	1.27	EMTV TOK SAVE	6.00	NATIONAL EMTV NEWS
4.50	YOGI'S GANG	1.30	MIDDAY SHOW (G)	6.30	HEY HEY IT'S (G)
5.00	THE ADVENTURES OF SKIPPY (G)	3.00	SESAME STREET (G)		SATURDAY
5.27	EMTV TOK SAVE	4.00	THE BOOK PLACE (G)	8.30	NCDC NEWS (G)
5.29	EMTV NEWS BREAK	4.30	YOGI'S GANG	8.45	EMTV TOK SAVE (G)
5.30	HOME AND AWAY (G)	5.00	THE ADVENTURES OF SKIPPY (G)	9.00	BURK'S BACKYARD (G)
6.00	NATIONAL EMTV NEWS	5.27	EMTV TOK SAVE	10.00	HAWAII 5-0 (G)
6.30	A CURRENT AFFAIR (G)	5.29	EMTV NEWS BREAK	11.00	FOCUS (G)
7.00	SALE OF THE CENTURY (G)	5.30	HOME AND AWAY (G)	12.00	NATIONAL EMTV NEWS REPLAY
7.30	LOTTO (G)	6.00	NATIONAL EMTV NEWS	12.27	MEDITATION WITH PASTOR WALO ARNI
7.35	NEIGHBOURS	6.30	A CURRENT AFFAIR (G)		STATION CLOSE
8.00	FIZZ (G)	7.00	THE CURRENT AFFAIR OF THE CENTURY (G)		SUNDAY 24TH APRIL, 1994
9.00	BEYOND 2000	7.30	NEIGHBOURS	7.57	STATION OPEN
10.00	RESCUE 911	8.00	AUSTRALIA'S FUNNIEST HOME VIDEO SHOW (G)	8.00	BUSINESS SUNDAY
10.30	A COUNTRY PRACTICE	8.30	RUGBY LEAGUE	9.00	SUNDAY
11.30	NATIONAL EMTV NEWS REPLAY	10.40	EMTV TOK SAVE (G)	11.00	WIDE WORLD OF SPORT
11.57	MEDITATION WITH	10.50	NEWS MAGAZINE (G)	12.00	THE FOOTY SHOW
		11.00	JACK & THE FATMAN(G)	1.00	BONANZA



2.00	WIDE WORLD OF SPORT
4.00	SPORT SUNDAY
6.00	NATIONAL EMTV NEWS
6.30	RUGBY LEAGUE
7.30	60-MINUTES (G)
8.30	SUNDAY NIGHT MOVIE "Mrs Lambert Remembers Love"
9.57	CHIT CHAT WITH SIR PAULIAS MATANE
10.00	MUSIC & THE SPOKEN WORD
11.00	NATIONAL EMTV NEWS REPLAY
11.27	MEDITATION WITH PASTOR WALO ARNI
11.30	STATION CLOSE

## PNG TOP TWENTY

AS AT 16/04/94

NO.	SONG	ARTIST
1 (1)	<i>Mi Lonely Nau</i>	Kopex
2 (3)	<i>Hangu Panu</i>	Old Dog & Offbeats
3 (2)	<i>Bolbol La Kaive</i>	Emfo Band
4 (5)	<i>Emi No Isi</i>	Basil Greg
5 (8)	<i>Pait Nating</i>	L. Kania
6 (4)	<i>Honiara</i>	Basil Greg
7 (7)	<i>Askere</i>	Hollie Maia
8 (9)	<i>Sailor</i>	Navigators
9 (5)	<i>Misout Tam</i>	G. Telek
10 (10)	<i>Kaipunaki</i>	Histy Golou
11 (2)	<i>Chako Chako</i>	Chaco Chaco
12 (14)	<i>Marimari Blong God</i>	M Manimbi
13 (13)	<i>Lukluk Raun</i>	Jr Molacks
14 (11)	<i>Kir Ta Prove</i>	Kokotatts
15 (17)	<i>Swit Smile</i>	Vuvu Vibration
16 (20)	<i>Oro Medley</i>	Alo Pops
17 (0)	<i>Vavi-O</i>	Wamsi Ilau
18 (18)	<i>Iau Rejected</i>	Kopex
19 (15)	<i>Afi Biria</i>	Sugie Kuwic
20 (19)	<i>A Bul Wantok</i>	G. Telek

\* Ratings based on requests on Radio Kalang and not cassette sales.

## Ela Motors - Ol Wil Bilong Nesen



# Wantok

Digitized version made available by



**Copyright:** Under copyright

**Rights Holder:** Word Publishing Company Limited

**Use:** This digital version is made available from the UC San Diego Library under a license granted by the Word Publishing Company Limited. This digital copy of the work is intended to support research, teaching, and private study.

**Constraints:** This work may be protected by copyright law. Use of this work beyond that allowed by the applicable copyright statute requires the written permission of the copyright holder(s). Responsibility for obtaining permissions for any use and distribution of this work rests exclusively with the user and not the UC San Diego Library. Inquiries can be made to the UC San Diego Library program having custody of the work.

**Note on digitized version:** Some of the digital versions presented here reflects the quality and contents of the microfiche. Problems which have been identified include misfiled or out-of-order pages, illegible text; these problems have been rectified whenever possible.